

Akamanyiso Ka Kataano

Jeffersonville, Indiana, USA

Okwakashatu 22, 1963

1 Reka twinikye emitwe yaitu hati tushabe.

Tataitwe ow'omu Iguru omunyambabazi, Ruhanga Ow'obushoboorozi bwona, Owaazoire Yesu okuruga omu bafu omurundi ogundi, kandi Okamutumurikira omu biro ebi eby'aha muheru, omu Maani ag'Omwoyo Orikerwa, nitusiima ahaw'entayaaya ezi ez'amaani eza Ruhanga otafa. Kandi hati, Taata, tworekyereire eshaaha endijo, eshaaha eyaakubaasa kuhindura obugarukiro Obutahwaho bw'abantu baangi. Kandi okwirira eki, Mukama, titurikwemara. Ahaw'okuba, kiri omu Byahandiikirwe, ngu, "Omwana gw'Entaama akatwara Ekitabo kandi yaabambuura Obumanyiso."

Omwana gw'Entaama wa Ruhanga, rugayo, nitukushaba. Nitukweta, Mukama, Omucunguzi mukuru. Rugayo kandi otworekye puraani Yaawe ey'obucunguzi eyaabaire esherekirwe okuraba omu myaka, otubambuuri Akamanyiso ka Kataano aka omwabazyo ogu, Taata, kandi n'okutshuuruurira ebiri omu Kamanyiso ako; kugira ngu tugarukyeyo turi Abakristaayo barungi okukira oku turi hati, tube abashemereire omurimo oguri omumaisho okukiraho. Nitukishaba omu Iziina rya Yesu. Amiina. Mushutame.

2 Musiibire gye, banywani. Ogu ningutwara kuba omugisha mukuru munonga kuba hanu omwebazyo ogu, aha kirikubaho eki kikuru. Tindikumanya ahandi hoona ahu naakwehiramu kurungihi, okukira kuba aha murimo gw'Omugabe. Kandi hati okwija kukira munonga ahari ebirikwegyesibwa ebi ahu tutegyerereize kusha; ku Yaakuba Atakinshuururiire, Tinkaakibaheereza.

Tindikugyezaho kukozesa kimwe aha biteekateeko byangye ebindi nari ekindi kintu kyona; nk'oku Araakihe kwonka. Ekyo kihikire. Kandi ni-nimpamya, ku ndaabe ntakoreise ebiteekateeko byangye, kandi Kikaija omu muringo ogu Kiiziiremu. Kandi omu magara goona Tikikakoraga enhobi. Tikirikubaasa kukora enhobi obwire obu.

3 Hati, n'ekitiinisa nitusiima munonga, munonga ahaw'eki Atukoreire, ogwo mukono mukuru ogw'enaama gwa Ruhanga ohuriire! Ni kintu ki ekikuru ekyakubaho, tukaabaasa kukiraho kuba abantu abahairwe omugisha, okukira kuba n'Omugabe w'abagabe, Omukama w'abakama omu maisho gaitu?

Obundi tukaabaasa kuteera efurimbi kandi-kandi, tuhanika zaabendera, kandi twara ahansi ebirago kandi n'ebindi byona, ahawwa Purezidenti w'eihanga kwija omu rurembo. Kwonka, fa kuteekateeka, ekyo kikaaba kirungi, kandi kikaaba kiri ekirikuhsa orurembo ektiinisa. Kwonka teekateeka. Omuri tabirinaakuru yaitu enkye, ey'omutindo gw'ahansi, omwabazyo ogu, nitweeta Omugabe w'abagabe, Ruhanga. Kandi titu . . . Tarikwetenga kwara ebirago ahansi, n'ebindi nk'ebyo. Naayetenga emitima eyecureize eyeheireyo, kugira ngu Abaase kutwara emitima egi eyecureize kandi agishuuruurire ebi-ebintu birungi ebi Aine omu ibiikiro ahaw'abo boona Abamukunda.

4 Hati, tukabuuza . . . kandi nyine obujurizi obu ndi-ndikwenda kuha. Hati, ku naakuba ngwire ahari eki; nkakihurira kusha, kwonka nimbaasa kuba ngwire. Kwonka nintekateeka ngu abantu bari hanu, kandi ngu obujurizi obwo nibubakwataho.

Kandi reero, ebiro bikye ebihingwire, obu mbaire ndi omuka yangye hati, omuri-omuri Arizona, tukatunga e-simu erikugira ngu hakaba hariho omwojo muto owaabaire arwaire omushwija gw'amahenengye. Kandi ogwo guza omu mutima. Kandi akaba ari . . . Ishe na nyina n'abakundwa, banywani bangye ab'omuhendo. N'omwe omu badiikoni baitu hanu, ab'ekanisa, Ow'eishe-emwe Collins. Omwojo we omuto, Mikey omuto, ozaana na Joe, abaire arwaire omushwija gw'amahenengye ogw'omu mutima. Kandi ba Dokita bakaba bamwohereize omuka, bamuteire omu kitanda, kandi bagambiire abazaire nangwa n'okutamwimutsya, nainga okwimutsya omutwe gwe, kunuya amaizi. Okugwiha aha kitanda; abaire ari kubi munonga. Kandi abo bazaire, abeesigwa, baija omuri tabirinaakuru hanu, kandi baikiriza.

5 Kandi ebiro bikye ebihingwire, hatariho kugyezaho kutegyereza, tukarangirira saaviisi y'okutambirwa aha Sande. Kwonka, ahaw'okureeba ngu tukaba nituza kutunga okugarukamu ebibuzzo, n'ahaw'ekyo tukareka saaviisi y'okutambirwa. Kandi reero mbaire nyine ekintu eki mbaire mbiikire omunda yangye, omu mutima gwangye. Kandi nyina na ishe bakenda kumanya ku baakubaasa kureeta omwana omu-omu kishengye. Kandi baareeta ogwo mwana muto aho, kandi Omwoyo Orikerwa yaaranga ku yaakira.

6 Kandi n'ahaw'ekyo, abo bazaire, ahaw'okuha ekyo ekitiinisa, bakatwara ogwo mwana muto omu ka kandi baamwohereza aha ishomero, baafa kumwohereza aha ishomero. Dokita akakihurira, n'ahaw'ekyo tarashemerereirwe ekintu ekyo. N'ahaw'ekyo, akagambira nyina ku omwana ogwo ashemereire kuba ari omu kitanda, buzima. Kandi nyina yaamutekyerereza.

Kandi nintekateeka ngu omushaija ogwo ni, ninyetegyereza, ni omwikiriza Omukristaayo, omu kigombe ky'ediini. O-Omwadiventi, dokita ni Omwadiventi. Kandi n'ahaw'ekyo akagira ati, "Mbwenu, mushemereire . . . n'obwire bw'omwana, nyowe kumukyebera." Yaagira ati, "Musuemereire, haakiri, kumukyebeza."

Nyina yaagira ati, "Ni kirungi munonga." Yaatwara omwana eifo, kandi dokita yaamushwijuma, eshagama,

ahi omushwija gw'amahenengye guri. Kandi n'ahabw'ekyo niinyetegyereza ngu dokita akatangaara munonga tiyaamanya eky'okukora. Omwojo ogwo muto arigye munonga, omu buteeka kandi kurungi, tihariho na . . . ekizoirwe.

7 Hati, aba Collins bari hanu? Nimbaasa kuba ekyo nkigambire kubi. Niinyenda . . . Ekyo kihikire, Ow'eishe-emwekazi Collins? Yee. Ni kirungi. Yee. Ogwo ni Mikey Collins omuto, ow'emyaka nka mukaaga, mushanju y'obukuru. Kandi ekyo kikabaho omu kishengye honyini, nk'ebiro bishatu ebihingwire.

Oo, baka . . . Nihateekwa kuba haabaire hariho Orikukira omuntu w'obutoosha omu kishengye ekyo! Akaba ari ogwo-ogwo Yehova omukuru kandi ow'amaani, ekyo kihikire, oija kuha Ekigambo Kye ekitiinisa. Kandi ni-ninsiima munonga kuhurira ekyo. Mwareeba? Nimmanya twena nitusiima. Tiinye nyenka, kureka twena, ababw'okuba ku yaakubaire ari-ari omwojo waawe omuto nainga owangye omuto?

8 Kandi, mwijukye, nimpa obujurizi, nka bumwe bwonka, kandi ndikwiha bumwe hanu na hariya. Kiriyo nikibaho hoona hoona, kwonka n'okugira ngu mumanye ku-ku obuheereza bwangye bwonyini buri aha kutamba kwa Ruhanga. Kwonka imwe . . . Ndi hanu ababw'Obumanyiso obu. Ahabw'okuba, handihakye nimwija kwetegyereza ababw'enki mbaire nshemereire kukora eki. Kandi, ababw'ekyo, tindi mwegyesa, omukugu otendekirwe omu by'ediini. Nyowe-nyowe nshabira abarwaire kwonka, kandi ninkunda Mukama.

Kandi hati, hati omuri eki, n'obu kiraabe, ngu . . . Ekiro ekihweire tuhaire obujurizi obw'omwishiki muto . . . ntungire eziina rye. Kandi Billy ariine hanu hati, ahantu nanka, n'ery'omuzaire n'abu bari. Kandi ogu mwishiki omuto abaire ari omu idaara eririkuhereerukayo ery'ekookoro ey'omu shagama, ari haihi . . . Ari kubi atyo batarikubaasa okumugaburira okurabira omu kanwa aka na kakye; akaba ashemereire . . . eshagama ye erikumuteebwamu okurabira omu mitsi. Kandi abaire ari omwishiki muto oboneire. Abaire ari mukye waagyeronisa n'emyaka ye, nintekateeka, ari nk'omukyara ogu hanu. Kwonka oburaingwa abaire naingana ati, munonga . . . Babaire bari nka baingi omuriitwe. Obaire noobaasa kukimanyira aha mijwarire y'omwana ogwo, ku . . . kandi n'abazaire, ku bari abanaku munonga, abanaku munonga, kandi, kwonka, abarikuha ekitiinisa. Kandi Omwoyo Orikwera yaarangirira omwana ogwo ku yaakira.

9 Hati, teekateeka ahari ekyo, aine ekookoro y'omu shagama, ogwo mwana omuto. Kandi eshagama ebaire esiisikariire kimwe batarikubaasa kumugaburira okurabira omu kanwa na kakye. Akaba ashemereire, kuza omu irwariro kandi n'okutamu eshagama, nari okutamu eshagama okurabira omu mitsi, okumugaburira; ninteebereza, gurukosi, nari ekindi kyona. Tindikumanya eki ab'ebi'obushaho beeta endwara egoy, kwonka, oku biri kwona, abaire ashemereire kugaburirwa omu muringo ogwo. Kandi ogwo mwana atakrugire omu mwanya ogwo, yaaririra omugaati ogurimu enyama.

Kandi abazaire, bwanyima y'okuhurira Omwoyo Orikwera, owa OKU NIKWO MUKAMA ARIKUGIRA, mwareeba, baka . . . Kandi, bo, abantu basya, batakaijahoga omu mwanya ogwo. Kwonka baka . . . O-omushaija n'omukazi abakuzire barungi munonga ababahaire entebe zaabo hanu, edakiika nkye ezheweire, Ow'eishe-emwe kandi n'Owe'ishe-mwekazi Kidd, babaire babahabwire aha ki baraakore, kandi n'eky'okuhurira. Kandi ogwo mwana ariire eby'okurya bye omu muhanda nibataaha.

10 Ebiro bibiri nari bishatu ahanyima y'ekyo omu ishomero. Kandi akaabaire agiire owa dokita, kandi dokita akatangaara munonga! Akagira ati, "Tihariho n'akatoonyezi kamwe ak'ekoororo ey'omu shagama akashangirwe omu mwana." Mwareeba?

Hati, ekyo n'ekihikiire kimwe, eky'ahonaaho, Amaani ga Ruhanga Ow'obushoboorozi bswana, okukwata eshagama erikugyenda omu mubiri akagishemeza, kurungi nka batyo, kandi-kandi akata enkuratima ey'amagara masya omunda aho. Habw'okuba, eshagama erikugyenda omu mubiri gwawe-gwawe nigo magara gaawe, agarifa. Kandi okuhanga obutafaari obw'omubiri busya, kandi n'okushememeza obwa ira! Kandi-kandi eki kiri, hatariho okubangaanisa kiri . . . Nkagamba eki, ni ekikorwa ky'okuhanga kya Ruhanga Ow'obushoboorozi bswana; okutwara e-eshagama erikugyenda omu mubiri esiisirwe n'ekookoro, okuhitsya obu omwana ogwo omuto, ow'erangi ya kinekye kandi ahagire, kandi, omu bwire bukye bwonka, omusyasya ogw'eshagama erikugyenda omu mubiri.

11 Niinyiriza . . . Tindikwija kukigamba omu Iziina Rye; naaza kukigamba omu kwangye. . . omu kushuuruirwa kw'okwikiriza kwangye, ekyabaireho omu Nengo ya Sabino eizooba riri. Niinyikiriza ngu eshaaha neirira haihi, obu ebicweka by'emibiriby'ebiyarugireho birigarurwaho, kandi Amaani ag'ekitiinisa ag'Omuhangi. Ni-niinyikiriza, ku Araabe naabaasa kutuma ka kamugye kaareebeka, kataine . . . Hanu hariho omushaija nari omukazi, obuzirweho ekicweka ky'omubiri. Kandi egoy n'enyaishwa ejewire, omuriyo. Ni Ruhanga. Ni-Nimukunda.

12 Mpaho, hati, naatandika ago mashomo, kandi nitugumizamu okugagambaho. Kandi abantu abari aha rubaju rw'ebisiika, kandi beemereire omu bishengye bihang kandi n'omu bisiika, n'ebindi nk'ebyo, n'ahabw'ekyo kangiire kimwe omu Butumwa. Kandi niinyenda kugamba eki, kandi niinyenda kusiima Ogwo Ori hoona. Kandi, ngu, eriizooba, ntaine ekintu na kimwe eki ndikumanya aha bikwatiraine n'ako Kamanyiso ka Kataano, Kaizire omu buryo obwo bumwe obw'enaama, akasheeshe aka, hatsigaire nk'eshaaha emwe butakatagurikeine, obu mbaire ndi omu kushaba. Kandi eriizooba . . .

Nshutamire ebiro bitaano nari mukaaga ebihingwire, omu kisiika kikye ntaine ou ndikureeba. Kureka

okushohora kandi nkarya eby'okurya byangye ndi no-ndi n'omunywani, na bamwe aha banywani bangye hanu. Kandi, buzima, nimumanya ogwo munywani, ni Ow'eishe-emwe kandi n'Ow'eishe-emwekazi Wood. Yee. Kandi-kandi nimumanya, kandi ngireyo kandi-kandi naaguma nabo, kandi buri omwe abaire murungi. Kandi tihaine ekibaireho, kureka . . . Ningyezaho kugumira kimwe n'obwo Butumwa bw'Obumanyiso obu. Ni bukuru. Niinyikiriza n'e-n'eshaaha y'okushuururuwa Kwabwo, okushuururuwa Kwabwo.

13 Kandi hati niinyenda ngu muhamize kimwe hati, bukiri kare, okubanza, ahonaaho nk'oku murikubaasa muhandiikye ebi mutaayetegyereza aha-aha Bumanyiso obu Mushanju, ku muraabe mubiine, kandi mubite aha meeza. Kandi obundi Ow'eishe-emwe Neville nari ondiijo weena naabaasa kuta bokisi aharuguru hanu. [Omuntu omwe yaagira ati, "Bokisi eri hanu." -Omur.] Oo, hanu-hanu, hati naabireeba. Ekyo ni kirungi. Haakiri mbitunge ekiro eki, kugira ngu obundi nkaabaasa kubyegaho akaanya kakye, ahabw'akasheeshe ka Sande.

14 Hati, muta, obwire obu, omu bwire obu, mutabuuza, eky'okureeberaho, "Akamanyiso ak'Omwoyo Orikwera n'aka?" Mwareeba? Nka-nkaayenzire okumanya aha, ebi nyegyeiseho, nimureeba, ahabw'ekyo tubaase kutunga eishomo eri rimwe (nk'obusingye bw'ekanisa) rishorongire, mwareeba, ahabw'okuba ekyo nikyo turikwegaho hati.

Hati, nk'oku twakuba nituza kushabira abarwaire, obwo ekyo shana nokyetaagisa e-eshaara y'omutaano. Kandi oshukirweho, otaahemu ahabw'ekintu ekindi, nimumanya. Kandi noosherura Ruhanga, kwenda ngu omanya, "Nihaija kubayo omuntu weena ekiro eki, Mukama?"

"Eego, naija kuba ari omuntu ojwaire ekijwaro kya kinekye, ashutami omu nshonda y'omukono gwa buryo. Kandi omukazi ogwo ku oraamwete, omwete eki. Kandi ogambe ngu akakora eki n'eki. Kandi aine eki n'eki." Bwanyima oshuumayo kandi oreeba, kandi omukazi ogwo omureeba. Mwareeba? Omu muringo ogwo, mwareeba? Tikirkushushana. Mwareeba? Kandi omuringo ogu, ninshaba, "Mukama Yesu, enshoboorora y'Eki n'eha? Kinshuururuire." Amiina.

15 Hati ka twiheyo za-za Rurara zaitu omurundi ogundi hati, kandi, ekyo Kigambo. Kandi ninsiima obushagiki obw'omwoyo obw'Ow'eishe-emwe Neville, kandi n'okukunda kwe kw'ab'eishe-emwe, hanu enyima yangye, nanshabira. Kandi naimwe mwena okwo ei muri, naimwe.

Kandi, hati, ekiro eki ahabw'okuba ekiro ky'Orwakataano, nituza kugyezaho, kukikora nka . . . itwe . . . Torikubaasa obundi kukwata aha bintu byona. No . . . Habw'okuba, noobaasa kukwata Ekyo, kamwe aha Bumanyisa obwo, kandi okagumeho, Oka-Okabuuriire okurabira omu Byahandiikirwe, ogumizemu. Mwareeba? Nikibaasa kutwara ameezi n'ameezi n'ameezi, kandi nabwo otaakitunga 'habw'okuba Aka-Akamanyiso Ko konka nikaboha Ebyahandiikirwe byona, okuruga omu kitabo ky'Okutandika okuhika omu ky'Okushuururuwa, Akamanyiso kamwe ahari Bwo.

16 N'ahabw'ekyo eki ngyezaho kukora, ni, okwerinda Okutakihabaho, mpandiika Ekyahandiikirwe, nari-nari akahandiiko kakye hanu ahantu nanka, kandi nyerinda . . . Kuguma aha kintu ekyo kimwe, nteekwa kureeba enyima, ahabw'okuba, nyowe . . . kusha. Kugamba, ngamba omu-omu buryo . . . Nyi-nyine amatsiko ngu n'okwebemberwa okuhikire. Kandi obwo ku-kundikureeba ahansi kureeba e . . . kandi na-naatandika kugamba, kandi naahurira ndikuhaba aha ishomo, niinyija kuhinduka, ndeebe enyima orubaju ruri, kugyezaho kutunga Ekyahandiikirwe ekindi, kumpitsya ahari kiriya, nimureeba, omu buryo bw'okukyangusyaho kakye aha rubaju ruriya, omu mwanya ogw'okugyezaho kugumizamu na kiriya.

17 Kandi n'ahabw'ekyo hati nituza kwega ekiro eki, ahabw'embabazi za Ruhanga, ahabw'okuhwerwa Kwe, Aka-Akamanyiso ka Kataano. Kandi Ni kagufu. Nikaraingwaho okukira akandi kariya. Abatemi b'embaraasi bana, hati, babaire bari emishororongo ebiri buri omwe, kandi egi n'emishororongo eshatu omuri aka. Hati, Akamanyiso ka Kataano nikatandika, eshuura ya 6 y'Okushuururuwa, omushororongo gwa 9.

Kandi, hati, ku oraabe ori omu-omuntu musya otakahurirahoga abatemi b'embaraasi aba, mbwenu, no . . . Mwareeba, obumwe n'obumwe no-noogaruka enyima kandi-kandi obe nk'owaihayo ekintu, kandi, ku orikukikora, noogira amatsiko ngu abantu nibajja Kukyetegyereza. N'ahabw'ekyo ku haraabe hariho ekintu kikye eki otarikwetegyereza, mpaho, fa kugumusirizaho kakye. Nari, kwata orutambi rw'amaraka kandi Oruhurikirize, kandi-kandi nimpamya ngu nimwija-nimwija kutunga omugisha okuruga Omurirwo. Nyowe naagutungire. Nyi-nyine amatsiko ngu ni-nimwija kugutunga.

18 Hati, buri omwe ayeteekateekire, okuruga aha mushororongo gwa 9 hati okuhistya aha gwa 11, nari shi otwariremu ogwa 11.

Ku yaabambwire akamanyiso ka kataano, naareeba ahansi y'eitambiro emyoyo y'abaitsirwe ahabw'ekigambo kya Ruhanga n'ahabw'obujurizi obu baahaire;

Baataka n'eiraka rihango nibagira bat: Ai bambe, Mukama waitu orikwera kandi ow'amazima, oryahitsya hi . . . cwera orubanra abatuura omu nsi n'okubahoora enzigu ahabw'eshagama yaitu?

Bwanyima buri omwe yaaheebwa ekijwaro ekirikwera, kandi baaragiirwa kumara ogundi mwanya mukye bahuumwire, okuhitsya omuhendo gw'abaheereza bagyenzi baabo . . . beene waabo, abarikwija kwitwa nk'abo,

obu gurihika.

19 Hati, eki n'ekintu ekiri nk'enaama. Kandi hati ahabw'entambi z'amaramaka, kandi n'ahabw'abakuru b'ediini abatendekirwe n'abegyesa abashutami hanu, hati, ku muraabe mwine ekiteekateeko ekitaanukaine n'Eki; nikwo mbaire ndi, naanye. Kwonka ninkiiha omu kwebemberwa, okuhinduriire kimwe ekiteekateeko kyangye Aharikyo. Mwareeba?

Kandi obwo ninshanga, mwaba nimureeba ebi nibishuururwa, Nikigarukira kimwe enyima kandi nikireeta obwo busingye bw'ekanisa n'Ebyahandiikirwe hamwe, kandi n'Okubibuganisa. Mwareeba? Kandi egoy niyo nshonga ndikwikiriza ngu Nikiruga ahari Ruhanga.

20 Hati, nitumanya ekkyo. Kandi nintekateeka ngu obumwe n'obumwe ngu ntwegamira aha ki omwegyesa mukuru nanka yaakubaasa kuba Yaakigambireho. Mwareeba? Kandi ekkyo-ekkyo nikwo kiri. Tindikucwera omwegyesa orubanja, omu muringo gwona. Kandi tindikucwera orubanja omuntu weena. Nincwera orubanja ekibi, obutaikiriza; atari muntu weena.

Kandi abantu bamwe bagambire ngu, "Noocwera orubanja ebibiina by'amadiini." Ngaaha, timbicwera rubanja. Ncwe-ncwera orubanja entwaza y'ebibiina by'amadiini; ti bantu abarimu, ekibiina ky'abantu abakora ekibiina ky'ediini, nimumanya. Kwonka entwaza erikubategyecka, egoy niyo ndikucwera orubanja, ediini y'Abakatoriki n'ey'Abapurotestante, nizishushana.

21 Bagyensi! Na . . . Bamwe ahari banywani bangye abarikukirayo oburungi abu-abu-abu ndikumanya, n'Abakatoriki, nka . . . ? . . . Nimumanya . . . Kandi omushaija ogwo naabaasa kuba ashutami hanu ekiro eki, obundi. Omuhanda gwonka ogu twabaasize kwombekyeramu tabirinaakuru egi, n'ahabw'okuba Omukatoriki w'ekanisa ya Rooma akeemerera aha bigyere bye omu kooti kuriya, kandi yaanjuririra, kandi, mwojo, nk'oku ondijoj ataaakukozire. Ekyo kihikire. Kandi bakaba batarikubaasa kwanga. Ago n'amazima.

Kandi yaagira ati, "Bakaba baine enamba, 'Abantu baangi munonga.'" Yaagira ati, "Oo, ekanisa egoy terikubaasa kuhitsya abarikukira makumi munaana, nka batyo." Yaagira ati,

"Ekanisa egoy etuura aho." Yaagira ati, "Ni-nimmanya omuriisa waayo, kandi n'ebindi nk'ebyo." Kandi yaagira ati, "Ekanisa egoy etaaha kuriya." Yaagira ati, "Imwe abandi ku muraabe nimubaasa kuhangutsya agaanyu, mbwenu ahabw'enki bo batarikubaasa?" Omukatoriki w'ekanisa ya Rooma, munywani wangye murungi. Mwareeba? Eego, sebo.

22 O-omwojo ori o-Omukatoriki, munywani wangye omwesigwa munonga, akaba naagamba naanye. Akaba aine eduuka y'ebyma; ntakarugireyo. Yaagira ati, "Billy, ni-nimmanya torikwikiririza omu ntawaza y'ediini yaitu." Yaagira ati, "Kwonka ninkugambira hati hati," yaagira ati, "Ruhanga ahaire ekitiinisa munonga eshaara zaawe ahabwaitu! Niinyikiriza, ku waakugira ekizibu hoonahoona omu ihanga," yaagira ati, "buri Mukatoriki omu ihanga akaija kukuyamba." N'ahabw'ekkyo, nimureeba, ekkyo ni . . . Yaagira ati, "Buri keekorera musharaba aha mugongo," nikwo yaabeetsire. Naaza kukigamba nk'oku yaakigambire.

23 N'ekya buzima, beehamya kuba ekkyo ahabw'okuba Abakristaayo abaabandize bakaba beekorera emisharaba aha migongo yaabo. Nitumanya ekkyo okuruga omu byafaayo. Kandi beehamya kuba Abakristaayo abaabandize, eki baabaire bari, kwonka entwaza ebaihire omuri ogwo muhanda, mwareeba. Kandi abantu abo, Omukatoriki, nari Omuyudaaya, nari eki bari kyona, n'abantu abarikuruga aha muti gumwe ogu twarugiremu. Mwareeba? Ekyo kihikire. N'aba-n'abantu abarikukunda, kandi bakarya, kandi bakanya, kandi bakabyama, nka buri omwe weena. Kandi n'ahabw'ekkyo titushemereire kucwera orubanja na rimwe omuntu weena, ngaaha, n'obu yaakuba omwe, mwareeba.

24 Kwonka, titushemereire kucwera orubanja abantu. Kwonka, nk'omuheereza, nshemereire kuteera egoy njoka aheeru okwo, erikuruma omu bantu abo, mwareeba. Kandi ti-kandi ti n'obu yaakuba . . . Nyowe kusha, naanye nyenka, tinkaakozire ekkyo kuri kitarabaire okuragiirwa kuruga ahari Ruhanga, obujunaaniziba obu ndikugyemwa kukora ekkyo, mwareeba. Kandi ekkyo nintekwa kukihamya omu mazima kandi n'omu bwesigwa.

Kwonka Omukatoriki, Omuyudaaya, nari ou yaakubaire ari, ku yaakwija aha; ku yaakubaire Omusiraamu, Omugriiki, nari omu Orthodox, nari ou yaakuba ari. Ku yaakwija hanu kushabirwa, nkamushabira omu mazima nk'oku naakushabiire owangye. Ekyo kihikire. Buzima, ahabw'okuba n'omuntu. Kandi nshabiire ab'ediini ya Buddha, n'aba Sikh, Jain, Abasiraamu, na-na buri muringo, nimureeba, batyo. Kandi timbabuuza bibuuzzo; mbashabira kwonka, ahabw'okuba bari eki bari, omuntu orikwenda kukira, kandi n'okugyezaho kutuma amagara gaaba gye aharibo okukiraho omu rugyendo.

25 Hati nitwetegyereza, ngu, omuri eki, kandi abaingi omuriimwe hanu nimbamanya, hariho nk'abeegire buzima abahikire babiri nari bashatu abashutami hanu. Kandi-kandi beegire munonga, kandi bashomire enyegyesa za-z'abandi bantu aha ishomo eri. Kandi niinyenda ab'eishe-emwe aba kumanya ngu ti-tindikucwera orubanja abashaija aba. Niinyoreka kwonka ebi Mukama arikuunyoreka. Kandi nibyo nyine byonka.

Hati, titurikwenda kwija kugira obu twateekateeka ngu, ahabw'okuba omukazi mukye ou omurimo gwe guri okwozya ebijwaro by'abandi nari-nari omwojo omunaku omuhingi, ngu tarikubaasa kutunga okushuururirwa

kuruga ahari Ruhanga. Ahabw'okuba, nimureeba ni . . . Ruhanga, We omu mazima naayeshuururira omu bwanguhi. Ekyo, tubaire tukiine aha Sande, okutandikaho ebi, oku Ayeshuururira omu bwanguhi Bwe. Ekyo nikyo Kimuhindura mukuru.

26 Hati reka-reka nfe . . . Reka nkishwijume kakyeho nk'edakiika emwe. Ekihindura Ruhanga mukuru, n'ahabw'okuba Naabaasa kwegianura ahansi munonga. Ekyo nikyo Kimuhindura mukuru. Ruhanga ni mukuru, kandi Naabaasa kwehindura omu muringo ogwanguhi okuhitsya obu abanyabwengye b'ensi egi batarikubaasa Kumubona. Tibarikubaasa Kumubona, ahabw'okuba Ayehindura oyanguhi munonga. Hati yetegyereze. Kandi eki, omurikyo, n'enaama y'okushuururuwa kwa Yesu Kristo. Mwareeba? Eki, omurikyo, okugira ngu e . . . Hariho . . . tihariho ekintu kyona ekirikubaasa kuba kikuru okukira Ruhanga. Kandi torikubaasa kukora ekintu ekirikwebundaaza nk'oku Ayebundaaza. Mwareeba, ekyo nikyo Kimuhindura mukuru. Mwareeba?

27 Hati, omuntu mukuru, naabaasa kuba mukuru okukiraho kusha, nari obundi naabaasa kwinama kandi akugire ati, "Ori ota?" mwareeba, nari ekindi nk'ekyo. Kwonka tarikubaasa kwehindura mukye. Hariho ekimurihi. N'omuntu. Tarikubaasa kwehindura mukye. Ahakuba, ku atandika kwehindura mukye munonga, obwo, eky'okubanza noomanya, atandika kugamba aha bi ondiijo yaakozire, kandi nk'ebyo. Kandi bwanyima atandika kwetwara ahaiguru omurundi ogundi, nimureeba. Kwonka, omuhanda ogw'ahaiguru guri ahansi, omuri Ruhanga. Eego

28 Abanyabwengye ab'ensi nibagyezaho, omu bwengye bwabo, Kumusherura. Omu kukikora, batemba nibamuhabaho. Mwareeba, abanyabwengye b'ensi, ku oraabe noogyezaho kushoboorora ekintu orikukozesa omushomo gwa kubara nari ekindi kintu. Oijke, nangwa Akitaire . . . Omuri Baiburi, omu Kushuur- . . . Ngaaha, munsaasire. Isaaya 35, niinyikiriza nikyo, ngu nangwa kiri-kiri omu bwanguhi okuhitsya obu n'o-n'o-n'omuntu endeme arikubaasa Kukyetegyereza, mwareeba. Mpaho, "Nangwa n'omushema tariguhabiramu."

Abanyabwengye bakihabaho hare, ahabw'obwengye bwabo, Nibamuza hare munonga, obwo nibagyezaho Kumusherura n'obwengye. Hati, ekyo mutakyebwa. Ekyo nikija kukwatwa aha rutambi rw'amaraka, mwareeba. Abanyabwengye, omu bwengye bwabo, baza hare kugyezaho Kumubona n'obwengye bwabo, Bamuhabaho, mwareeba. Ku baakubaasa kuba bakuru ekirikugasha kubabaasiisa kuba bakte ekirikugasha, Bakaamubona. Ku oraabe mukuru ekirikugasha kukuhindura mukye ekirikugasha! Mwareeba ekyo?

29 Kandi, noomanya, ekyo-ekyo buzima n'Amazima. Ngiire omu bantu, omu za ofiisi zaabo n'ebindi nk'ebyo, abaabaire buzima bari abashaija, bakuru, abagabe, mwareeba, kandi n'abategyeki abaine obushoboorozi, abategyeki abahungura obutegyeki, kandi emirundi mingi abo n'abashaija bakuru. Kandi naaragiire omu myanya ahu omushaija aine ebijwaro by'okuhindura, shana obundi omuheereza omwe obaire naayenda kuteera empaka naanye akaanya kakye, kandi oka-okaabaasize kuteekateeka ngu ensi tekaabaasa kubaho atariho, mwareeba. Kandi ekyo-ekyo n'emyepaako omu mutwe, mwareeba. Kwonka, o-omushaija mukuru, omushaija mukuru ashutama ahansi kandi agyezaho kutuma waateekateeka ngu ori mukuru, mwareeba? Mwareeba, naabaasa kwecureeza.

30 Kandi, nimureeba, Ruhanga ni mukuru okuhitsya obu Arikubaasa Kwebundaaza, omwanya, ogu omuntu atarikubaasa kutemburuka akahikamu, nimureeba. Nikwo kiri . . . Kandi omu byabo . . . Kandi nibagyezaho Kumubona. Hati reeba. Nibagyezaho Kumubona okuraba omu kwohereza aboojo omu ishomero, kandi n'okutunga diguri ya Bachelor of Arts. Kandi-kandi nibagyezaho Kukibona n'emigambire y'obukugu bw'ediini ya-ya-ya Baiburi. Kandi nibagyezaho Kumusherura na puroguraamu z'eb'y'obwegyese, kandi na puroguraamu z'ebigombe by'amadiini, kandi n'okuhindura ebintu bikashemera, kandi nibagyezaho kubona. Tariyo, na kakye. Nimurwana n'omuyaga, nikyo ekyo kyonka. Nimu-nimukihabaho.

31 Nibabaasa kuba bakuru ekirikumara kuba-kuba abanguhi ekirikumara, nibabaasa Kumubona omu ndagiiriro egyo, omu kuba abanguhi. Kwonka obwire bwona obu oraagyendere omu bwengye, nooba Noomuhabaho. Hati reka nkuate ekyo nikwo mureekye kukifeerwa. Obwire bwona obu oraamare noogyezaho kusherura Ruhanga n'obwengye, nk'oku kyabaire omu kibanja kya Edeni, nk'oku kyabaire omu biro bya Musa, nk'oku kyabaire omu biro bya-bya Noa, nk'oku kibaire omu biro bya Kristo, omu biro bya Yohaana, omu biro by'entumwa, kandi n'okuhitsya aha kiro eki! Ku orikugyezaho kukyetegyereza, kandi okagyezaho kusherura Ruhanga n'obwengye, n'oba n'omuza hare obwire bwona. Nooba noogyezaho Kukyetegyereza. Tihariho omuringo gwona ogw'okukikoreramu. Okyakiire kwonka. Mwareeba? Okikirize kwonka. Reka kugyezaho Kukyetegyereza.

32 Tindikwetegyereza ahabw'enki, ekyo, mpaho, ebintu bingi. Ti bintu bingi ebi ndikwetegyereza nari kubaasa kwetegyereza. Tindikwetegyereza oku ogu mwana muto oshutami hanu arya eby'okurya ebirikushushana n'ebi ndikubaasa kurya, kandi-kandi, ngugu hanu, aine omutwe gwijwireho eishokye, nyowe tindiine. Tindikukyetegyereza. Bangambira ngu 'calcium' niyo erikurikora; kandi timbaasa kurinda enono zangye kukura ngu ntazishara, kandi tinyine eishokye ry'okushara. Ekyo ti-tindikukyetegyereza.

33 Nk'orufumu orwa ira oku rugira, ni . . . Kutari nk'okuhindura enyemerera, okutaho omutima; kwonka, Ni kikuru, kwonka tinkahikire aha Kamanyiso. Oku ngu ente erikwiragura erikubaasa kurya obunyaatsi bwa kinyaatsi, kandi ekareeta amate agarikwera, agarikucundwamu amajuta ga kinekye! Ni-nimpamya ekyo tindikubaasa kukishoboorora, mwareeba. Habw'okuba, nimureeba, kimwe nikiruga omu kindi. Kandi oku kikorwa, tindikubaasa kukishoboorora.

Tindikubaasa kushoboorora oku amarebe abiri geemerera, nari ebimuri bibiri, eby'ekika kimwe, kandi kimwe kibe ekirikutukura, kandi ekindi kibe ekya kinekye, kandi ekindi kibe kitaka, kandi ekindi kibe bururu. Tindikubaasa kukyetyegyereza. Omushana nigwo gumwe ogurikubijwera. Erangi erugahi? Mwareeba? Titindikubaasa kukishoboorora, kwonka kandi nooteekwa kukiikiriza.

34 Nkaayenzire ngu omwe aha bakuru abashomire eby'ediini anshoboororere oku ensi egi eyemerera omu mwanya. Nkaayenzire ngu okurabira omu bya sayansi mubaase kuundekyerera omupiira ahaiguru omu mwanya, nigwehindura, kandi mukagubaasiisa kwehindura gukeetooroora omurundi gwa kabiri, omu mwanya nigwo gumwe. Timurikubaasa kukikora. Kwonka kandi eki kyo obwire bubaririirwe kimwe munonga okuhitsya obu barikubaasa kumanya obu obwira-kabiri bw'eizooba buribeeraho n'edakiika, emyaka makumi abiri kuruga hati. Tibaine eshaaha y'aha mukono nari eshaaha y'aha kisiika, nari ekyoma kyona, ekihikire kityo. Kandi nabwo neeyemerera okwo. Kandi, bwanyima, ehengamiire enyima. Mbwenu shi ku yaakugororokaho kakye? Yee. Nooyehindura omusheema, okugyezaho, mwareeba.

35 N'ahabw'ekyo, nimureeba, mutagyezaho kutunga obwengye, kwetegyereza. Mwikirize ebi Arikugamba byonka. Kandi oku murikubaasa kweyongyera kwecureeza, obwo nikyo ekyo, nimwija Kukibona. Mbwenu, ekyo ninkishemerererwa, ninshemerererwa ahabw'okuba Ariho, Ayehindwire oyanguhi.

Hati, nitushanga, eshuura ya 6 n'omushororongo gwa 9. Reka ntandikye hati.

Ku yaabambwire akamanyiso ka kataano, naareeba ahansi y'eitambiro emyoyo y'abaitsirwe ahabw'ekigambo kya Ruhanga n'ahabw'obujurizi . . . obu baahaire:

36 Mwetegyereze, tihariho Ekihangirwe ekindi ekyagambwaho, nari Ekihangirwe eki-ekiine amagara, aha kurangirira oku okw'Akamanyiso ka Kataano. Hati mwijukye, kikaba kiriho, aha Kamanyiso ka Kana. Kikaba kiriho, aha Kamanyiso k'Okubanza, aka Kabiri, aka Kashatu, n'aka Kana, kwonka tihariho na kimwe hanu. Mwareeba? Hati, ku muraayetegyereze, ka tushome enyimaho, kamwe aha Bumanyiso. Reka tugarkye enyima aha Kamanyiso ka Kana, mwareeba. Kandi ogwo n'omushororongo gwa 7. Ku yaabambwire akamanyiso ka kana, naahurira eiraka ry'ekihangirwe ekya kana nikigira kiti: Ija . . . (oreebe)! . . . ku . . . yaabambwire akamanyiso ka kashatu, naahurira eiraka ry'e-ekihangirwe ekya kashatu nikigira kiti: Ija (oreebe)! . . . ry'ekihangirwe ekya kabiri . . . Ija . . . (oreebe)! . . . kandi ekihangirwe ky'okubanza kyagira kiti: Ija (oreebe)!

37 Kwonka kandi ku turaahikye aha Kamanyiso ka Kataano, tihariho Ekihangirwe. Hati mbwenu mwetegyereze. Ku yaabambwire akamanyiso ka kataano, naareeba ahansi y'eitambiro . . . Ahonaaho! Mwareeba, tihariho-tihariho Ekihangirwe na kimwe aho. Kandi Ekihangirwe nikishushanisa amaani (obushoboorozi). Ekyo nitukimanya, mwareeba. Tihariho Ekihangirwe ekiine amagara na kimwe.

Hati, kimwe aha Bihangirwe ebyo, nitushanga, omu kwega o-o-okushuuuruwa omu makanisa, ngu kimwe aharibyo kikaba kiine . . . kikaba kiri entare; kandi ekindi kikaba kiri enim; kandi ekindi kikaba kiri omuntu; kandi ekindi kikaba kiri empungu. Nitushanga, omu busingye bw'ekanisa, ngu Ebihangirwe ebyo ebina, ekirikumanyisa obushoboorozi buna, bukaba bwetooroire Ebyakozirwe Entumwa, nk'omuringo ogu e-eihema ery'omu ihamba.

38 Kandi nimukyetyegyereza, 'habw'okuba tindikuza kutwara obwire kukitaahamu. Oku twakiteire ekishushani hanu, kandi tukakyoreka nk'oku kiri! Bikaba birinzire Eki, Omwana gw'Entaama hamwe n'Ekihangirwe, okuhikiiriza Ekihangirwe nk'oku baakozire e-eshanduukye y'endagaano omu Mwanya Ogurikwera omu ihamba, n'ebindi.

Hati, nabwo tukooreka nk'oku baabaire batuura, ahabw'amarangi g'enganda za Israeli, kandi n'ahabw'e . . . Ni bangahi abaahuriire mushanju-obusingye mushanju bw'ekanisa? Ninteebereza abarikukira obwingi mukabuhurikiza, babiri ahari bashatu omuriimwe. Mwetegyereze, ngu n'obuhangwa bw'Ekihangirwe bukaba buzima buri akamanyiso k'oruganda, ni muringo ki ezo ina. . . enganda ikumi na ibiri ezo zaabaire zitairwe, ina ahari buri rubaju, nimmanyisa-nimmanyisa enganda ishatu ahari buri rubaju. Kandi Ebihangirwe ebina bishutama kandi birinda, enganda ezi kuruga omu mbaju ina zoona.

39 Kandi, ku, tukagyenda kandi twakwata Engiri ezo, kandi twayoreka oku biri buzima. Waaza omu shanduukye y'endagaano, bikaba birinzire egoy shanduukye y'endagaano, endagaano egoy. Kandi bwanyima nitushanga ngu endagaano y'Ekanisa ensya, Ekijwekeyire omu nsi, kikaba kiri Omwoyo Orikwera. Eshagama ekaba yaayohereize, ahariitwe, Omwoyo Orikwera. Kandi Ebihangirwe ebyo ebina bikaba bijwekeyire, kandi nk'e-ezo nganda ikumi na ibiri za Israeli, nk'oku byabaire nibirinda. Kandi tuzoire obuhangwa bwabyo, kandi turikutwara obuhangwa obwo nibwo bumwe hazza tukabuta ahari emwe ahari ezo Ngiri ina, buzima, bikaba nibishushanira kimwe. Kimwe kikagamba n'entare, ekindi n'enimi, n'ekindi . . . Engiri ina! Nikyo ekyo. Engiri ina nizo burinzi bw'Omwoyo Orikwera. Amiina.

40 Burijo ntangaara . . . Kikangumamu. Hati, egi ni nk'emyaka mukaaga, ninteebereza, kwiha obu naahurira omuntu mukuru naagira ngu ekyo kikaba kiri e . . . "Ebyakozirwe Entumwa bikaba biri fureemu y'ekyombeko" kwonka. Nkhiruiire nikigambwa emirundi mingi. Kwonka kuhurira omuntu n'obukuru bwe, nk'omubuurizi kandi nk'omwegyesa, ohandiikire bimwe aha bitabo ebirikurangaanwa ebi abantu bashoma hoonahoona, reero kugira ngu Ebyakozirwe Entumwa bikaba omu mazima bitashemereire okwegyesa kw'Ekanisa! Obwo, Ebyakozirwe Entumwa nigwo musingye Gwakyo gwonyini; etari efureemu y'ekyombeko. Omusingye! Habw'okuba, Baiburi

neegira ngu o-o-o omusingye gwa Ruhanga “gwombekirwe aha Nyegyesa y'entumwa,” kihikire, “Kristo, Omutwe, Eibaare ry'aha nshonda.”

Kandi omuntu ogu ku yaayemereire aho kandi akagamba ekintu ekyo, nka-nka-nka-haihi nka . . . Omutima gwangye gukatentebuka. Kandi naateekateeka nti, “Tiky'okutangaaza.” Mpaho, nindeeba hati, omu Bumanyiso. Kikaba kitakashuuruuirwe. Nikyo ekyo kyonka. Mwareeba?

41 N'ahabw'ekyo, ekyo, bakaba bari aho, beemereire aho, kwonka hakaba hariho ekintu ekyabaire nikikigamba. Hati, mwetegyereze, nibirinda. Hati, ku tureebire Matayo 28:19, kandi tukakurata ekintu ekyo kurabira omuri Matayo, owaabaire naajwekyera entare. Kandi twaija, omwo, tuzoire buzima ahawb'enki nibabatiza omu Iziina rya Yesu Kristo. Kandi ngugwo Akaba ari aho, ayemereire aho n'ekyo Kyahandiikirwe kyonyini, kurinda obwesigwa oburikwera obw'okubatiza, okw'Eiziina rya Yesu Kristo. Ni kirungi. Mpaho, naatandika kuza omu busingye bw'ekanisa hati.

42 Mwetegyereze. Kwonka, hanu, ku turaahikye aha Kamanyiso ka Kataano aka hati, tihariho-tihariho-tihariho otembire embaraasi orikurugayo, kandi tihariho kihangirwe ky'Okukarangirira. Yohaana aka . . . Omwana gw'Entaama Akakabambuura, kandi Yohaana Yaakareeba. Hakaba hatariho n'omwe aho ow'okugira ati, “Hati ija, ranzya. Ija, reeba.” Mwetegyereze, tihariho amaani g'Ekihangirwe ekiine amagara. Nari hariho . . . Kandi aha Kamanyiso ka Mukaaga, tihariho Kihangirwe eky'Okukarangirira. Kandi aha Kamanyiso ka Mushanju, tihariho Kihangirwe ky'okukarangirira. Tihariho maani na gamwe g'Okukarangirira. Mwareeba, tihariho n'omwe orikukikora.

Aha ka . . . Mureebe. Aha ka . . . Ahanyima y'Akamanyiso ka Kana, tihariho amaani g'Ekihangirwe kyona agarikurangirira, okuruga aha ka Kataano, aka Mukaaga, nari Akamanyiso ka Mushanju, nangwa na busha.

43 Hati mwetegyereze. Eki ninkikunda. Nk'omu bwire bw'owaatembire embaraasi ina, otembire (omwe) embaraasi ina ezitarikushushana, hakaba hariho Ekihangirwe ekyabaire kirangirira amaani ago. Buri kaire otembire embaraasi ku yaabaire atandiika embaraasi endijo kandi akarugayo kugitemba, Ekihangirwe ekindi eky'omuringo ogundi kirugayo kandi kikirangirira kiti, “Egyo n'enaama nkuru.” Mwareeba? “Egyo niyo naama.” Ahabw'enki? Okurangirira enaama.

Ahabw'enki hatariho n'omwe hanu aha Kamanyiso ka Kataano, Okukarangirira? Nkiki hanu, okurugiirira aha kushuuruuirwa oku Mukama Yesu ampaire eriizooba, mwareeba, nari akasheeshe aka, kare. Ekyo ni, ngu, enaama y'obusingye bw'ekanisa bwahweire, aha bwire obu. Enaama ya antikristo eshuerwirwe, omu bwire obu. Antikristo akatomba embaraasi omurundi gwe ogw'aha muheru, kandi tumuboine aha mbaraasi ye ya kisa, ayejwangire n'amarangi ge maingi, kandi naatembera kimwe embaraasi okutaaha omu kuhwererekyera. Nitukitunga omu Nzamba, n'ahandi, ekyo ku turaakyegyese. Nkaakihikaho hati, kwonka niturugira kimwe aha ishomo omurundi ogundi.

44 Kandi ni-nituza. . . naatomba embaraasi . . . Egyo niyo nshonga erikutuma hataabaho n'omwe aho. Hati, titwine enshonga ehandiikirwe, habw'okuba enshonga zimwe z'ekintu nanka. Hati, nimwijuka, aha kubanza, okutandika, nkagira ngu tiharikubaasa kubaho ekintu kyona kitaine nshonga.

7Nimwijuka eitondo rikye rya bwino? Mwareeba? Hati oine kusherura enshonga. Hariho enshonga eyaatumire bataayetaagisibwa kugira Ekihangirwe, nari obushoboorozi, okurangirira Akamanyiso aka kaaba nikabambuurrwa. Kandi Ruhanga wenka niwe orikubaasa kushuurura ahabw'enki, nikyo ekyo kyonka, ahabw'okuba Ni byona-byona biri Omuriwe.

45 Kwonka enshonga erikutuma Yaakashuuruura, nk'oku ndikwetegyereza, kiri ngu n'ahabw'okuba enaama y'Ekitabo ky'Obucunguzi, nk'oku antikristo ashuerwirwe; kandi omu bwire nibwo bumwe, Ekanisa egyszire, kandi ebintu ebi nangwa tibirikubaho n'omu busingye bw'ekanisa, na kakye. Ekyo kihikire. Biri-biri hare n'obusingye bw'ekanisa. Ekanisa yaaherize kare Kutwarwa, aha bwire obu. Ekanisa neetwarwa omu kaabunga, omu shuura ya 4 y'Okushuururwa, kandi terikugaruka mpaka egarukire n'Omugabe Waayo, omu shuura ya 19. Kwonka Obumanyiso obu hanu nibushuurura ebyabaireho, ebiraho, kandi n'ebiribaho. Mwareeba? Kandi, hati, ebyabaire biri eby'okuba eby'obusingye bw'ekanisa, bikashuuruurrwa Obumanyiso obu, kandi hati mureebe ekyaza kubaho.

46 A-amadaara ana ag'otembire embaraasi ogu gaashuurwirwe. Amadaara ana ga antikristo, atembire embaraasi, gashuurwirwe omu bwire obu, n'ahabw'ekyo tibakyetaagisibwa bundi. Kandi hakaba hariho Ebihangirwe ebiine amagara bina bya Ruhanga, okurangirira otembire embaraasi obwo nizigyenda.

Ebihangirwe ebina ni amaani ag'emirundi ena. Hati, nitumanya ngu Ekihangirwe, omu kushoboorora kw'ebigambo ebirikushushanisa bya Baiburi, nikimanya amaani (obushoboorozi.) Hati, reka tukyetegyereze kurungi. Ebihangirwe ni bina, omu Baiburi, nibijwekyera obushoboorozi omu bantu. Hati, ku turaareebe, nk'omuri Danieli, ku yaareebire eihanga rimwe niriimuka, kikaabaire shana edubu ekwatsire orubaju omu rubaju rwe, omu kirikushushanisa. Bwanyima yaareeba obundi bushoboorozi nibwimuka, embuзи. Ekaba neejwekyera ekintu nanka. Bwanyima yaareeba obundi bushoboorozi nibwimuka, kandi-kandi ekaba eri engwe eine emitwe mingi munonga. Ekaba neejwekyera obugabe nanka. Bwanyima yaareeba endijo neimuka, entare y'amaani eine

amaino, kandi-kandi yaaribatiirira ebyatsigaireho. Ekyo kikaba nikimanyisa obushoboorozi obuhindukireho, byona hamwe.

Bumwe bukaba buri o-obugabe bwa Nebukadeneeza; kandi obundi, ekirikushushanisa ky'e-ky'ekirooto. Danieli akareeba okworekwa; Nebukadeneeza akaroota ekirooto. Kwonka Danieli akashoboorora ekirooto kye, kandi kikaba buzima kiri hamwe n'okworekwa. Amiina! Whew!

47 Oo! [Ow'eishe-emwe Branham yaateera omu ngaro ze rimwe-Omur.] Kuri nimumanya ekibaireho! N'enki ekibaireho tutakarugire hanu? Nimwetegyereza? Ahabw'enki, ebirooto mukaaga bishorongire bikaizira kimwe n'okworekwa. Amiina. Mwareeba? Ekirooto, kyashoboororwa, ni okworekwa. Ahabw'okuba omuntu obundi otazairwe n'omuntu w'omunda ow'okugumaho, atagwejegyeire yaakureeba, obwo Ruhanga ahika omu muntu w'omunda ogu kandi agamba nawe. Eki, ekyo Akakiragaanisa, omu birooto, omu biro by'aha muheru, Akaba naaza kutayaayira abantu, kandi nabwo n'omu kworekwa. Mwareeba?

Hati, okworekwa n'obu orikuba ottagwejegyeire na kakye, oyemereire kurungi nka bat, kandi ebintu ebitari bimwe bikashuururuwa. Kandi oyemerere, obibagambireho kurungi; orebe ebyabaireho, kandi n'ebirikuza kubaho, n'ebindi. Kwonka, hati, ekirooto n'obu orikuba ogwejegyeire, kandi ebihurikizo byawe bitaano bitarikukora, kandi ori-ori omu muntu waawe ow'omunda. Ori ahantu, ahabw'okuba, ku orikugaruka, noijuka ei obaire ori, okijuke obwire bwona bw'amagara gaawe. Mwareeba? N'ahabw'ekyo, ni omuntu waawe ow'omunda. Bwanyima okwenda ngu, mwareeba . . .

48 Nk'oku Omuny'eishengyero Upshaw yaabaire akira kugamba ngu, "Torikubaasa kuba ekintu eki otari." Kandi ekyo haihi kihikire, mwareeba. Kandi, obwo, ku oraabe ozairwe ori omuhanuuzi. Hati, nimureeba, ekyo okukikora, ebyo byombi omuntu w'omunda n'omuntu w'aharuguru nibateekwa kuba hamwe kurungi; atari omwe hanu n'ebihurikizo bitaano, birikukora, ondi aheeru hanu obwo ogwejegyeire, kandi n'ebihurikizo bitaano bitarikukora. Kwonka, nimureeba, ebyo byombi, ku oraazaarwe, biri hamwe, torikugwejegyera. Nooruga omuri kimwe oza omu kindi, nka-nka batyo. Torikugwejegyera. Tihariho omwanya ogurikugasha ogw'okugwejegyera. Kandi torikubaasa kwekora omuringo ogwo. N'ahabw'ekyo, "Ebiconco n'okwetwa bikamanywa ira Ruhanga." N'ebi-n'ebiconco n'okwetwa bya Ruhanga, nangwa "oteeteisize," Baiburi nikwo yaagizire. Mwareeba? Bikateebwaho omusingye gw'ensi gutakateirweho. Mwareeba?

49 Mbwenu, hati, nitushanga ngu, e . . . Enyamaishwa, ey'omuri Danieli, ekaba neemanyisa ngu bukaba buri obushoboorozi oburikwimukaho omu bantu. Ni kirungi. Kandi-kandi okworekwa kwa Yohaana hanu, nakwo, kukooreka ngu bukaba buri obushoboorozi, amahanga nigaimukaho. Nka, Amerika neereebeka omu kitabo ky'Okushuururuwa 13, nk'omwana gw'entaa. Kandi obwo ku muraabe nimwenda kumanya, okundi . . . Nimugira muti, "Mpaho, okwo, okwo n'okugamba aha bushoboorozi bw'eihanga." Nabwo nikimanyisa amaani agarikwera, nabwo, enyamaishwa. Ekyo mubaire nimukimanya?

Mwetegyereze Rebeka; ku-ku o-omuheereza wa Abrahamu, Eliezeeri . . . Ku yaizire kutwara -beka -Rebeka, aka . . . Akamutembya aha ngamira, engamira egoyonyini ei yaayesheire. Kandi yaatembwa engamira egi, okubugana kishwera we otarikureebwa. Ekintu ekyo kyonyini eki yaayesheire, nikyo kintu ekyamutwaire omu ka ye eya nyentsya na iba.

50 Kandi ekintu nikyo kimwe ebiro ebi, mwareeba. Ekintu kyonyini eki Ekanisa erikweshera, egoy niyo Mbibo, Embibo y'Ekigambo. Ni Ekigambo kyonyini ekirikuba ekihuriire reero kikatutwara ahari Kishwera waitu otarikureebwa? Mwareeba?

Kandi mureebe oku kihikiire kimwe. Isaaka akaba arugire omu ka, kandi akaba ari aheeru okwo omu musiri, hare n'eka ye, obu Rebeka yaamureeba. Kandi Ekanisa neebugana Kristo ahaiguru omu mwanya, kandi bwanyima Amutware omu Ka, Eka ya Ishe, ei ebikaari bitebeekanisiibwe. Isaaka akatwara Rebeka omu muringo ogwo. Kandi, mwetegyereze, bakakundana ku baareebaine omurundi gw'okubanza. Oo, mugyenzi! Rebeka akairuka yaaza kumubugana. Kandi okwo nikwo Ekanisa eribugana Kristo, omu mwanya ahaiguru, kandi egume Nawe ebiro n'ebiro.

51 Hati, emigambre ya Baiburi, Ebihangirwe ebi ni obushoboorozi. Mwetegyereze. Niinyenda, hati, niinyenda ngu mwetegyereze. Sitaane akaba aine enyamaishwa ze ina, z'amarangi, agarikuhindahinduka, ez'okutemba. Akaba aine enyamaishwa ze ina. Zikaba ziri ishatu ezo zonna, zitairwe omu rangi y'emwe egoy, yaahinduka e-embaraasi kisa; embaraasi erikwera, embaraasi erikutukura, embaraasi erikwiragura.

Kandi tureebire, buri emwe ahari zo, ekaba eri entambo y'obuheereza bwe, entambo y'ekanisa ya kare eyaabaire ekozirwemu ekigombe ky'ediini, ahari Niika. Ekanisa y'Abapentekoote eyaabandize, ei Omwoyo Orirkwera yaashukirweho, erikugumizamu, ekatwara omwoyo gwa antikristo, yaakora ekibiina ky'ediini, yaazaara abahara b'ekibiina ky'ediini. Arikuhindura amaani ge, emirundi eshatu, kandi yaagata omuri emwe, kandi yaakora embaraasi kisa. Kandi bwanyima yaaheebwa eiziina erirkwetwe Rufu, kandi yaagitemba mpaka omu Butahwaho. Nikireebeka butunu nk'oku kirikubaasa!

52 Mbwenu, hati mwetegyereze, ahairwe embaraasi egi-egi, kandi agitembire. Ruhanga, Ruhanga aine, nabwo, nka buri murundi . . . Hati mureebe. Obu antikristo yaareebeka, okubanza, akareebekyera omuri ki? Embaraasi

erikwera. Mwareeba, ahabw'enki, ari nk'otaine nshonga na kakye, enyegyesa omu kanisa kusha. Bakaba nibenda okukwatanisa. Okukwatanisa kwawe kuri na Kristo. Kwonka bakaba nibenda okukwatanisa. Bakaba batarikubaasa kukigumisiriza, bakaba nibenda kutunga . . . Mpaho, nimumanya, nk'obubiina bukye bwaimuka omu kanisa. Imwe nimukimanya, imwe bariisa 'mwe. Mwareeba? Bo, nk'oku bagira ngu, "Enyonyi ez'amooya agarikushushana."

Kwonka ku turaabe tuzairwe obwakabiri, b'eishe-emwe, obwo-obwo tibwo buryo obw'okukitwaramu, mwareeba. Ngaaha.

53 Hati, nitu-nitu-nitu . . . Ku turaareebe ekintu ekigwire omu w'eishe-emwe, murekye tushabe kandi tukirekye omu maisho ga Ruhanga, kandi tukunde omuntu ogwo okuhitsya obu turaamureete omu Kubaho kwa Ruhanga. Mwareeba? Ogwo nigwo muhanda, buzima omuhanda ogw'okukikoreramu.

Nimumanya, Yesu akagamba ati. "Haryabamu enkyenzi omwo," ahabw'okuba Yesu akagira ngu zikaba niziza kubaho, "kwonka mutazikuura; nimuzitwariram n'engano." Mwareeba, "Muzirekye." Aryakora . . . Mumurekye Azitaanise obwire ku burahikye. Mwareeba? Murekye byona bikure hamwe.

54 Mwetegyereze, enyamaisho ku yaarugireyo, antikristo akarugayo ari aha nyamaishwa, obushoboorozi bwe. Oo, eki ninkikunda! Naatandika kutaaha omu mwoyo hati hati, mwareeba, obundi shana okucamukirira.

Mwetegyereze, antikristo ku . . . Oo, okwo-okwo kushuuruurirwa, omu Kubaho kw'ogwo Muriro ogwebumburikire gurikureereeta aho omu kishengye! Okuhitsya . . . Oo, ow'eishe-emwe! N'obu naaragireebire, okwiha omu buto, buri kaire Yaija haihi naanye, Entiinisa. Haihi Anta omu mbeera y'okutamanya ekirih. Tokaagimanyira; torikubaasa. Ni erikwera munonga.

55 Mwetegyereze, antikristo ku yaagyenzire (ina) aha nyamaishwa ze z'obuheereza, aho, Ruhanga akoohereza Ekihangirwe okugirwanisa. Mwareeba? Hati mureebe. N'ahabw'ekyo, buri bwire (egyo nyamaishwa ku yaabaire etemba) embaraasi ye, antikristo akaba atemba aha mbaraasi ye, aha nyamaishwa ye, okrangirira obuheereza bwe; Ruhanga akaba ayohereza Ekihangirwe Kye, nawe, kandi Akaba Akirih. okuranga orugamba Rue aharikyo.

Hati, Ekyahandiikirwe nikigira kit, "Omuzigu ku ataahamu nk'omwegymure, Omwoyo wa Ruhanga aimutsya orureng kumurwanisa." N'ahabw'ekyo omuzigu ku yaarugireyo nka antikristo; Ruhanga akoohereza amaan g'omuringo nanka kumubugana. Kandi bwanyima ku ba . . . Akagaruka yaarugayo, nk'otembire embaraasi erikutukura, endijo rangi, agandi maani, obundi buheereza; Ruhanga akoohereza agandi maani kumukurata, kumurwanisa, okukwatirira Ekanisa Ye. Yaayohereza endijo ya kashatu; omurundi ogundi, Ruhanga yaayohereza Ekye, Ekihangirwe kya kashatu kyaija kyakirangirira. Akoheresa endijo ya kana; Ruhanga yaayohereza Ekye ekindi eky a kana. Kandi bwanyima omuheru gwa antikristo, n'obusingye bw'ekanisa bukahwa, nabwo, omu bwire obwo. Mureebe. Hati, oo, eki buzima ni kirungi!

56 Hati, nitureeba ngu sitaane naahinduka, enyamaishwa ina-ina, zikaba nizimanyisa ni maani ki agu zaabaire zishuuruuriirwe aha . . . nari ni maani ki agu yaashuuruuriire ensi, n'oku gaahwereire aha mbaraasi, kisa "rufu." Hati reka tureebe aha maani ga Ruhanga, ag'Ebihangirwe ebi, okuzirwanisa.

Ekihangirwe kya Ruhanga ky'okubanza, eki Yaarugireyo nakyo kurwanisa antikristo, omwoyo gwa antikristo obu gwabaire guri omu nyegyesa ye kusha. Hati mwijukye, antikristo ku yaatembire embaraasi omurundi gw'okubanza, akaba ari omu buheereza bw'okwegyesa. Antikristo ogwo akatemba embaraasi, okubanza, omu buheereza bw'okwegyesa.

57 Hati mureebe ogwo owaagiire kumubugana: entare, entare y'omu ruganda rwa Yuda, nikyo Kigambo. Enyegyesa ye ey'ebishuba ku yaarugireyo, Ekigambo ky'amazima kikaza kumubugana. Egyo niyo nshonga eyaatumire twagira ba Irenaeus, naba Polycarp, na-na-na-n'abo bantu, ba Orirkwera Martin. Antikristo ogwo obu yaabaire atembire embaraasi n'enyegyesa ye y'ebishuba; Ruhanga akoohereza Enyegyesa Ye, Ekigambo, Entare y'omu ruganda rwa Yuda, nikyo Kigambo ekyorekirwe omu Mwoyo Orirkwera. Kandi Omwoyo Orirkwera, aho, Okweyoreka, nikyo Kigambo!

Egyo niyo nshonga eyaatumire Ekanisa ya kare yaagira okutambirwa kwingi, n'ebi'amahano, n'okworekwa, n'amaani, n'ahabw'okuba kikaba kiri Ekigambo ekihuriire, omu nshusha y'Entare ey'omu ruganda rwa Yuda, atembire kurwanisa ekyo. Amiina! Hati mwakyetegyereza? Naayohereza amaan ge, antikristo; Ruhanga ayohereza Age, Ekigambo. Antikristo, enyegyesa y'ebishuba; Okwegyesa kw'amazima kukagyenda nayo, okugirwanisa! Hati, egyo ekaba eri ey'okubanza. Hati, egi ekaba eri Ekanisa y'okubanza, ey'entumwa, eyagiire kumubugana.

58 Hati, enyamaishwa ya kabiri ei antikristo ogwo yaayohereize, ekaba eri enyamaishwa erikutukura, eyaabaire eri ey'oku . . . ei yaatembireho, ekaba eri ey'okwiha (kandi) obusingye omu nsi, kandi-kandi n'okureetaho engamba. Hati, eky a kabiri ekyagiire kumurwanisa, kikaba kiri Ekihangirwe ky'enimi. Enimi nikimanyisa okukora emirimo, Ekihangirwe ky'oburemeezi.

Kandi hati ku twakubaasa kwemereraho edakiika. Mundekye, yee, mundekye, kugira ngu buzima, mureebe eki hati. Hati, nikyo ekyo ekyakubaasa kuba nikibashobera kakyeho. Kwonka reka tukwate Suatira hanu. Mwetegyereze kandi mureebe ku eraabe etari E-E-Ekanisa y'emirimo, nimureeba.

Handiikira maraika w'ekanisa ey'omuri Suatira oti: Ebi nibyo bigambo by'Omwana wa Ruhanga, oine amaisho gari nk'endimi z'omuriro, n'ebigyere bye biri nk'omuringa ogurikwengyengyeta. Naagira ati:

Nimmanya emirimo yaawe, . . . Mwareeba, yoona erikuba emirimo hati, mwareeba, ahaw'okuba niw'ogwo owaabaire atembire embaraasi nawe. . . . n'okukunda kwawe n'okwikiriza n'okuheereza (mwareeba byona ni . . .) n'. . . okugumisiriza kwawe, kandi nimmanya ngu emirimo yaawe (ogundi murundi, kabiri, "emirimo yaawe"), eya bwanyima neekira ey'okubanza.

59 Mwareeba, ekyo nikyoreka ngu, Obusingye bwa Suatira, ahanyima ya antikristo ogwo kumara kuteekana kandi akataaha omu Busingye bwa Suatira, Ekanisa nkye egoy ekaba etarikubaasa kukora kintu kyona kureka kukora emirimo kwonka. Kandi ekindi kintu, enimi eki eri, ni Ekihangirwe ky'okuhonga. Mwareeba? Nibahayo amagara gaabo beekundiire nk'oku barikubaasa kugahayo,

omu busingye bw'omwirima, emyaka rukumi okwo obu Obukatoriki bwategyekire ensi. Kandi bakafa kutaahamu, eego nari ngaaha. Bakaba batarikufayo kufa. Ku eraabe yaabaire eri rufu, ekyo ni kirungi. Bakaba bagyenda kandi bafa, oku biri kwona. Ahabw'enki? Omwoyo ogwo gwonyini ogw'obusingye!

60 Egyo niyo nshonga abo, egoy niyo nshoga Irenaeus, egoy niyo nshonga Polycarp, Yohaana, Paulo, abashaija abo b'amaani kandi emanzi okwo, nibarwanisa ekintu ekyo! Paulo akakireeba. Akagira ati, "Nimmanya, ngu ku ndiheza kubarugaho, ngu emishega neija kubataahamu, ab'eishe-emwe, nibeegyesa eby'obuhabe, kandi biryabahabya."

Mureebe ahari egoy ntumwa, emanzi, nkye, eyemereire aho, omugongo gwe guteirwe gwijwire emihiririzi, amaisho ge nigareeta amarira. Kwonka akaba naabaasa kureeba hare munonga okukira ebyaboy . . . garubindi egoy erikuranzya hare munonga okwo seeri, nibabaasa kureeba hare aharikwingana orugyendo oru ekyererezi kirikugyendamu omu myaka mirioni igana na makumi abiri omu kaabunga. Akaba naabaasa kureeba arengyera omu Butahwaho. Ngugwo akaba ari aho. Kandi akakiranga kandi yaagira ngu ekyo nikyo kyabaire nikiza kubaho. Kandi yaagamba, nabwo, yaagumizamu yaashuma kuhika omu busingye obundi oburikwija.

61 Hati mwetegyereze, ngugwo aho. Okwongyeraho, ahanyima ye, Orikwera Yohaana akatuuraho omwanya ogurikukirayo oburaingwa. Kandi Orikwera Yohaana ku yaabaire naagyezaho kutwara ebaruha zonna ezirikwera, ashukirweho Omwoyo Orikwera, kandi okubita hamwe kandi akakora Baiburi, obugabe bw'Abarooma bukamukwata kandi bwamuta aha Kirwa kya Patumo. Akaba ari aheeru okwo aha Kirwa kya Patumo abaw'Ekgambo kya Ruhanga. Polycarp akaba naamuhwera okugihindura.

Nkashoma, ekiro kiri, ebaruha ei Mariamu we wenka yaahandiikiire Polycarp. Kandi okukabukira . . . kutari okumukabukira. Kureka naamusiima abaw'okuba omushaija emanzi owaabaire naabaasa kwegyesa kandi akaakiira enyegyesa ya Yesu Kristo, ogwo Ou yaabaire azaire, kuruga ahari Ruhanga. Akabaruha ka Mariamu we wenka aku yaabaire ahandiikiire Polycarp.

Polycarp akagaburirwa entare, nimumanya. Ngaaha, akookibwa. Ba-bakakyerererwa kukomoorora entare omu irorero, n'ahabw'ekyo bakasheenyekinaabiro, enju ekuzire y'okunaabiram aho, reero baamuta omu-omu-omu irorero kandi-kandi baamwotsya.

62 Kandi ari omu muhanda gwe, naashuma, akaba naagyenda ainikire omutwe gwe. Omukuru w'abaserukare Omurooma yaagira ti, "Ori omugurusi, kandi nooheebwa ekitiinisa munonga. Ahabw'enki otarikwehakana ekyo kintu?"

Akaguma naaranzya omu Iguru. Kandi Eiraka ryagambira ahatarikumanywa. Bakaba batarikubasa kwetegyereze ahi ryarugire. Ryagira riti, "Polycarp, otatiina. Ndi naiwe." Ahaa

. Ahabw'enki? Akaba ayemereire n'ekyo Kigambo. Kandi ku baatandikire kumurundaho ebibaaho okumwotsya, okweshongora okw'omu Iguru kukashuma. Kandi-kandi ebyeshongoro kuruga ahari Baamaraike bamwe ahantu nanka bakeeshongora ekyeshongoro. Tarahumbize riisho aha bashekyerezi nangwa n'omurundi na gumwe. Abo n'abashaija emanzi. Abo n'abashaija abarikubaasa kwemerera.

Abaafeereire okwikiriza kuraba omu busingye, okwo, bakabonabona okurikutiinisa. Kwonka bakaba bari baahi? Bakaba beebeirwe, Omwoyo wa Ruhanga, amaani. Ni . . . Eki mutakyebwa, imwe ekanisa 'mwe. Kandi naimwe ab'eishe-emwe, abahurikiize orutambi rw'amaraka, niinyenda ngu eki mukishwijume. Abantu bakaabaasize bata kukora ekintu kyona aheeru y'amaani ga Ruhanga agaabaire gabahairwe?

63 Naaza kuta bokisi egi aharuguru hanu, okushushanisa ekyo. Ruhanga ku araayohereze Omwoyo nanka omuribo, ekyo nikyo kintu kyonka eki barikubaasa kukoresa, ni Omwoyo okorera omuribo.

Hati nituza kukihamya kurabira omu byafaayo by'Ekanisa, kandi n'o-n'omu kubambuurwa kw'Obumanyiso, kandi n'amaani agarekwirwe; kandi mureebe, buzima, Ekanisa ekaakiira o-okushukwaho, kandi bakaba batarikubaasa kukora ekintu kyona ekindi.

64 Hati, eky'okubanza kikaba kiri Entare egoy eyaatsinzire, ekyo Kigambo ekishemeire, ekitajwangiremu. Ekyo kabiri, omuri Suatira, kikaba kiri enim. Kandi Ekaba e-eremereirwe . . . Ekihangirwe ky'okwekorera omutwaro.

Munsaasire. Kandi nabwo Ekaba eri Ekihangirwe ky'okuhonga. Kandi egoyekaba etari buzima Ekanisa egoyenkyene, enkye? Rooma ekaba yaateekaine eifo okwo, omu myaka rukumi y'obusingye bw'omwirima, kandi ekintu kyona ekitaraatwire kuba eky'ekanisa ya Rooma kikaitwa ahonaaho. Kandi bakaba nibateekwa kukora, baza oku n'oku.

65 Imwe aba Masons, nimbajutsya. Nimwijuka akabonero k'omusharaba? Hati ni-nimumanya eki ndikugambaho. Hati mwetegyereze. Hati, ku mura-ku muraayetegyereze, okwo kukaba kuri okubiika n'okurinda Baiburi egoy. Mwareeba? Kandi bakaba baine okukorerana. Nkikyo aho, enim.

Kandi obwire ku bwahikire . . . Tukishomire ekiro ekihweire. Mwareeba, ekintu ku kyarugireyo, reero ekitambo kikaija, kandi bakaba nibateekwa kugyenda. Akagamba ati, "viinyo n'Amajuta otabishiisha." Bakakora ki? Bakazayo beekundiire kandi baafa.

66 Bakaba batarikufayo, abaw'okuba Omwoyo w'Ekanisa omu biro ebyo akaba ari ekitambo, okukora. Kandi bakazayo beekundiire nk'oku baabaire nibabaasa kuzayo, bashukirweho n'Omwoyo wa Ruhanga ow'amazima ow'omu busingye obwo, kandi baafa nk'emanzi, ekitambo; enkumi kuteezamu enkumi, mirioni makumi mukaaga na munaana abahandiikirwe omu bitabo. Enimi, ekitambo!

Oo, mugyensi! Nimukyetegyereza? [Abeeteeraine baagira bat, "Amiina"-Omur.] Nikwo. Ni kirungi. Hati, ekitambo, kikaba nikibaasa kukora omu busingye obwo bwonka, okurwanisa okuhakanisa kw'amaani abaw'emyaka rukumi egoy.

67 Hati, enyamaishwa ya kashatu eyaarugire ahari Sitaane, ekaba eri egi mbaraasi erikwiragura. Mwareeba?148. Hati, Ekihangirwe kya kashatu ekyarugireyo, amaani kuruga ahari Ruhanga, okumurwanisa, okurwanisa amaani g'embaraasi erikwiragura; akaba ari omuntu, omunyabwengye, oyetegyereize, aine obwengye bwa Ruhanga.

Nimumanya, omuntu niwe oine obwengye, kukira enyamaishwa zonna. Mwareeba? Naakirayo obwengye, 'habw'okuba naabaasa kumukiza obwengye, munonga. N'omunyabwengye, orikwetegyereza. Mwareeba? Kandi na . . . O-obusingye, kuruga omu busingye bw'omwirima, hati kushohora kuruga omu busingye bw'omwirima; hati, orundi rubaju oru, obu embaraasi erikwiragura egi yaabaire neegyenda, obu baabaire nibashashuza abaw'ebi-ebi-ebi-ebitambo byabo na buri kintu eki baakozire. Kandi esente zikaba ziri nka . . . Oo, nimumanya oku kyabaire kiri.

68 Hati, ekintu ekindi ekyarugireyo, kurwanisa ekyo, kikaba kiri Ekihangirwe ekiine ahamaisho nk'ah'omuntu; omunyabwengye, oshomire, orikwetegyereza, murungi, oshukirweho Omwoyo ogwo ow'ebiro ebyo. Nimukyetegyereza? Hati, akaza kumurwanisa, aine okwetegyereza kw'obwengye bwa Ruhanga. Obwo bukaba buri obusingye bw'abahunduuzi, Martin Luther, John Wesley, n'abandi. Mwareeba, kukaba kuri okuhunduuzza. Zwingli, na, oo, ni baahi boona, Knox, Kaluvini, n'abandi boona, mwareeba, bakarugayo. Bukaba buri obwengye.

69 Hati, nimureebe, buzima kuruga omu busingye bw'omwirima, kuruga omu kuhunduuzza, orubaju oru, mureebe, kukaba kuri okwetegyereza kw'omuntu. Kuri nimwigura amadirisa gaanyu kakyeho! Niinyikiriza abantu baatandika kugira ekibiga kakyeho, yee, shana, omunda okwo. Kuri nimwigura amadirisa kakyeho kwonka. Habw'okuba, nimmanya, ku ndaabe nyowe nyemereire hanu nimbuurira, nintunga ekibiga, nimmanya ngu naimwe nimuteekwa kuba nikwo muri, aho. Mpaho, mwetegyereze, kukaba kuri okwetegyereza kw'omuntu. Hati, nimwetegyereza?

Egyo nyamaishwa ya kashatu ei Sitaane yaayohereize, ekaba enyabwengye, nayo. Mwetegyereze, "Endengo y'engano y'edenaari. Endengo ishatu za sayiri z'edenaari." Mwareeba? Oo, mugyensi! Mwareeba? Obukoryo bw'okukora esente, obwengye, kutunga ezaabu y'ensi, n'obutungi, ebyareetsirwemu. Ekyo buzima n'eky'okuhikiiriza. Ekyo nikyo kyatandikireho kushashuza eshaara. Kandi ahabwa . . . Bakakora omwanya ogurikwetwa purigaatori, kandi bashabira baishenkurubo okugirugamu. Kandi, oo, okaba nooteekwa kuhayo ekihandiiko kyawe ky'oburagwa na buri kintu, eitungo ryawe. Ekanisa, kandi ekaba eri gavumenti, bikaba biri ekintu kimwe, kandi ekanisa ekaba etwara ebintu byawe.

70 Kandi timurikureeba, bamwe aha babuurizi aba, ebiro ebi, na hati bakiine okushukwaho okwo kumwe aharibo? Bareetera abantu abakuzire kuhayo esente zaabo z'obusimo bwa buri kwezi oburikubaheebwa gavumenti abaw'okubahuumuza aha mirimo, n'okuhayo ebihandiiko by'endagaano z'amaju gaabo ahabw'ebintu bimwe na bimwe. Ahabw'enki, ow'eishe-emwe, ti-tindikwenda kuza omuri ekyo, mwareeba. Kwonka hati ninza kuguma hamwe n'eki; niinyija kuguma nindanzya enyima kureeba ei ndikuza. Hati mwetegyereze, abo bashajia, ekyo kiri aharibo. Ekyo kiri aharibo. Ekyo-ekyo-ekyo tikiine kakwate na kamwe ahariinye. Nyowe ninjunaanwa Eki hanu.

71 Hati mwetegyereze, E-Ekihangirwe kikaija kukirwanisa, hati, kikaba kiri omuntu. Kandi twena nitumanya ngu Ekihangirwe eki, eky'omuntu, amaani aga g'omuntu, omu bwengye bwe obw'obuntu, akamanya ngu ako kagaati kakye aku Martin Luther yaabaire aine omu ngaro ze, obu yaabaire naatemba ago matembezo . . . Bakagira bat, "Egi n'Eshagama ya Yesu Kristo. Ogu n'omubiri gwa Yesu Kristo."

Kandi Luther akakanaga ahansi, kandi yaagira ati, "Ni omugaati na viinyo. Tiguri mubiri gwa Kristo; 'habw'okuba, gutungwirwe, kandi gushutami aha mukono gwa buryo gwa Ruhanga, nigututonganirira."

Mwareeba, obwengye; mwareeba, omuntu.

72 Kandi John Wesley ku yaizire, ahanyima ya Zwingili kumara kutaahamu, na Kaluvini. Kandi bakahitsya ekanisa omu mwanya, ahaby'okwerinda, okuhitsya obu baabaire batakyenda okusisiimuka okundi. "Ekiraaze kubaho kyona nikiza kubaho." Kikaba kiri ekyo kyonka. Kandi bakatuura amagara ga buri muringo. Ekanisa y'Abaluzarani ezambaire munonga, hamwe n'ekanisa y'Abangirikaani! Oo, mugyenzi! Ensi yoona ekajunda emicwe, nk'oku eri hati. Amakanisa gakaba gazambaire. Obu Omugabe Henry owa-owa VIII, kandi yaija omuri Bungyereza, kandi ahanyima ya Mariamu omwitsi, n'ebintu ebi byona ebyabaireho. Kandi, bwanyima, ekanisa ekaba ejuriire kimwe eiraro n'okusiisikara emicwe. Baingi abarkweyeta Abakristaayo, kandi baine abakazi bana nari bataano, nari nibakora ekintu kyona eki baabaire nibenda kukora, kandi nibakora ebitashemeire, n'oburofa.

John Wesley, arikwega Ebyahandiikirwe, naakireeba, kikamushuururirwa ngu Eshagama ya Yesu Kristo eyeza omwikiriza. Kandi muri . . . Timushemereire . . . Bwanyima akakora ki? Akarugayo omu kundi kuhunduuza. Akajuna ensi omu biro bye, nk'oku Luther yaakozire. Mwareeba? Kikaba kiri ki? Omuntu ogwo, amaani g'Ekihangirwe, nigarugayo nigagyenda.

73 Akaha omuntu obwengye bw'okwetegyereza, ngu ekintu ekyo kigwire. Ati, "Egyo teri Shagama ya Yesu Kristo. Ogwo ti mu-mubiri gwa Yesu Kristo. Ekyo kijwekyeire omubiri." Mwareeba?

Ekyo na hati kikiri empaka z'amaani ahagati y'Abakatoriki n'Abapurotestante hati. Ekyo nikyo kintu kyonka eki mutarikubaasa kwikirizanaho hati hati. Buri kintu ekindi, nibabaasa kukiikirizanaho, kureka ekyo; ebi omu nkiiko ezi baine. Mwetegyereze hati. Kwonka, eki, kwonka ti-tibarabaasize kwikirizana ahari ekyo. [Ow'eishe-emwe Branham yaakongoota aha kituuti emirundu eshatu-Omur.] Mwareeba? Omwe ati, "Ni Eshagama, kandi," ati, "n'Eshagama yonyini; ngu omusaserdooti aine obushoboorozi okuhindura omugaati ogu gukaba omubiri gwa Kristo gwonyini."

Ekyo nikyo tabirinaakuru nkye eri, omu-omu kanisa, nimumanya. Egyo niyo nshonga erikutuma baakora obubonero n'omuringo gwona gw'okuhonga gw'obupagaani baaba nibarabaho, nimumanya, kandi bainama, kandi baihaho enkofiira, n'ebindi. Ekyo tibarikukikorera ekyombeko, n'ahabw'akagaati ako akari omu-omu tabirinaakuru egyo.

74 Kandi mwetegyereze oku Sitaane ekyo yaakitaahizemu omu bwengye!

Kwonka, mwareeba, omu bwire obwo, aha buntu bw'omuntu ogwo, mwareeba, Ruhanga akata Omwoyo gw'obwengye omu muntu, okwetegyereza ngu ekyo kigwire. Hati, ekyo kikaba kiri eky'okurwanisa enyamaishwa ya kashatu, eyaabaire ehikize ekanisa omu kusiikikara munonga, ei yaabaire atembire, ekaba eri kubi munonga. Abahunduuzi, bakakora ki obwo, ab'omu busingye bw'abahunduuzi? Bakaia Ekanisa, kuruga omu mikoro yaayo y'obupagaani bw'okuramya ebishushani, baagigarura ahari Ruhanga omurundi ogundi. Mwareeba? Ekyo nikyo Ekihangirwe ekyarugireyo, obwengye bw'omuntu, otembire embaraasi, kukikora.

75 Hati, kwonka, mushome hati omushororongo gwa 3 na . . . nari, Okushuururwa 3:2, edakiika yonka. Hati, nkitaireho akabonero haifo hanu abaw'enshonga. Hati eki ni, nihataahamu hati, obusingye bwa Luther, omu busingye bw'abahunduuzi, bw'Okushuururwa 3:2. Eki baakozire, bakeekoramu ekibiina ky'ediini. Ahonaaho Luther ku yaatandikire ekanisa ye, bakagikoramu ekibiina ky'ediini. Kihikire, ekintu nikyo kimwe eki Wesley yaakozire. Ekintu nikyo kimwe eki Pentekoote baakozire, buzima, kugikoramu ekibiina ky'ediini. Kandi nibakora ki? Nibatwara entwaza egyo emwe ei baarugiremu. Mwareeba?

Hati mureebe eki, Okushuururwa, nihagamba aha kanisa ya Saadi. "Handiikira maraika w'ekanisa y'omuri," nigwo mushororongo gwa 1 hatariho kubangaanisa. Mwareeba? Ni kirungi.

Sisiimuka, ogume nooreeba, ogumye ebikirih . . . Ekyo ni, "Ekigambo eki mwayegyesiibwe," mwareeba, "ebintu ebikirih . . . ebiri haihi kufa; . . . Obwo ayeteekateekire kutandikiraho akagaruka omu kibiina ky'ediini nk'ekanisa y'Abakatoriki ei yaarugiremu. Mwareeba? . . . ahakuba nshangire omuri byona ebi okora hatarimu kihikire omu maisho ga Ruhanga.

76 Nkikyo. Nkikyo ekyo . . . Ngugwo yaagyenda, yaagarukira kimwe enyima omurundi ogundi. Timurikureeba abaw'enki entwaza y'ekibiina ky'ediini egwire? N'oha owaagitandikire? Ni Ruhanga? N'Entumwa? Ekanisa Enkatoriki ya Rooma ekagitandikaho.

Hati hagire ow'ebafaayo weena owaagamba ekihindukireho. Tikirih. Bo, nibagamba ngu nibo nyina w'ekanisa, kandi nibo. Kwonka nibakikoramu ekibiina, kandi bataho entwaza, ekuriirwe omuntu. Kandi tituratwaire omuntu omwe, nk'oku baakozire; nitutwara orukiiko rwona rw'abantu, tubata hamwe, reero buzima twatunga akajararo. Ekyo kihikire. Orukiiko nirubaasa ruta, oku biri kwona?

Ni nk'oku, nituteekateeka ngu entegyeka ya baingi ey'oburingaaniza ehikire. Niinyikiriza nikwo eri, naanye, kwonka terikora kurungi. Terikubaasa. N'ekibiina kyaba Rickys hanu kirikuryebeembera, noobaasa ota kuritegryeka gye? Torikubaasa. Mwetegyereze, ekintu ekihikire akaaba ari omugabe orikutiina Ruhanga.

77 Mwetegyereze Ekihangirwe ekyo, Ekihangirwe ekya kashatu, hati, kikaba kiri obwengye bw'omuntu. Kikaba

nikijwekyera abahunduuzi abaarugireyo. Okuruga aha kishushani ekirikuramibwa, ky'okutwara, eky'okureeberaho, "Ogu nigwo mugaati." [Ow'eishe-emwe Branham yaateera omu ngaro ze kana -Omur.] "Egi ni viinyo." [Ow'eishe-emwe Branham yaateera omu ngaro ze kabiri.] Mwareeba, antikristo na hati aine ekintu ekirikushushaniriza Obukristaayo. Naateekwa, 'habw'okuba "naahakanisa," nimureeba. Kandi mbwenu, ku araabe naateekwa kuhakanisa ekintu . . . Hati, ku yaakwija omu kutandika, akagira ati, "Oo, ndi ow'ediini ya Budha." Mbwenu, ekyo tiharimu kintu kyona. Boona nibakikora. Ogwo ni otamanya Ruhanga, eky'okubanza. Kwonka, antikristo n'omunyabwengye. Aine ebantu okwo by'emiringo yoona ebirikushushanisa Obukristaayo. Kureka, abiine aha rubaju ruri, ekintu ekirikuhakanisa Enyegyesa Yaakyo eyaabandize. Mwareeba, ekyo nikyo kimuhindura antikristo. Mwareeba?

N'ahabw'ekyo, abahunduuzi, Ekihangirwe ku kyarugireyo omu nshusha y'o-y'omuntu, okurwanisa ekyo! Hati, eki mutakyebwa, kibiina 'mwe! Mutakyebwa! [Ow'eishe-emwe Branham yaakongoota aha kituuti kana-Omur.] Mwareeba? Mukijukye, ebiro by'amagara gaanyu byona! Mwareeba? Ebihangirwe ebi bihikire. Ni OKU NIKWO MUKAMA ARIKUGRA. Mwareeba?

78 Mwetegyereze, okuramya ebishushani kukareeta e . . . Ekihangirwe ekirikushusha omuntu kikarugayo n'amaani ga Ruhanga, n'obwengye obu Ruhanga yaamuhaire, kandi yaiha Ekanisa omu kuramya ebishushani, yaagigarura ahari Ruhanga. Kwonka omuri . . . Nitushanga, omu busingye bw'ekanisa obwo nibwo bumwe, ku baatandikire kwekoramu ekigombe ky'ediini, kukora ekintu nikyo kimwe eki baakozire omu kutandika, eki Rooma yaakozire, hati neeza kugira abahara aha kanisa egyo. Mbwenu neegamba ki? Ati, "Mbwenu nk'oku ori . . . Nshangire omuriwe hatarimu kihikire. Kandi oshemereire kuhamya ago maani makye agu otsigaize."

Mbwenu Mumuhurikize naagaruka kubarabura, omu kitabo ky'Okushuuuruwa, 3:3, omurundi ogundi. Ka tukwate . . . Mpaho, niinyikiriza nkitungire, edakiika nkye ezaahingura.

N'ahabw'ekyo oijukye ebyo ebi waahairwe kandi n'ebi waahuriire; obihamye, oyeteise. Omu bindi bigambo, "Mwijukye ngu mukaruga omu bujunde nk'obwo." Mwareeba? Kandi mureebe hanu . . . ahabw'okuba ku oriba otasisiimukire, okareeba, ndyaija (ahariiwe) nk'omushuma (aha); kandi oryamanya . . . torimanya bunaku obu ndikuhikiraho.

79 Kugumizamu omumaisho, Naaza kwhiaho ekikondo ky'etabaaza, mwareeba. N'ahabw'ekyo, nikyo ekyo. Niki? Omushana gw'Ekanisa. Kandi ekagyendera kimwe yaataaha omu ntawaza y'omwrima gw'obupagaani bw'ekibiina ky'ediini ei yaarugiremu, kandi omwo nimwo ekiri n'eriizooba, hamwe n'abantu abeesigwa nibateekateeka ngu ago nigo Mazima, nk'oku Abakatoriki bari. Kandi Abapurotestante bashekyerera Abakatoriki; kunu bataine mutaano muhango ogurigwo ahagati yaabo, buzima, okurugiirira aha Kigambo. Obwengye bw'omuntu!

80 Hati mwetegyereze. Oo, Eki ka ninkikunda! Mumuhurikize hati arikubarabura. Hati, hati nitu . . . Nimwikiririza kimwe, buri omwe omuriimwe? Hati, ku muraabe mutarikwikiriza, mumpandiikire ekibuuzo. Ngu, Ebihangirwe ebyo byorekirwe gye omuri buri busingye, nk'oku Baiburi ebyorekire hanu. Ekyo buzima nikyo byakozire okwo. Ebyafaayo nibyoreka eki byakozire. Nituranzya hanu kandi tureeba eki byakozire. Kandi hanu, Ebihangirwe ebyo, nka-nka-nkaba ekyo ntakakimanya. Mbaire nshutami aho. Mbaire ninkireeba nikigyenda ahaiguru okwo, nk'oku murikundeeba. Mwareeba? Kandi nikiteekwa kuba kihikire, 'habw'okuba hanu kiri gye na Baiburi. N'ahabw'ekyo nimuza kukora ekindi kintu kyona ekitari kugamba ngu kihikire?

81 Mwetegyereze. Hati, Ekihangirwe kya kana, ekyatumirwe kurwanisa ogwo antikristo, omu Kihangirwe eki eky'aha muheru. Mweteekateekire? [Abateeraine baagira bat, "Amiina." -Omur.] Ekihangirwe eky'aha muheru ekyatumirwe, nari amaani g'aha muheru kurwanisa antikristo owaabaire naahakanisa Enyegyesa ya Ruhanga, antikristo, gakaba gari empungu. Mwareeba? Ekihangirwe ekiine amagara ekyo kana kikaba kiri empungu. Hati, imwe mushome obusingye kwonka, mushome Ebyahandiikirwe. Ni empungu! Kandi omu Baiburi, obusingye obw'aha muheru bukaba buri obusingye bw'empungu. Kandi Ruhanga naashushaniriza empungu na baanabi Be. Mwareeba? Ni . . . Hati mureebe. Obusingye bw'aha muheru, obusingye bw'empungu, o-omushuuruuzi w'Ekgambo ky'amazima. Mwareeba?

Ruhanga atakatandikire kukora, nk'oku Yaakozire omu biro bya Noa, Akoohereza empungu. Obu Yaihayo Israeli, kandi n'eihe rya Faraho rikaba ryeteekateekire kugyenda, Akoohereza empungu. Buri bwire, Ayohereza empungu aha muheru, omuheru gwabwo. Kandi hanu Ayohereize empungu, ogundi murundi. Ekyo buzima kiri n'Ekgambo. Mbwenu noobaasa ota kukikora ekindi kintu kyona? Ayohereize empungu,

82 (ahabw'enki?) omushuuruuzi w'Amazima agatwire nigakyendeera kurabira omu busingye bwona. Mbwenu nikibaasika kita e-enimi, nari o-omuntu, nari Ekihangirwe kyona eki yaabaire atembire, kikaabaasize kita kushuuuruwa empungu etakaizire? Bikaba biine omwanya gwabyo; bikaba birimu obwaruhanga, Ebihangirwe ebitumirwe, nk'oku ondiijo weena yaabaire ari.

Entare, egyo ekaba eri eyaabandize. Aho niho antikristo yaizire omu-omu kurwana. Bwanyima yaimutsya agandi maani; Yaayohereza amaani kugabugana. Bwanyima yaimutsya agandi maani; Yaayohereza agandi maani kugabugana. Kandi bwanyima aha maani g'aha muheru, Ashuumya egyo mpungu, "Okugarura busya abaana aha Kwikiriza okwabandize omurundi ogundi, okwa baishebo." Obusingye bw'empungu! Bwanyima, nimwetegyereza, tihariho Ebihangirwe bindi. Bihweireyo. Ogwo nigwo muheru.

83 Hati, ku mwakutwara hati Okushuururwa 10:1,7. Ntwire ninkigambaho. Mwijukye, omu busingye bw'entumwa y'aha muheru, mwareeba, n'enki ekyabaire kiri eky'okubaho? "Enaama za Ruhanga zonna zikaba niziza kushuururwa." Empungu! Amiina!

Hati nimureeba enyamaishwa ina ezaatembire. Ekyo kikaba kihikiire kimwe. Ekyo nimukiikiriza? [Abateeraine baagira bati, "Amiina." -Omur.] Kandi hati hanu hariho buri busingye, nari buri maani agaagyenzire nabwo. Kandi hariho Ekyahandiikirwe ekirikworeka eki otembire embaraasi w'omuzigu yaakozire. Ekyo kishuurwirwe omu Bumanyiso obu. Kandi nabwo kishuurwirwe hati ku buri Kihangirwe, amaani agu Ruhanga yaayohereize, kukirwanisa, nigo gonyini, okuhitsya omu bwire bw'empungu.

84 Hati, obu ku buraabe buri obwire bw'aha muheru, haryaija empungu, buzima, kandi ahabw'ekyo.

Hati, mwijukye. Hati, omu biro ebi entare yaiziiremu, Ekigambo ekyabandize, nka kimwe kya igana ky'abo bakahurikiza entare. Omu biro ebi e-enimi yaiziiremu, nk'eitondo rikye munonga ry'abo bakahurikiza obutumwa bw'enimi. Omu biro ebi o-omuntu yaiziiremu, akakorera omu bantu, nimureeba, n'ahabw'ekyo Akaba ari omunyabwengye. Akaihayo akabiina kakye. Kandi bakakora ki? Sitaane ekyo akakireeba, n'ahabw'ekyo naabagarurira kimwe enyima kandi akibagaitamu. Kandi mwijukye, empungu ku eraije aha muheru, kiryaba kimwe kya igana ky'akacweka kamwe k'obucweka igana abarihurikiza. N'obusingye bw'empungu.

85 Mwijukye, n'abandi aba abatembire embaraasi boona... Kandi nabwo na Yesu akaranga ati, "Kuri atararahukize Okwija Kwe, tihaakubaireho omuntu weena, na kakye, owaajunwa Akatwarwa." ... ? ... Ekyo n'Ekyahandiikirwe? [Abateeraine baagira bati, "Amiina." -Omur.] Nimureeba ahi turi mbwenu, tikwo, ow'eishe-emwe n'ow'eishe-emwekazi? ["Amiina."] Nimureeba ahi turi? Ruhanga, nshemereirwe munonga, ti-ti-tindikumanya eky'okukora!

Ogu tiinye ofire kwemerera hanu ku-kugamba. Ndi omunda hanu, naanye. Naanye, ndi omuriimwe. Mwareeba, ni, niinye. Nyine eka. Kandi nyine ab'eishe-emwe n'ab'eishe-emwekazi abu ndikukunda. Kandi Ruhanga w'Eiguru, ahabw'okuba omunyambabazi munonga kushuma ahansi kandi-kandi akashuuura ekintu ekyo, Ahabwe, n'okworekwa okuhamiibwe kumara emyaka makumi ashatu, nigo Mazima. Turi hanu. Turi... Twahikire. Nikyo ekyo kyonka. Okusherura kwa saayansi Kwakihamize. Okworekwa kw'Ekigambo Kwakihamize. Mbwenu turi hanu! Kandi Okushuuruirwa oku nikuruga ahari Ruhanga, kandi nigo Mazima!

86 Mwakwata ekintu kyona? [Abateeraine baagira bati, "Amiina." -Omur.] Nyebuurize ku muraabe mukikwatsire. Mwareeba? Eego, sebo. Numbaasa obwo kuba ntashemereire kubagambira, Sande. Mwetegyereze. Mwetegyereze. N'ekirikutangaaza! Hati, hati, mwetegyereze hati. Reero kandi kurugiirira aha-aha bwire obu Ruhanga yaabaire naaza kucungura ensi eyaabaire eriho omwegyemure gutakabaireho, Akoohereza empungu. Kandi obwire obu Yaabaire naaza kucungura Israeli, Akoohereza empungu. Nimwikiriza ngu obwire, nangwa n'ahari Yohaana, aha Kirwa kya Patumo, Obutumwa obu bukaba buhikiire kimwe okuhitsya obu Atarabaasize kwasiga Maraika nabwo?

Nimumanya, maraika ni entumwa. Kwonka nimumanya ngu entumwa egoy ekaba eri nabi? Ekyo nimukiikiriza? [Abateeraine baagira bati, "Amiina." -Omur.] Reka tukihamy. Okushuururwa 22, reka tureebe ku eraabe yaabaire eri empungu. Yee. Mwareeba, akaba ari... Buzima, akaba ari maraika, ni entumwa, kwonka akaba ari nabi owaashuurwire Ekitabo eki kyona ky'Okushuururwa ahariwe. Okushuururwa, eshuura ya 22 n'omushororongo gwa 19, niinyikiriza ekyo kihikire ku ndaabe nkiine kihandiikirwe hanu... 22:19, nombaasa kuba ngwire. Ngaaha. [Omwe yaagira ati, "Ni 22:9, shana." -Omur.] 22:9, nikyo ekyo. Naaba nindeeba ahari 22:9. Ekyo kihikire. Oo, eego, hanu.

Kwonka yangira ati: Reka! Otakikora; ndi omuheereza mugyenzi waawe n'owa beene sho baanabi,...

Mureebe eki Yohaana yaareebire hanu.

... nyowe Yohaana niinye naahuriire (ebintu) ebi, kandi nkabireeba. Hati naahendera. Egi niyo shuura erikuhereeruka. ... (kandi) ku... naabihuriire, naabireeba, naagwa ahansi aha bigyere bya maraika obinyorekire kumuramya, obinyorekire;

Kandi, "we," bwanyima, "maraika ogwo," mwareeba. Kwonka yangira ati: Reka! Otakikora;... Tihariho nabi o'w'amazima orikubaasa kuramibwa, nari entumwa y'omuringo gwona, mwareeba. Ekyo n'ekya Ruhanga wenka.

Kwonka yangira ati: Reka! Otakikora; ndi omuheereza mugyenzi waawe n'owa beene sho baanabi, hamwe n'abo abata omutima aha bigambo by'omu kitabo eki. Ramya Ruhanga.

87 Mwareeba? Hati, Ekitabo kikaba kiri kikuru munonga, ngu, Ni Ekigambo kya Ruhanga. Hati mureebe. Kandi Ekigambo kya Ruhanga ku kireetwa, kishemereire kureetwa nabi, ahabw'okuba niwe ogwo ou Ekigambo kya Ruhanga kiziira.

Mbaire nyine amatsiko kutunga ekibuuzzo ahari ekyo, omu-omu bokisi egi hanu. Nteekateekire ngu ninza kukibatangaho, kakye, nimumanya. Niintekateeka ngu harimu kimwe ekiri nk'ekyo, nikyo ekyo kusha. Nteekateekire ngu ninza kuhikaho, nimureeba. Mwareeba? Buri Kigambo kya Ruhanga nikireetwa. Baiburi tehindura nkora, na kakye, mwareeba. Ekintu nikyo kimwe. Kishemereire kwija aha muhanuuzi ogu ou twine

ekihika kuhika hanu, hati mwetegyereze, Okushuuuruwa 10:1,7. Hati reka tushome omu-omushororongo gwa 9 omurundi ogundi.

88 Hati nitutunga . . . nitu . . . Hati, tutakagiire aha mushororongo ogwo, niinyenda kugira eki naababuua. Nimureeba, kurungi munonga, tutakarugire aha Bumanyiso obu? Hati mwijukye, tihariho agandi maani agarikurugayo ahanyima y'egyo mpungu, mwareeba, agandi tigariho. Buri bwire antikristo ku yaabaire ayohereza ekintu, Ruhanga akaba ayohereza amaani. Antikristo akaba ayohereza agandi maani; Ruhanga akaba ayohereza eky'okugarwanisa. Bwanyima yaayohereza agandi maani; Ruhanga yaayohereza eky'okugarwanisa. Mwareeba? Kandi bwanyima ku Yaahikire aha mpungu, ekyo kikaba kiri Ekigambo Kye ekigarukire nk'oku Kyabaire kiri omu kutandika.

89 Hati mureebe. Nabi ou tutegyereize kwija t'omushaija oshukirweho Omwoyo nko-nk'ogwa Eliya? Tarikwija kuba Eliya, hatariho kubangaanisa. Kwonka naija kuba omushaija, ori atyo, oriija. Kandi obuheereza bwe bwonyini n'obw'okwohereza, okugaruka kugarura busya, aha bantu aba abagwire omu buhabe bw'ebigombe by'amadiini ebi, kubagarura aha Kwikiriza okwabandize okwa baisquebo.

Hati, ekyo ku kiraabe kitarikukwatanisa Baiburi egoo hamwe, ti-tindikumanya ekirikukikora. Ti-tindikubaasa kugamba ebirengire aho aharikyo, 'habw'okuba nikyo ekyo. Noohika kusha. Ago n'Amazima. Waacwaho ekintu kyona, nookihabya. Mwareeba? N'ahabw'ekyo, kyo, nikiteekwa kuba kityo.

90 Hati mwetegyereze, hati, omu mushororongo gwa 9, "Emyoyo eri ahansi y'eitambiro." Hati, aha niho ndikuza kutunga okutaikirizana buzima. Kwonka mureebe edakiika yonka. Kandi nka . . . Mwareeba? Naanye ekyo nkaba nkiteekateeka, kwonka tikiizire omuringo ogwo. Twine . . . Burijo nkaba nteekateeka ngu emyoyo egi ahansi y'eitambiro ekaba eri a-a-abaafeereire okwikiriza b'Ekanisa eyaabandize. Kandi nimpamya ngu Dokita Uriah Smith, kandi na buri omwe omuribo, naagira ngu nikwo kiri. Mwareeba? Kwonka, nkaba nteekateeka ntyo, nyowe nyenka. Kwonka ku Omwoyo Orikwera akyorekire omu kworekwa, tikwo kibaire; ti myoyo egoo.

91 Mbwenu, hati nimugira muti, "Mpaho, hati, ekyo tindikukimanya." Mbwenu, hati, rindaho edakiika, nituza kukireeba. Reeba. Egi teri myoyo y'e-y'Ekanisa y'Omugore, nangwa na kakye. Tukaba nituteekateeka ngu egoo ekaba eri Ekanisa y'Omugore etegyerereize okwo, emyoyo eri ahansi y'eitambiro, nimureeba, neetaka eti, "Mukama, oryahitsya ryari, oryahitsya ryari?" Reka ngarukye nkishome hati, nikwo tukitungye kurungi.

Ku yaabambwire akamanyiso ka kataano, naareeba ahansi y'eitambiro emyoyo y'abaitsirwe ahabw'ekigambo kya Ruhanga n'ahabw'obujurizi obu baahaire;

92 Mwareeba, "Ekigambo kya Ruhanga, n'ahabw'obujurizi obu baahaire." Mbwenu, muta-mutarugaho. Murindeho edakiika, mwareeba.

Baataka n'eiraka . . . nibagira bat: Ai bambe, . . . Mukama waitu orikwera kandi ow'amazima, oryahitsya hi (mwareeba?) . . . cwnra rubanja abatuura omu nsi n'okubahoora enzigu ahabw'eshagama yaitu?

Bwanyima buri omwe yaaheebwa ekijwaro ekirikwera, kandi baaragiirwa kumara ogundi mwanya mukye bahuumwire, okuhitsya omuhendo gw'abaheereza bagyenzi baabo na-na . . . beene waabo, abarikwija kwitwa nk'abo, obu gurihika.

93 Hati, ahakuba bo, omu bwire obu, ku muraayetegyereze, Akamanyiso ka Kataano aka kaaba nikabambuurwa, mwareeba, Ekanisa yaaherize kugyenda. Tikirikubaasika, emyoyo ahansi y'E-Ekanisa eyaabandize. Mbwenu, hati, nyaaburamwe, ku muraabe murataireho omutima mugute ahari eki hati, 'habw'okuba eki n'eky'empa . . . empaka nyingi, n'ahabw'ekyo niinyenda ngu muhurikize mutaireho omutima hati. Kandi mwine empapura zaanyu, n'ebindi eby'okuhandiikisa. Hati, niinyenda ngu mwetegyereze.

Hati, egi terikubaasa kuba emyoyo egoo. Ahabw'okuba, e-emyoyo y'a-y'abahikiriire, abaitiirwe okwikiriza, n'abantu abahikiriire, Ekanisa, Omugore, yaaherize kutwarwa omu kaabunga, n'ahabw'ekyo tibakaabaire bari ahansi y'eitambiro. Bakaabaire bari omu Kitiinisa, hamwe n'Omugore. Mbwenu mureebe. Ahakuba, baaherize kuza omu Kutwarwa, omu shuura ya 4 y'Okushuuuruwa. Bakaba baatwairwe omu kaabunga.

Hati, emyoyo egi n'eha, kyaba kiri kityo? Ekyo nikyo kintu ekirikukurataho. Nibaahi, kyaba kiri kityo, ku baraabe batari Ekanisa eyaabandize? Egi ni Israeli erikwija kujunwa nk'eihanga, abo boona abaamanyirwe ira. Egyo ni Israeli. Egyo ni Israeli, yo yonka.

Nimugira muti, "Oo, rindaho edakiika." Nimugira muti, "Tibarikubaasa."

94 Oo, eego, n'ab'okujunwa. Hanu, ka tukimare, edakiika yonka. Nyine Ebyahandiikirwe bina nari bitaano. Ninja kukuwata kimwe. Reka tukwate Abarooma, edakiika yonka, reero tureebe ku baraabe baribo. Reka tukwate Ekitaboy'Abarooma, kandi tuze o-omu shuura ya 11 y'Abarooma, kandi nituza kureeba. Haihi . . . Reka tukishome, kandi bwanyima nituza kukyetungira itwe twenka. Abarooma, eshuura ya 11, omushororongo gwa 25 na 26. Hati muhurikize Paulo hanu. Kandi Paulo akagira ati, "Omuntu weena ondijo, n'obu yaakuba Maraika, ku yaakubuurira endijo ngiri yoona," (ki?) "akaba ari ow'okuyeenwa." Mureebe.

B'eishe-emwe, niinyenda ngu mushoboorokyerwe enaama egi (aha!), murekye kweyeta abanyabwengye

(mpaho). Mumanye ku ekicweka ky'Abaisraeli kyagizire obugangaazi, okuhitsya obu Abanyamahanga baritaaha omu kanisa, bakahika omubaro oguhikire.

95 Omugore Omunyamahanga ow'aha muheru areetwemu, ahakuba Omugore, okuhuma kukaizira Israeli ababw'egyo nshonga.

Obwo Abaisraeli boona baryajunwa, nk'oku kyahandiikirwe ngu: Omujuni aryaruga omuri Saayuuni, aihe omuri Yakobo okutatiina Ruhanga;

Buzima! Hati, n'Abaisraeli, abari ahansi y'eitambiro eri. Mureebe. Israeli ekahumisibwa ababw'ekigyendererwa kyaitwe okutujuna. Ekyo nimukiikiriza? [Abateeraine baagira bat, "Amiina." -Omur.] Hati, n'oha owaabahumiise? Ruhanga. Ruhanga akahumya abaana Be.

96 Tiky'okutangaaza, Yesu, ayemereire aho aha musharaba, kandi n'abo Bayudaaya nibaaririra Eshagama Ye baine ekiniga! Abo bakaba bari abaana Be. Kandi akaba ari Ebyahandiikirwe. Akaba ari, We wenka, Ekigambo. Kandi hanu, We arikumanya ngu abantu abo bakaabaire Bamwakiriire n'okushemererwa! Kandi egyo niyo nshonga eyaatumire Yaabahumya, kugira ngu batakaabasa kumwetegyereza. Akaija omu muringo gw'ahansi munonga, kandi Yaabahumya aharigwo, ngu batagwakiira. Mwareeba? Ekyahandiikirwe kikagira ngu bakaba nibajja kukikora. Reero Yaabahumya. Bakahumisibwa! Yesu akabasaasibwa, nangwa munonga, obu Yaagira ati, "Taata, basaasire. Tibarikumanya eki barikukora." Mwareeba? Bakaba bahumire. Paulo akagira ngu bakahumisibwa ababw'enshonga, ababwaitu.

97 Mwetegyereze. Hati niinyenda ngu mureebe eki mutaireho omutima. "Bakaheebwa ebijwaro." Bakaba bataine ebijwaro. Bakaheebwa ebijwaro, ebijwaro ebirkwera, buri omwe omuribo. Hati, abarikwera hati baine, baaherize kikitunga; nibakitungira hanu. Kwonka, okwo, "Bakaheebwa ebijwaro." Kandi abarikwera bakaba baaherize kutunga ebyabo, kandi baatwairwe. Mwareeba? Mwareeba? Bakaba baine-bataine . . . Bo, mwareeba, bakaba bataine mugisha (chance), ababw'okuba bakahumisibwa Ruhanga, Ishebo; kugira ngu embabazi za Ruhanga zibaase kuhikiirizibwa, kugira ngu Omugore akaabaasa kwihwa omu Banyamahanga. Nikyo ekyo? [Abeeteeraine baagira bat, "Amiina." -Omur.]

98 Reka-reka mboorekye hanu ekirikushushanisa kirungi omuri Yosefu; Yosefu, ogwo muntu w'Omwoyo, empungu. Akazaarirwa omuri beene ishe, nk'oku Ekanisa y'amazima eri omu gandi. Kandi akaba naabaasa kushoboorora ebirrooto kandi areeba n'okworekwa. Kandi abandi abaatsigara bakamwanga. Ishe akaba naamukunda. Mwetegyereze, bwanyima, akashohora, abingirwe beene ishe, atari ishe. Akabingwa, beene ishe, kandi yaaguzibwa haihi ebicweka makumi ashatu by'efeeza. Yaanagwa omu kiina, kandi arikuteekatekwaho kuba afire. Yaihwu omu kiina, kandi yaashutama aha mukono gwa buryo gwa Farao. Kandi ababw'okuba akabingwa beene ishe, mwareeba, akaheebwa omugore Omunyamahanga, atari ow'omu bantu be.

Kurabira aho, akazaara Efuraimu na Manaase, abaayongyeirwe omuri Israeli. Israeli ku yaabahaire omugisha, ababw'okurabanisamu emikono ye, kuruga aha muto munonga kuza aha mukuru munonga, okurabanisamu emigisha kuruga aha Muyudaaya, kugaruka . . . nari kuruga aha Muyudaaya kuza aha Munyamahanga. Mwareeba? Yaarabanisamu emikono ye, aha mutabani omuto, niyo Kanisa nto kutaahamu. "Nyi-nyina ekanisa ekaba eyemereire omu izooba; yaazaara omwerere ogu." Kandi mwetegyereze, okumutunga, Israeli akarabanisamu emikono ye, omu kirikushushanisa. Kandi Yosefu . . . Abaana abo nibo bamwe, bakaba baine nyina Omunyamahanga. Omugore wa Israeli, enyima okwo, akarabanisibwamu, okuruga omu Nyegyesa eya ira eyaabaire etuuraho, okuza omu muhanda gw'Obukristaayo, ababw'Omwoyo Orikwera owaarabanisemu emikono ya Israeli. Akagira ati, "Ruhanga yaarabanisamu emikono yangye." Akaba ataine kakwate nakyo.

99 Mwetegyereze. Bwanyima, Yosefu, ayangirwe beene ishe bonyini, abantu be bonyini, akatwara omugore Omunyamahanga. Buzima kwo nk'eki Yesu yaakozire; akangwa Abayudaaya, yaatwara Omugore Omunyamahanga. Hati reka tushome ekintu hanu. Nyine Ekyahandiikirwe eki mpandiikire, Ebyakozirwe 15. Kandi, oo, eki ni nk'eki tushemereire kwegyesa, oku biri kwona. Hati, niinyikiriza eki nkiine gye, tushome Ebyakozirwe 15:14. Ni kirungi. Nyine amatsiko ngu eki hati kihikire. Ni kirungi. "Simioni yaaheza kubateekyerereza oku Ruhanga . . ." Ngaaha, reka tutandikire aha mushororongo gwa 13.

Ku baaherize kugamba, Yakobo yaagira

100 Hati, nimureeba, ekyabaire kibaireho, bakaba bagiire omu Banyamahanga. Mwareeba? Kandi empaka zikaba zaatandikire, 'habw'okuba bakaba bari Abayudaaya. Mwareeba?

Ku baaherize kugamba, Yakobo yaagira ati: (Bashaija 'mwe kandi) b'eishe-mwe, mumpurire!

Simooni (ogwo ni Simooni Petero) yaaheza kubateekyerereza oku Ruhanga yaatandikire kutaayaayira Abanyamahanga okutoorana abantu omuribo kuba eihanga erirkwetererwa eiziina rye. Huh!

Mwareeba, eiziina ry'omukazi wangye rikaba riri Broy. Ku naamutaahize, akaba Branham. Mwareeba? Yesu naiha Ekanisa Ye, nari Omugore We, okuruga omu Banyamahanga. N'Ekyahandiikirwe, kishushanisiibwe, nk'oku Yosefu yaabaire ari.

101 Mbwenu mwetegyereze eki, hati, emyoyo egi eri ahansi y'eitambiro. Mbwenu, e . . . eki, "Emyoyo egi," okwetegyereza hati, "egyo eri ahansi y'eitambiro," ahabw'enki bakaitwa abantu abasiisi nka Eichmann. Mwareeba? Bakihamiireho, amamirioni g'abo, mwareeba, kwonka nibaguma bari Abayudaaya. Hati, mwijukye. Kikaba kiri ki? "Bakaitwa ahabw'Ekigambo kya Ruhanga," atari ahabw'obujurizi bwa Kristo. Ekyo mukyetegyereize? Kwonka, mwijukye, Ekanisa ekataahamu, nayo, abaafeereire okwikiriza b'Ekanisa, bakaba bari ahabw'Ekigambo kya Ruhanga n'obujurizi bwa Yesu Kristo. Ni bangahi abarikumanya ekyo, hanu aha . . . [Abateeraine baagira bat, "Amiina." -Omur.] Yee. Ni kirungi.

Hati, kwonka aba bakaba bataine bujurizi bwa Yesu Kristo. . . . ahabw'ekigambo kya Ruhanga n'ahabw'obujurizi obu baahaire; Abayudaaya! Kandi Hitler akabanga, na Eichmann yaabanga, na Stalin yaabanga, na boona abaatsigara ab'omu nsi. Mwareeba? Kwonka bakaguma bari abeesigwa aha ki baabaire nibaikiriza. Kandi bakabaita ahabw'okuba bakaba bari Abayudaaya.

Muramanyire ku Martin Luther ari nk'owaabaire aine ekyo kiteekateeko nikyo kimwe, nawe? Nigo mazima. Akagira ati, "Abayudaaya boona bashemereire kubingwa. Niba antikristo." Mwareeba? Kwonka akaba ari omu busingye obundi, kandi tarakireebire, tarareebire Ekigambo. Hati Ekigambo, Amazima, nigarugayo.

102 Noozza kugaruka kuhumya Israeli ota? Torikubaasa kukikora. Ngaaha. Oo, nabi ogwo akaba naabaasa ata kwemerera aho, ekiro ekyo, haza akagira ati, "Nooreebeka nk'embogo, Israeli"? Obu baabaire nibagyezaho kumworeka ebicweka byayo ebirikukirayo obubi! "Ahabw'enki," akagira ati, "weena orikushabira omugisha aryaheebwa omugisha, kandi orikukyeena weena aryakteenwa." Ekyo kihikire. Oo, muntu 'we! Noozza kukikora ota?

Obwire bumwe bakateekateeka ngu Ruhanga akaba naaza kwebwa, obu nabi yaareeba ekyo kintu ekirikwiragura nikiizira Abayudaaya. Ogwo mushaija ayemereire aho, kandi n'Ekigambo kya Ruhanga kimushukirweho. Akagira ati, "Ai Mukama, Noozza kutsigaho abantu Baawe?"

Akagira ati, "N'enki ekyo ekikuri aha musikye?"

Yaagira ati, "Enkoni y'okupimisa."

Yaagira ati, "Kiine oburaingwa ki kuhika omu Iguru? Bupime." Ahaa. "Oburaingwa bw'enyanja okuzimu nibwingana buta?"

Yaagira ati, "Tindikubaasa kukikora."

Yaagira ati, "Naanye tinkabaasa, tinkabaasa kwebwa Israeli." Ngaaha, sebo. Tarikuza kugyebwa. Akaba ashemeire kuhumya omwana We Wenyini. Hati, ekyo mukiteekateekyeho. Kuhumya omwana We Wenyini, okutuheereza omugisha (chance), haza nitugwanga. Hati, ekyo tikirikukureetera kwehuriramu waaba nka mukye munonga okuhitsya obu orikubaasa kwekurura ahansi y'ekitafaari kihango ekikozirwe omu nkogoto ya simenti ojwaire enkofiira ya galani ikumi aha mutwe, kandi etakikoreho? Ekyo ni kikye munonga, nimumanya. Oo, mugyenzi!

103 Eego. "Bakahamira aha Kigambo kya Ruhanga." Bakaba bari Abayudaaya. Bakaba baine ebiragiro byabo; bakaguma nabyo. Nimwijuka ekiro ekihweire, hati? Mwareeba? Bakaguma hamwe nakyo. Kandi bakaba bari Abayudaaya kandi bakaba baine ebiragiro. Kandi ebiragiro bikaba biri Ekigambo kya Ruhanga, kandi bakaguma nabyo kurungi. Ekyo kihikire. "Kandi n'ahabw'obujurizi obu baahaire, bakaitwa okwikiriza." Kandi hanu hakaba hariho emyoyo ahansi y'eitambiro, ahanyima y'Ekanisa kuheza kugyenda.

104 Hati mureebe. Bakaba baine, omu kuhuma kwabo, baitsire Mesia waabo, kandi hati bakaba nibashaaruura ahabwakyo. Bakakimanya. Bakakyetegyereza, kyaherize kuhwaho. Bakamureeba obwo, obu baija omumaisho g'eitambiro rya Ruhanga. Kwonka hati embabazi za Ruhanga zibariho.

Mureebe. Hati, bakaba batarikubaasa, na kakye, kuba abarikwera, 'habw'okuba bakaba baaherize kujwekwa ebijwaro. Kwonka mbaba hanu hati, nk' "emyoyo eri ahansi y'eitambiro, ahabw'Ekigambo kya Ruhanga, n'ahabw'obujurizi obu baahaire," obw'okuba abantu ba Ruhanga, Abayudaaya. Kwonka hati, mureebe, embabazi za Ruhanga nizibaizira. Kandi Yesu naabaha, buri omwe, ekijwaro ekirikwera, (oo, mugyenzi, mureebe; okurengyera okwo, ahanyima y'Ekanisa kuheza kugyenda), ahabw'okuba bakaba bari abeesigwa aha kigyendererwa kyabo. Kandi bakahumisibwa, kandi tibarakimanyire. Tibarakimanyire. Bakaba nibahikiriza buzima ekicweka eki Ruhanga yaabaire abateereireho kuhikiriza. Kandi hanu, aha, Yohaana naaranzayo kandi areeba emyoyo ahansi y'eitambiro. Hati mureebe, naareeba emyoyo egyo. Mureebe eki arikuguya.

Nibataka bat, "Mukama, okuhitsya ryari?" Mureebe,

"Ogundi mwanya mukye." Mwareeba? Reka ekyo tukitungye, twaba nitugyenda omumaisho, kurabira kimwe omu Byahandiikirwe hati.

105 Nibeetegyereza ngu bakaba baitsire Mesia waabo. Mwareeba? Kandi tibaakimanyire, kwonka bwanyima bakamanya. Baka-bakagarurirwa, baitwa, okukishashurira, ahabw'okukora ebibi kwabo. Kandi hati mureebe ekintu eki baabaire bashemereire kukora! Mwareeba, bakasingwa orubanja rw'okwita, n'ahabw'ekyo bakaitwa.

Mwareeba? Bakagamba munonga bati, "Eshagama Ye etutukurire!" Mwareeba? Nikyo ekayo. Kandi bakahumisibwa.

Hati, kuri baabaire batahumisiibwe; Ruhanga akagira ati, "Mubarekye. Tibashemereire." Kwonka ahabw'okuba ngu bakahumisibwa Ruhanga, embabazi Ze zikashuumza zabahikaho. Amiina! Kyo nimugambe aha mbabazi ezirikutangaaza! Kandi yaaha buri omwe aharibo ekijwaro, ahabw'okuba Israeli yoona eryajunwa, buri omwe ou eiziina rye rihandiikirwe. Nikyo ekayo.

106 Yesu yaabaha ebijwaro. Nka Yosefu oku yaakozire ahari beeneishe; ekirikushushanisa. Mureebe, Yosefu ku yaayemereire aho, kandi aha muheru ku ya . . . Akeemanyisiza aho aha musikye gw'eitambiro, eitambiro rye, omu kikaari kye, ekitebe kye ky'obukama. Akagira ati, "Buri muntu andugyeho." Omukazi we akaba ari enyima omu kikaari; ei Omugore ariba. uKandi akabagambira, yaagira ati, "Timurikuumanya?" Iwe, naagamba Oruheburaayo hati. "Ndi mwenesho, Yosefu." Oo, mugyenzi!

Bakagira bati, "Mbwenoo, oo, waaza kutukwata."

Ati, "Murindeho edakiika. Murindeho edakiika. Ekyo Ruhanga akakikora ahabw'ekigiyendererwa. Akabareetera kuunaga aheeru, okwenda kujuna amagara. Ekitiinisa! Nkikyo, buzima. Ati, "Mute, muteegirira ekiniga." Nimwijuka ku Yosefu ekayo yaakigambre? Akagira ati, "Muteegirira ekiniga. Byona ni birungi hati. Byona bihweire. Ruhanga akanyohereza hanu, okubabandiza."

Nimumanya, Baiburi ekagira ngu Baryamugambira, ku Barimureeba naija, bati, "Gamba, Niwe Mesia, nitumanya. Kwonka, kwonka shi, ezi nkojo zo nibita?" Mwareeba?

Akagira ati, "Oo, nkazitungira omu nju y'abanywani Bangye."

107 Abanywani? Kandi bwanyima ku barikimanya, abo abaatsigaire, emitwaro ikumi na ina n'enkumi ina, Baiburi ekagira ngu nibaija kuba buri nju okwayo. Kandi bamare ebiro, nibarira, nibaborooga, kandi batoore oku n'oku; bagire bati, "Tukakikora tuta? Tukakikora tuta? Ahabw'enki, tukabamba Mesia waitu wenyini." Eti, nibarira nk'oku eka yaakubaire neeririra omwana waayo omwe nyamunegyere, "Tukakikora tuta?"

Abo Bayudaaya, nibo-nibo bantu abarikukirayo kuba abanyadiini omu nsi; abatoorainwe ba Ruhanga. Kwonka akabahumya, kugira ngu Atwihey, mbwenu nitukyanga. Ni rubanja ki orw'ekanisa y'Abanyamahanga! Nkikyo. Mwareeba? Bakahumisibwa kigyendereirwe, na Ruhanga, kugira ngu Abaase kutwihayo, Omugore wa Yesu. Okubaiha omu . . . Mwareeba? Kandi yaakishushanisa kitakabaireho, na buri kintu.

108 Mbwenoo nimureeba emyoyo egoy abu eri? Tibari abarikwera abaafeereire okwikiriza. Baaherize kugyenda. Ekyo kihikire. Yetegyereze, bakaba bari, bakaba baaherize kugyenda. Mwareeba? N'ahabw'ekyo, aba baahairwe ebijwaro, buri omwe aharibo. Kandi hati niinyenda ngu mwetegyereze. Kwonka hati embabazi za Ruhanga nizibashuumaho. Yesu naabaha buri omwe ekijwaro ekirikwera, nk'oku Yosefu yaakozire, embabazi Ze ahari beeneishe.

Hati mureebe. N'obu baabaire bagyerizeho kwihamo Yosefu, nawe, kwonka embabazi ze zikashuumza zabahikaho. Mwareeba? "Oo, ni kirungi. Byona ni birungi. Ekyo timuramanyise kukikora. Kwonka, Mwareeba, ogwo akaba ari Ruhanga arikukikora. Mwareeba? Ruhanga akabareka mwena kukora ekyo kugira ngu Abaase kunshohoza, kandi andeete eifo kunu kugira ngu mbaase kujuna amagara g'abantu, aba Banyamahanga hanu, abu naihiremu omukazi. Tinkaabaire ntaahize omukazi kuri-kuri naabaire ngumire enyima okwo. Hati, ninkunda omukazi wangye. Anzaariire abaana aba hanu." Kandi yaagira ati, "Ni-ni . . . Kandi hati-hati niinyija kubatwara mwena. Hati mwena nimuza kutunga obwire burungi, naimwe. Ninja kubareeta eifo kunu. Twena nituza kutuura hamwe, nk'eka emwe mpango." Mwareeba? Mwareeba? Mwareeba? Yaagira ati, "Ekintu kimwe eki ndikwenda kubabuuza. Tata omugurusi akirihio ahuriire?" Oo!

109 Kandi nimumureeba, eki yaakoreire Benyamini omuto, ariwe ekirikushushanisa ky'emitwaro ikumi na ina n'enkumi ina, nk'oku turaaze kikitunga bwanyima. Nimureeba eki yaakozire? Akairukira kimwe jubajuba ahari Benyamini, yaagwa omu bitsya bye kandi yaamugwa omunda. Murumuna we omuto owaabaire azairwe omu ka ahanyima ye kuheza kurugamu, mwareeba; azairwe nyina, ekanisa ey'okubanza, ekanisa ya Orthodox. Emitwaro ikumi na ina n'enkumi ina bakazaarwa Atariho, obu yaabaire Agyenzire kutunga Omugore We Omunyamahanga. Oo, mugyenzi! Ekyo tikiine eki kirikukukoraho! Nkikyo. N'ahabw'ekyo nimureeba abu bari? Mbabo aho.

110 Mwetegyereze hati, n'obu baabaire bagyerizeho kwihamo Yosefu, embabazi ze zikabahikaho. N'obu baabaire bagyerizeho kwihamo Yesu, na hati Naakigarukira kimwe aho ('habw'okuba bakaba bahumire) kandi abaha buri omwe, ekijwaro ekirikwera. Naaza kubatwara abataasyemu, omu ka, oku biri kwona. Tikirikureetaho ntaanisa yoona, 'habw'okuba Yaaherize kugamba ati, "Ndyabajuna boona, n'obu kiraabe. Mwareeba?

Hati omushororongo gwa 10. Mwetegyereze, bakashaba "okuhoora enzigu." Mwareeba? Hati, ogwo kuri yaabaire ari Omugore, kikaabaire nikiba nk'omu bwire bwa Stefaano. "Taata, basaasire," nimumanya. Mwareeba? Kwonka aba n'Abayudaaya abataahiremu, mwareeba. Bakashaba "kuhoora enzigu."

Mugarukye mwetegyereze, mwareeba, akagaruka Yaagira . . . Mwetegyereze, tikiri . . . Akagira ati, "Ni

beenesho," Abayudaaya. Abo igana . . . Hati bakaba nibenda kuhoora enzigu.

Bakagira bat, "Oo, nituza ku . . . Ni, nitwenda ngu Otuhoorere enzigu eifo okwo."

Akagira ati, "Akaanya kakye konka, hati, akaanya kakye konka." Ahakuba, mwetegyereze, reka nkishome hanu. Kiri omu musho-mushororongo gwa 10. Ni kirungi.

Baataka n'eiraka rihango nibagira bat: Ai bambe, Mukama waitu orikwera kandi ow'amazima, oryahitsya hi okutacwera rubanja abatuura omu nsi n'okubahoora enzigu ahabw'eshagama yaitu?

Bwanyima buri omwe yaaheebwa ekijwaro ekirikwera, kandi baaragiirwa kumara ogundi mwanya mukye bahuumwire, . . . mwareeba, (niki?) omwanya mukye, okuhitsya omuhendo gw'abaheereza bagyenzi Mwareeba? Hati ekyo ni ki? Baanabi hati nibabuurira omuri Israeli. Mwareeba? . . . kuhitsya omuhendo gw'abaheereza bagyenzi baawe na. . . omuhendo gw'abaheereza bagyenzi baawe hamwe na beene (sho), abarikwija kwitwa nk'abo, . . . Mwareeba, abo abamanyirwe ira kukorwa batyo. Nimureeba? . . . abarikwija kwitwa nk'abo, obu gurihika.

111 Mwareeba, omu bindi bigambo, bakakimanyirwa ira. Ni Ebyahandiikirwe, ku nibateekwa kukikora. "Kandi mumare ogundi mwanya mukye muhuumwire; hati mwine ebijwaro byanyu; nimutaaha omu ka; kandi mushutame aho akaanya kakye, mwareeba, mutegyereze akaire kakye." Hati mwetegyereze. Hati mwetegyereze, "Beenesho." "Beenesho bakaba kandi bakiri ab'okwitwa," ekirikumanyisa emitwaro ikumi na ina n'enkumi ina bakiri ab'okwitwa omu Kubonabona. Emitwaro ikumi na ina n'enkumi ina abarikwetwa.

Kuri noogira ngu twine obwire. Nitubaasa kikitunga nyencakare ekiro, Mukama ku araabe naakunda, nitu . . . tutakagiire omu kandi Kamanyiso. Mwareeba? Nabwo, hati mureebe, antikristo naatekwa kubaita ahabw'okwikiriza kwabo. Tubirabiremu hati; kandi mwetegyereze, omu kutemba embaraasi kwe okw'aha muheru, ahu arikuhenda-arikuhendera endagaano egoy hamwe n'Abayudaaya eifo okwo. Kandi ngugwo. Mwareeba? Abayudaaya aba, emitwaro ikumi na ina n'enkumi ina, nibaija kwetwa n'abajurizi babiri b'Okushuuruurwa 11.

112 Hati, mwijukye, bakaba bari ab'okuranga. Ekyo mukishomire. Ni bangahi abaashomire ekyo? [Abateeraine bat, "Amiina"-Omur.] Buzima, twena tumanyiriire, kushoma Ebyahandiikirwe. Kandi nibaranga, abajurizi babiri aba nibaranga, omu bunaku bw'ekicweka kya kabiri kya Danieli ky'esaabiiti makumi mushanju. Ego niyo myaka eshatu n'ekicweka erikuhereeruka.

Nimwijuka oku twatware esaabiiti makumi mushaju za Danieli? Nkagira nti tukaba nituza kuzeetenga ku turaahikye hanu. Tindamanyire ahabw'enki, kwonka nkafa . . . Haine ekyangambiire ngu tukaba nituza kuzeetenga, mbwenu hanu niho turi. Yee. Mwareeba? Mwetegyereze, omu bwire bwa Danieli.

Hati mwijukye, Danieli akagambirwa ngu, "Mesia akaba naija," omutegyeki, "Mesia," nimmanyisa, "kandi Akaba naaza kuragura. Israeli nabwo ekaba eine esaabiiti makumi mushanju ezitsigaireho. Kandi rwagati y'esaabiiti makumi mushanju, Mesia akaba naaza kwihiwaho, kandi n'ekitambo ky'obutoosha kiihweho." Ekyo kihikire? [Abateeraine baagira bat, "Amiina."-Omur.] "Kwonka hakaba nabwo hakiriyo esaabiiti ishatu n'ekicweka, eziragiirwe." Omu kicweka eki, Naatwara Omugore Omunyamahanga. Hati, Omugore naaza omu kaabunga. Kandi yaaza omu kaabunga, baanabi babiri nibaimuka omuri Israeli. Mwareeba?

113 Kandi egoy myoyo eyaitsirwe ahabw'okwikiriza, hati, kushuuma kuraba hanu, Abayudaaya b'amazima, bonyini kuraba okwo; abaabaire baine amaziina gaabo omu Kitabo, abatwire amagara agahikire kandi bakakora ekintu ekihikire, abaatwire ediini y'Ekiyudaaya omu bwijwire. Ba, bakaitwa Eichmann hamwe n'abandi baingi ahabw'okwikiriza kwabo. Abantu abeesigwa, mirioni zaabo kuriya okwo! Kandi abo Bagirmaani bakabarasha baafa, kandi baabaita bakiyendereire, kandi babaita, kandi baabahanika aha ngo, kandi baabootsy, baabootsy baahinduka eiju, na buri kintu ekindi. Hitler ogwo otaine shagama, nari oine omutima gw'okusheesha eshagama, oine enjara, na Stalin, na Mussolini, n'abantu abo boona abaayangire Abayudaaya!

114 Nintekateeka ekyo ni kimwe aha-kimwe aha bintu ebikwatiriire eihanga eri hamwe, 'habw'okuba burijo baha Omuyudaaya ekitiinisa, ekyo kihikire, bamuhaire omwanya. Waaha Omuyudaaya ekitiinisa, na Ruhanga naakuha ekitiinisa. Hati, hariho ekibiina ky'Abayudaaya abari endeme, nk'oku hariho n'Abanyamahanga abari batyo. Kwonka Omuyudaaya w'amazima, Ruhanga akata eiziina rye omu Kitabo omusingye gw'ensi gutakatairweho. Mbwenu ngugu hanu, yaitwa kigyendereirwe omu bwire obu. Kandi mwijukye,

mukiteekateekyeho hati, eki ka kihikire. Ahonaaho ahanyima y'ezo mirioni z'Abayudaaya abaitsirwe, abantu abataine rubanja, n'amahanga g'ensi; hanu Ekyahandiikirwe nikigamba, omu obwire obu bwonyini, ngu buri omwe bari ahansi y'eitambiro, baamanya ekibaireho, kandi baaheebwa ebijwaro ebirikwera.

115 Kandi bakagira bat, "Mbwenu, ahabw'enki? Nitubaasa kugaruka enyima omu bukama hati hati?" Obukama bw'Ekiyudaaya n'obw'okuteekwaho omu nsi, nimumanya. Yohaana akagira ngu obukama bukaba buriyo, mwareeba, kuteekwaho. Hati obu n'obukama bw'Engiri, nimureeba. Kwonka obukama bw'Abayudaaya buryabuuirwa na baanabi babiri aba-aba, n'ahabw'ekyo mwetegyereze o-o-obukama bw'ensi hanu. "Obukama bw'omu Iguru nibubuuirwa," . . . n'Abayudaaya, nari aha . . . nimmanyisa, "aha Banyamahanga." Obukama bwa hanu omu nsi, n'obw'okuteebwaho omu Kutegyeka kwa Kristo kw'emyaka rukumi, ahanyima, Okutegyeka kwa

Kristo kw'emyaka rukumi aha Bayudaaya. Hati mwetegyereze. Mwetegyereze eki hati, hanu, baaba ni-baaba nibabuurira, mwareeba. Baanabi aba-aba batakareebekireho; Abayudaaya aba abaabaire nibateekwa kwitwa ahansi ya Eichmann n'abandi, buri omwe ahariho owaabaire amanyirwe ira, ahairwe (ahabw'embabazi) ekijwaro ekirikwera. Buri omwe aharibo ahairwe ekijwaro ekirikwera. Mwetegyereze. Hati n'enki ekirikubaho? Ahonaaho ekyo kyaheza kubaho . . .

116 Nindeeba egoyshaaha enyima kuri, kandi nimmanya turiyo nitu-nitukyerererwa. Kwonka tindikwenda ku. . Mwareeba, Ni-ni . . . Abo . . . nindeeba abo bantu abakundwa beemereire aho. Ruhanga abahwere, b'eishe-emwe. Nyine amatsiko ngu buri omwe omuriimwe naija kuheebwa ekijwaro ekirikwera ekiro ekyo, mwareeba. Kwemerera, kuza enyima n'omumaisho, n'amaguru garikushasha. Kandi bamwe omuriimwe mukoziire emirim eizooba ryona. Nimmanya ekyo eki kiri. Kandi mureebe hanu . . . Kandi bamwe aha bakaikura bakye barungi beemereire. Niinyetegyereza bamwe aha bashajia aba nibaha abakazi ebitebe byabo; kandi n'onddijo muntu ahaire, omukazi omuzaire omwe mukye omukundwa oine omwerere. Kandi ni-ni-ni-nindeeba ebyo byona, mwareeba, kandi nimpamy Nawe naareeba. Mwetegyereze. Kwonka tindikwenda kubakyerereza omwanya muraingwa. Ku naakubaasa kubahitsya aha kureeba Obutumwa, nikyo ekyo kyonka eki ndikwenda ngu mukore, mwareeba.

117 Hati mwetegyereze Abayudaaya aba. Ninteeekwa kukora eki, okwenda ngu mureebe okushuuurwa kw'Akamanyiso aka; mureebe eki kari, egi myoyo eri ahansi y'eitambiro, kandi n'abu bari.

Hati mwetegyereze. Omu bwire bwa Danieli, hati, ekicweka kya kabiri ky'esaabiiti ya makumi mushanju. Hati mwijukye, "Mesia akaba ari ow'okwiwhaho rwagati." Aho ni ahagati. Mbwenu, kimwe kya kabiri kya mushanju niki? [Abateeraine baagira bati, "Eshatu n'ekicweka." -Omur.] Eshatu n'ekicweka. Kristo akabuurira obwire burikwingana ki? ["Eshatu n'ekicweka".] Ekyo kihikire. Hati, "Kwonka kiragiirwe nabwo, aha bantu," (ki?) "endijo myaka eshatu n'ekicweka."

118 Mpaho, omu bwire obu, ahabw'enki, mwareeba, ekirikubaho, ni, Omugore Omunyamahanga naatooranwa omu busingye mushanju bw'ekanisa, reero atwarwe omu kaabunga. Kandi ku eraakore etyo, Abayudaaya aba boona abaafeereire okwikiriza kuriya ahabw'okuhuma, bari ahansi y'eitambiro, Ruhanga naija agire ati, "Nimureeba eki kyabaire kiri? Mbwenu nimpa buri omwe omuriimwe ekijwaro."

Bakagira bati, "Mukama, oryahitsya ryari? Nitutaahamu hati?"

Yaagira ati, "Ngaaha, ngaaha, ngaaha, ngaaha. Bagyenzi baanyu, Abayudaaya, nibateekwa kubonabona kakyeho, nabwo. Nibateekwa kufeera okwikiriza nk'oku mwafeereire okwikiriza. Enyamaishwa neeteekwa kubakwata ku eraahende endagaano yaayo."

119 Hati mwetegyereze. Kandi hati mwetegyereze, ahonaaho . . . Hati mwijukye, baanabi aba n'ab'okuranga kurugiirira omu kitabo ky'Okushuuurwa 11. Mwi, mwimukize emikono yaanyu, mubaire mukishomire. Mwareeba? Kandi nibaheebwa obushoboorozi. Kandi nituza kureeba abu bari, omu dakiika yonka, Mukama yaasiima. Hati mwetegyereze baanabi aba abu bari. Kandi hati Baiburi neekigamba hanu. Buzima, Naakigamba. Buzima! Mwareeba? Hati mwetegyereze, rwagati y'esaabiiti ezi ishatu n'ekicweka hati, ezi barikurangiramu haifo hanu

kandi omu kitabo kyo-ky'Okushuuurwa hanu nihagamba . . . Kandi ba-bakaranga ebiro rukumi na magana ashatu na makumi ana kuri. Ku . . .

120 Hati, kalenda y'Ekiyudaaya ey'obutoosha, obwire bw'obutoosha bwa kalenda ya Ruhanga, buzima ni ebiro makumi ashatu omu kwezi. Kalenda y'Abarooma, niyo yaabijwangire. Kalenda y'obutoosha ni ebiro makumi ashatu omu kwezi.

Hati ku oraabe nooyenda kutwara ebiro makumi ashatu, kandi okabyongyeraho emyaka eshatu n'ekicweka, kandi okareeba ebiro makumi ashatu, kandi, mbwenu, nootunga ki? Ebiro rukumi na magana ashatu na . . . nimmanya magana abiri na makumi mukaaga. "Ebiro rukumi na magana abiri na makumi mukaaga (ebiro makumi mukaaga)," birikwinganira kimwe emyaka eshatu n'ekicweka. Hati, nimureeba, tihariho nshobe ahari ekyo. Nkikyo aho, nk'e-ebishate bibiri kukwatana. Mwetegyereze, baanabi abo babiri bakabuurira kumara emyaka eshatu n'ekicweka, ah'Abayudaaya. Omu bwire obwo, niheetwa, egoy mitwaro ikumi na ina n'enku ina.

121 Kandi bwanyima, mwetegyereze, baanabi aba babiri buzima ni Musa na Eliya. Mwareeba? Mwareeba? Hati mureebe, mureebe, ebyabo . . . Mureebe aha buheereza bwabo. Hati mureebe ebi baanabi aba barikukora. "Baine obushoboorozi okubonabonesa ensi n'ekibonaboneso, ahu baayendera hoona. N'oha owaakikozire? Musa." Baine obushoboorozi kuzibira eiguru kugwisa enjura, omu biro by'obuheereza bwabo. "N'oha owaakingire eiguru kumara emyaka eshatu n'ekicweka? [Abateeraine baagira bati, "Eliya." -Omur.] Mbabo aho. Nibo abo.

122 Mwareeba, ni . . . Mwareeba, omuntu, ku afa, tahindura embeera ze. Tahindura oku akozirwe, mwareeba. Mureebe, ku-ku, hatakabaireho . . . Saulo ku yaabaire agarukire enyima, kandi hakaba hatariho baanabi omu ihanga, akaba atarikubaasa kwetegyereza eky'okukora-eky'okukora. Akaba aine kukirwanisa. Akaba naaza aha rugamba. Akaza ow'omukazi orikubandwa emizimu wa Endoori. Hati, eshagama y'enimi n'embuzi, ogwo mukazi akaba naabaasa kukora eki. Kandi akeeta omwoyo gwa Samueli. Kandi Samueli ku yaarugireyo, akeemereraho,

omu munagiro gwe gwa nabi. T'ekyo kyonka, kureka akaba akiri nabi.

Ati, "Ahabw'enki waanyeta okanyiha omu kihuumuro kyangye," mwareeba, yaagira ati, "ku oraabe noomanya ngu ohindukire omuzigu ahari Ruhanga?" Yaagira ati, "Nk'aga magingo, nyencakare omu kiro, noiija kugwa omuri orwo rugamba. Kandi aga magingo, nyencakare omu kiro, noiija kunshanga ei ndi." Kandi ekyo buzima nikyo kyabaireho.

123 Mwareeba? Tikugira ngu . . . Akaba akiri nabi. Mwareeba? Kandi abantu aba bakiri baanabi. Hati nituza kukitaahamu omunda kakyeho, omu dakiika nkyeho, Mukama yaakikunda. Mwareeba?

Oo, mugyenzi, ka ninkunda ekyo Kigambo! Tiky'okutangaaza, 'Omuntu tatungwa by'okurya byonka. Buri Kigambo kyona ekiruga omu kanwa ka Ruhanga! Baanabi babiri aba ni Musa na Eliya, kurugiirira aha mirimo yaabo erikugaruka ekabaho. Obwo, obutoosha butwire buri obuheereza bwabo. Hati mwetegyereze, nk'oku baakozire. Ekyo tikirabahindwire.

Mwijukye abantu aba tibakafaga. Mureebe edakiika yonka. Hati, mutajwanga, tutakarugire ahari eki. Mutajwanga obuheereza bwa Eliya obw'omurundi gwa kataano n'obuheereza bwe obw'omurundi gwa kana. Ntwire nimbagambira ngu, ekanisa y'Abanyamahanga etegyereize Eliya. Buzima. Kandi ngugu aha ari hanu n'Abayudaaya. Mwijukye, tarikubaasa kwija emirundi ena, egyo-egyo n'enamba y'omuzigu. Naateekwa kwija kataano.

124 Omurundi gw'okubanza obu yaija, akaba ari Eliya, we wenka. Omurundi ogundi obu yaija, akaba ari Elisa. Omurundi ogundi obu yaija, akaba ari (ki?) Yohaana omubatizi. Omurundi ogurakuratireho ku araije, n'ahabwa maraika owa mushanju. Kandi omurundi gwa kataano ku araije, naaba ari na Musa kuriya, naababuurira. Buzima. Ego, sebo. Mutamujwanga. Ahaa.

Etaano, ku muraabe nimumanya enamba zaanyu-zaanyu za Baiburi, itaano ni enamba y'embabazi ezirikukora omurimo. Kandi ekyo nikyo Akozire. Hati, mureebe, nimwenda kumanya ahu kiri. Yesu akaba ari embabazi ezirikukora? Y-e-s-u (J-e-s-u-s omu rungyereza), itaano, k-u-k-o-r-a (l-a-b-o-r omu rungyereza). Ekyo kihikire? Okukora, ahabwo-ahabw'okukukunda. Kandi waahika ahi Ari, noiija ota, kurabira omuri ki? Okwikiriza (F-a-i-t-h) omu k-u-k-o-r-a (l-a-b-o-r) Ekyo kihikire? Okukora n'enamba y'embabazi, ni kirungi, aha baikiriza.

Mwetegyereze, Eliya w'okubanza, ogwo akaba ariwe. Owa kabiri akaba ari Elisa. Owa kashatu akaba ari Yohaana. Owa kana akaba ari maraika owa mushanju, nari entumwa y'aha muheru aha Kanisa, kurugiirira ahari Malaki 4 n'Okushuururuwa 10:7. Hati, omurundi gwa kataano, n'entumwa aha Bayudaaya aha mitwaro ikumi ina n'enkumi ina, aha Bayudaaya, ahanyima y'Ekanisa kugyenda.

125 Ni-ni-niinyehuriramu okundi, mwareeba. Mwareeba? Mureebe, bamwe ku baraabe nibateekateeka. . . eki niinyenda ngu mukitunge hati, mwareeba. Bamwe ku baraabe na hati nibakiteekateeka ngu Malaki 4, "kugarura busya" abantu, nikyo kintu kimwe eki arikuza kukakora eifo okwo omu Bayudaaya, kandi bakateekateeka ngu byona nibishushana, ekyo reka nkibagororere, omu dakiika yonka. Mwareeba, kikaaba nikibuzabuza kakyeho. Habw'okuba, mwijukye, omuri Malaki 4, nihagira hati, "okugarura Okwikiraza kwa b'eishe . . . nimmanyisa abaana kugaruka ahari ishe." Mwareeba, kugaruka ahari ishe!

126 Hati reka mboorekye entaanisa y'obuheereza. Ku araije kugarura Okwikiriza kw'abaana ahari baishebo, akaayehakana Kristo. Akaagaruka enyima omu biragiro. Ekyo kihikire? Baishebo bakaba nibarinda ebiragiro. Nimukitunga? [Abateeraine baagira bat, "Amiina." -Omur.]

Mwetegyereze, Elisa ku, ku araije kuhikiiriza obuheereza bwe omuri Malaki 4, mwareeba, nka Malaki 4, Eliya akaba ari wenka. Kwonka ku yaizire kuheereza aha Bayudaaya, ab'omu kitabo ky'Okushuururuwa 11, ari hamwe na Musa. [Ow'eishe-emwe Branham yaateera omu ngaro ze kabiri-Omur.] N'ahabw'ekyo, tihariho kuburabuzibwa, nangwa na kakye. Mwareeba? Mwakitunga? [Abateeraine baagira bat, "Amiina."] Elisa ku araije, owa Malaki 4, naaba ari wenka. Eliya aryairuka; atari Eliya na Musa. "Eliya" aryaimukaho.

127 Kwonka okushukwahwo nikwo kumwe, ngu, okwagambire ngu Eliya aryaija ahabw'ekicweka ky'aha muheru ky'obusingye bw'ekanisa, "okugarura busya Okwikiriza kw'abaana kugaruka aha kwikiriza okwabandize kwa baishebo," okwikiriza kw'Entumwa, oku mushemereire kugarukira. Kandi antikristo boona abakwatsire yaabakurura yaabashohoza aheeru. "Okugarura busya byona," nk'oku Ebyahandiikirwe byona ebyatsigara birikwikirizana. Mwareeba, naija ari wenka. Mwareeba? Kwonka ku araije aha Kanisa, Baiburi . . . nari akaija aha mitwaro ikumi na ina n'enkumi ina, Baiburi neegamba butunu ngu bombi we . . . Ni babiri, tari omwe. Babiri!

128 Kandi obuheereza bwe obw'okubanza bukaba butarikubaasa kutwara Abayudaaya kandi bukabagarura enyima omu biragiro, naaba we . . . 'habw'okuba naija, naababuurira Kristo aha mitwaro ikumi na ina n'enkumi ina, amiina, "Ngugwo aho, Mesia ogwo owaihirweho." Amiina! Nikyo ekyo, n'ahabw'ekyo kitakaababuzabuza. Tikirikubuzabuza. Ekyahandiikirwe tikibeicha, nangwa na kakye. Ekitiinisa! Oo, ku ndeebire ekyo, mbaire ninguruka!

Ngizire nti, "Yebare, Mukama," obu mbaire ninkireeba nikibaho okwo. Ndeebire Eliya naarugayo ahabw'obw'obusingye bw'okubanza, kandi abaire ari wenka. Bwanyima ku mureebire naagaruka, okwo hare

arikutoora ahandi hantu, babaire bari babiri okwo ekyo ku kibaireho. Nti, "Nkikyo aho. Ekyo, nikyo ekyo, Mukama. Amiina! Ninkireeba hati! Haleluya!" Ekyo n'amazima. Kuri naaba ntakigambire, kikaabaire nikibuzabuza kakyeho aha muntu. Kwonka A-Angambiire kukigamba, n'ahabw'ekyo naakigamba.

Mwetegyereze, abantu aba nibaguma bari abahuriire ahabwa Ruhanga kuruga omu buheereza bwabo obwabandize, ahabw'omurimo gwa nyentsya; bakaheereza kurungi munonga. Mwareeba? Muteekateekye kwonka, ogwo mwoyo gwa Eliya niguheereza emirundi etaano; Musa, kabiri. Niki? Kuguma bahuriire ahabw'obuheereza bwabo obwa hare, obw'omumaisho. Tihariho n'omwe ahari baanabi abo babiri owaabaire afiire hati, ekyo mutakiikiriza. Bakareebwa bombi, bahuriire, nibagamba na Yesu aha Rushozi Rw'okuhindurirwaho. Kwonka, mwijukye, nibateekwa kufa.

129 Hati, mbwenu, Musa buzima akafa. Kwonka akazooka, 'habw'okuba akaba ari ekirikushushaniriza ekihikire kya Kristo. Mwareeba? Tihariho n'omwe owaamanyire ahu yaaziikirwe. Baamaraiaka bakamutwara. Mwareeba? Omumumbi gwe gukeegurwa Baamaraiaka. Uh-huh. Ahabw'enki? Tihariho omuntu ofa owaakubaasize kumutwara ahu yaabaire naaza. Akafa kuraba omu migyzenzo, nikyo ekyo. Akaba aine Baamaraiaka, abaayekoreire omumumbi gwe, mwareeba, 'habw'okuba Bakamutwara ahu yaabaire ashemereire kuba.

Tihariho n'omwe orikumanya. N'obu yaakuba Sitaane, nawe taramanyire. Akahakana na Maraika mukuru. Ekyo kihikire. Akaba atarikubaasa kwetegyereza ekyabaire ahari Musa. "Mureebire naatetema kuriya. Kandi ku ndeebire okwo omu nsi, kandi nkagaruka nkareeba aha baana, n'ebindi, mureebire naatetema. Kwonka akaribata aha Rukiri, kandi ogwo nigwo gubaire omurundi gw'aha muheru kumureeba."

Orwo nirwo Rukiri! Orwo nirwo Rukiri! Reka nyemerere aha Rukiri orwo, aha muheru gw'orugyendo rwangye! Eego, sebo! Hati, e . . . Ab'eishe-emwe abakyotera bakaba beemerera hanu kandi beeshongora akeeshongoro kati,

"Kuri nimbaasa, buzima

nkaayemereire aha Rukiri orwo ahu Musa yaayemereire."

Eego, sebo! Oo, orwo nirwo Rukiri oru ndikwenda kwemereraho, naanye. Niinyemereraho ahabw'okwikiriza.

130 Kwonka mwijukye, Eliya, we akaruha, 'habw'okuba akaba aine omurimo muhango omu maisho ge. [Ow'eishe-emwe Branham yaahunamamu. Abateeraine baasheka-Omur.] N'ahabw'ekyo akaba aruhiire kimwe, reero Ruhanga yaamwoherereza eky'okumutwara omu Ka, ekyo kihikire, yaayohereza ekigaari. Ekyo kihikire? [Amiina.] Yaamutwara omu Iguru. Tarafiire, 'habw'okuba Akamurinda ahuriire. Akaba amwiniire omurimo gwa nyentsya. Reka ashukye amajuta aha muntu, nawe, mwareeba, arugyeyo omu Mwoyo gwe. Kwonka nibateekwa kuroza ahari rufu. Hati omu kitabo ky'Okushuururwa, eshuura ya 11. Hati, ka tuze, naahikireho n'obu kiraabe. Reka tukikwate, Okushuururwa 11. Mwetegyereze hazza mureebe bombi ku bataraije kwitwa. Eego, sebo. Bombi nibateekwa kuroza ahari rufu. Eego, sebo. Ahanyima y'obuheereza bwabo kuhwa, nibaroza ahari rufu. Okushuururwa 11, kandi reka tutandikire aha gwa 7.

Kandi ku . . . bariheza obujurizi bwabo, enyamaishwa eryaruga okuzimu omu biina ekitaine bugarukiro, ebarwanise . . .

Oo, mugyenzi, takaakigumisiriza; abo barikwera abeekuringa ahansi bagarukire omurundi ogundi, mwareeba. Ni kirungi. Ni kirungi.

. . . eryaruga okuzimu omu kiina ekitaine bugarukiro, . . . ebarwanise, ebasingure, ebaite; Kwonka mureebe ekirikubaho. Bashushanirizibwe gye munonga hanu.

N'emitungi yaabo eryaguma erambiire omu nguuto y'orurembo-omu nguuto y'orwo rurembo oruhango, . . . orurikwetwa . . . omu migambire y'omwoyo Sodoma na Misri, ahu Mukama (waitu) yaabambirwe (Yerusalem, mwareeba).

131 Hati nibateekwa kuroza ahari rufu, (tikwo?) ekyo kihikire, ahanyima y'obuheereza bwabo kuhwa. Ahabw'enki? Obuheereza bwa maraika owa mushanju, obuheereza bwa maraika owa mushanju, obuheereza bwa Eliya ahari maraika owa mushanju, Atari . . . Ahabw'enki obu, nimmanyisa, ahabw'enki butarikubaasa, ningyezaho kugamba, obuheereza bwa maraika owa mushanju mbwenu kuba obwa Musa, ku araabe atarikufa, nikyo kimwe nk'oku bwakubaasize kuba na Eliya? Ahabw'enki batari . . . Ahabw'enki Ruhanga atarafiire kutuma, ati, "Eliya, oko-okozire omurimo n'amaani munonga, Ni . . . na buri kintu, omu myanya egi yoona etari emwe. Ni niinyikiriza ninza kufa kwohereza Musa eifo"? Ahabw'enki?

Mureebe obuheereza bwa Musa. Eliya akaba ari nabi aha mahanga goona; kwonka Musa akaba ari omuhi w'ebiragiyo aha Bayudaaya bonka. Amiina. Musa ariyo kugamba . . . Enshonga erikutuma yaija na Eliya . . .

132 Abo Bayudaaya nibagamba bati, "Rindaho, nitworobera ebiragiyo hanu." Kwonka ngugu hanu Musa ayemereireho we wenka; kandi ngugu hanu Eliya ayemereire hamwe nawe. Oo! Mwareeba? Naija aha Bayudaaya bonka. Mwareeba? Musa akaza aha Muyudaaya wenka; nabi Eliya akaba ari ow'amahanga goona. Kwonka Musa akaba ari nabi aha Bayudaaya, kandi omuhi w'ebiragiyo. Mwareeba? Obwo bukaba buri obutumwa bwe, ebiragiyo.

Kwonka obutumwa bwa Eliya bukaba buri ki? Aha bakazi abaabaire bashazire amashokye gaabo; ebigombe by'amadiini. Eego, sebo. Kandi buzima akabatanyaguriza kimwe. Abasiigire erangi aha maisho; akabagira ati, "Nimuza kugaburiwa embwa." Buzima akabakabukira.

Kandi bwanyima Omwoyo gwe ku gwaizire ahari Yohaana, akajumbukayo omu ihamba kandi yaakora ekintu nikyo kimwe. Buzima. Ati, "Mutateekateeka ngu turi ba memba b'eki nari kiri. Ruhanga naabaasa amabaare aga kugaihiramu Abrahamu abaana." Akanyegyera omu muhanda, yaagira ati, "Kandi nooyenda kungambira ngu oshweirwe muramu waawe . . . ?" Ati, "Nikhenda amateeka iwe kukikora!" Oo, ow'eishe-emwe! Whew! Hum! Akamugambira. Buzima.

133 Mwetegyereze, emyoyo egi n'ey'okutegyerezaho enshumi nkye, ahabw'emitwaro ikumi na ina n'enkumi ina . . . okufeera okwikiriza. Oo, ekyo tikwo, ti . . . Ekyo nikibuganisa Baiburi hamwe.

Hati obwire bwangye buzima bwahwa, ku ndaabe nimbasibuura kare. Kwonka nyine ebintu bikye ebikirih by'okugamba, ku mwakubaasa kukigumisiriza. [Abateeraine baagira bat, "Gyenda omumaisho!" -Omur.] Nimmanya ngu nihootsya. Kandi nintuutuka. Kwonka, muhurikize, nyine ekintu eki ndikwenda kubagambira. Ni kirungi munonga, nikyokyeza kimwe omu mutima gwangye. Niinyesiga ngu timukakyebirwe, mwareeba.

Reka ngambe eki, ndi omumaisho Ge. Ahabw'embabazi Ze, nabwo Akanyikiriza kureeba abantu bangye, obwire bukye obuhingwire, omu bijwaro ebirikwera. Nimukiijuka? [Abateeraine bat, "Amiina." -Omur.] Nimwijuka? Nimwijuka ebigambo ebyo, obwire bukye obuhingwire? ["Amiina."] Omugore Omunyamahanga, bariyo hati. Boona bakaba bajwaire ebijwaro ebirikwera.

134 Nkaba naasisiimukire. Nkaba ntwire omu ruteerane. Kikabaho nk'omwaka oguhweire, n'okukiraho kakye. Nkasisiimuka akasheeshe kamwe, kandi naimuka. Kandi naagira nti, "Mukundwa?" ningambira omukazi wangye. Tareetengize. Abaana haihi . . . Nkaba nyine kwimuka kandi nkabatwara aha ishomero, aharuguru hanu honyini aha mwanya ogwa ira. Mpaho, nka-nkaimuka omu kitanda, nimumanya, reero naayegamira. Nimumanya oku kiri; okweguuka kandi okafa kwegamya omutwe aha kibaaho ky'aha kitanda. Twine kimwe aha bitanda by'enkora yaakare. N'ahabw'ekyo nkafa kwegamira enyima nka batyo.

Kandi nkateekateeka nti, "Mwojo 'we, waahikize emyaka makumi ataano n'eshatu. Ku oraabe nooza kukorera Ruhanga omurimo gwona, kikaabaire kirungi otandikireho kugukora, 'habw'okuba nooza kuba omugurusu munumonga, ahanyima y'akaanya kakye."

Kandi naateekateeka nti, "Noomanya, ekyo kihikire, hati." Naateekateeka nti, "Mwojo 'we, noomanya, tinkahikire hare munonga. Nintekwa kugyenda juba." Mwareeba? Naagira nti, "Ogwo-ogwo n'omwaka gumwe ogurengire aha i tata yaamazire." Mwareeba? Naateekateeka nti, "Nshemereire kuruga hanu juba. Nkakireeba. Kandi, hanu, tihaine kintu kyona eki naakoreire Ruhanga, na hati." Naateekateeka nti, "Nkaba ntura burijo niinyenda kugira eki Naamukorera." Naateekateeka nti, "Nshemereire kwangutsya kandi nkakikora, ku ndaabe ninza kukikora. Kandi tindikumanya oku ndikuza kukikora, nikyo ekyo."

135 Naateekateeka nti, "Muntu 'we, nyine amatsiko g'okutuuraho nkareeba okwija Kwe. Tindikwenda kuba omuzimu, nari omwoyo." Mwareeba, nkaba burijo ntiina omwoyo. Kandi hati, nimumanya, ekyo kikaba nke . . . Nkaba burijo nteekateeka, nka naakubugana Ow'eishe-emwe Neville kandi akaba ari nk'akacu kakye akarikwera karikugyendagyenda aho, nimumanya. Kandi nkagira nti, "Ka niiwe, Ow'eishe-emwe Neville."

Kandi akagira ati, "Ka niiwe, Ow'eishe-emwe Branham," kurabira omu kindi kihurikizo; atarikubaasa kugamba. Kwonka nkaafiire kumanya ngu ni Ow'eishe-emwe Neville. Yee. Nkaayenzire kumukwata omu ngaro nk'oku nkora burijo. Habw'okuba, nikyo ekyo kyonka eki ndikumanya, n'abantu. Mwareeba, nkaayenzire kumukwata omu ngaro, kwonka taine mukono. Guri ahansi kuriya omu kituuro, gwajunzire. Mwareeba?

Naateekateeka nti, "Mugyenzi, nyine amatsiko ngu tinyine kuraba omuri ekyo." Hati, nkaba . . . Hati naaza kubagambira amazima. Nka-nkaba ntiina kufa; kutari okutiina ngu nkaba ninza kubura, kyonka nkaba ntarikwenda kuba omwoyo. Nkaba niinyenda kuguma ndi omuntu. Nkaba niinyenda kuteegyereza Okutwarwa, mwareeba. Nkaba niinyenda kuguma ntyo kyonka. Nkaba ntarikwenda kuba omwoyo, okugyendagyenda.

136 Nkaba mbyami aho, nintekateeka ekyo. Reero, ahonaaho, hariho ekintu ekyabaireho. [Ow'eishe-emwe Branham yaahinjura orukumu rwe rimwe -Omur.] Hati, nimumanya, kandi imwe mwena mumanyiriire, ekikwatsire aha kworekwa. Kandi oku ku kuraabe kwabaire kuri okworekwa, tinkatungahoga kumwe nkakwo, mwareeba. Kandi ntungire okworekwa kwiha obu naabaire nkiri omwojo muto munonga. Kandi, ahonaaho, ekintu kyabaho. Kandi naayehurira nindugaho. Naateekateeka nti, "Ahaa." Kandi na-naateekateeka nti, "Na-naaherize kufa, mwareeba, kandi na-naayegyendeire." Mwareeba? Kandi nkahika ahantu, kandi naateekateeka nti, "Niinyikiriza ninza kureeba enyima."

Kikaba kirikyo, banywani, nk'oku nyemereire hanu honyini. Mwareeba? Kandi naahinduka, kuranza enyima. Kandi reeba nkaba ndi hari, mbyami aha kitanda. Kandi nkaba ndambiire, mbyami aha rubaju rw'omukazi wangye. Nkateekateeka nti, "Mpaho, shana kubaire okuteerwa omutima." Mwareeba? Naateekateeka nti, "Mbwenu, mwareeba, nfiire ahonaaho," ekyakubaire kiri omuringo murungi gw'okugyenda. N'ahabw'ekyo, naateekateeka nti, "Okwo nookuteerwa omutima. Tikinyetaagiise kushasha." Naareeba, kandi naateekateeka nti,

"Mbwenu, hati, ekyo n'eky'okutangaaza. Ndi hari mbyami, hari honyini; kandi ndi aha nyemereire, hanu."

137 N'ahabw'ekyo, naahinduka. Kikareebeka nk'e-nk'ekishaayi kihango ky'amaani, nka, nari ekintu nanka, ekishaayi ky'amaani kyeshanzire ky'obunyaatsi bw'erangi ya bururu. Kandi-kandi naagira nti, "Mpaho, niinyebuuza eki n'enki?" Reero, ahonaaho, ku naareebire, hanu hajaho enkumi n'enkumi z'abakazi bato, boona bajwaire ebijwaro ebirikwera, eishokye rigwire enyima kuhika omu manyanya gaabo, batajwaire nkaito, kandi bakaba nibairuka nibaija ahu ndi.

Naateekateeka nti, "Hati eki n'enki?" Nkahinduka, naareeba enyima kuriya, kandi nkaba ndiyo; kandi naaranzya eruguru kunu, mbabo baija. Naaruma orukumu rwangye. "Ti-ti-ti-tingwejegyeire, buzima." Kwonka, nkaba nimbaasa kuhurira n'ekihurikizo ky'omubiri. Reero naagira nti, "Mpaho, mbwenu, hariho ekintu hanu, ky'okutangaaza." Kandi abakazi aba boona baija, nibairuka. Kandi nkaba ntakareebahoga abakazi barungi nk'abo! Kandi boona baija, nibairuka kumbugana. Kandi ku bairukire kumbugana . . . Nimumanya oku ntwire, nka. . . Baanyeta orikwanga abakazi, kwonka tindiwe, mwareeba. Kwonka, ni-nintekateeka, omukazi murungi n'omwe aha . . . ni eibaare ry'obuguzi bwingi. Kwonka, nintekateeka, ogwo otari murungi, ni, nk'oku Sulemaani arikugira, "amaizi omu shagma yaawe." N'ahabw'ekyo buzima tinyine kakwate n'o-n'omukazi w'emicwe mibi nari orikwehurira munonga.

138 N'ahabw'ekyo abakazi aba boona baija. Baatandika kungwa omu nda. Hati, ekyo tikyaburiijo. Nimumanya ekyo tinkaakigumisiriize. N'ahabw'ekyo, kandi bakaba bari . . . hati, naaza kuteekwa kugamba eki omu muringo, ngu, ndi-ndi omu bantu baangi abashaija n'abakazi. Kwonka, bakaba bari, bakaba bari abakazi. Bakaba bari abakazi. Kandi bo-bakambumbatira, buri omwe, kandi baagira bat, "O-ow'eishe-emwe waitu omukundwa!" Kandi omwe akaba angwa omu nda, reero ondiijo nawe angwa omu nda.

Nkaba nyemereire aho, nindeeba. Naateekateeka nti, "Mpaho, hati, eki n'enki?" Mwareeba? Kandi bakaba beemereire aho. Naateekateeka nti, "Haabaho ki?" Naaranzya enyima aha nsi. Nkaba ndi kuriya, mbyami ahansi kuriya; kandi ndi hanu, nyemereire hanu. Naateekateeka nti, "Hati, ekyo tiky'obutoosha. Tindikuyetegyereza." Kandi abo bakazi nibateera akaari munonga bat, "Oo, ow'eishe-emwe waitu omukundwa," kandi nibangwa omu nda. Hati, bakaba bari buri kacweka, omu bihurikizo by'omubiri, abakazi.

139 Hati munsaasire, b'eishe-emwekaza, naaba ningamba eki, 'habw'okuba . . . Kwonka muhurikiza baadokita baanyu; kandi ku turaabe tutaine ebiteekateeko ebishemeire, obwo tituri Bakristaayo. Tindikufaayo . . . Burijjo ntuura amagara agashemeire. Ruhanga ekyo naakimanya. Obu naabaire ndi omwojo muto, Maraika wa Mukama akangambira kutashiisha omubiri gwangye, kutareetsa, nari kunywa. Kandi ekyo kibaire amazima. Ahabw'embabazi za Ruhanga, ekyo nkirinzire. Obu naabaire ndi omusiisi, tindagyenzire n'abakazi.

N'ahabw'ekyo . . . Kwonka omushaija weena orikureka omukazi akamubumbatira omu mikono ye, we akozirwe n'obutafaari bw'omubiri bw'ekishaija, kandi nawe ari omukazi, hariho obunyugwizi. Tindikufayo iwe ori oha, hati, otangambira ngu togira bunyugwizi, ku oraabe ori omuntu oine omubiri oguri gye. Kwonka, ti Kuriya; ahabw'okuba timwine, tihakirih, obutafaari bw'omubiri obutarikushushana. Torikora kibi Kuriya na kakye. Hakaba hariho empinduka. Hakaba hatariyo ekindi kyona ekirikukira ahari rukundo y'ab'eishe-emwe ahari abo bakazi.

140 N'obu, omu burungi obu baabaire nibareebekamu; nintekateeka, o-omukazi, omukazi murungi orikwekwata gye, kandi akatambura nk'omukazi w'ekitiinisa, ni-ni eky'okureeberaho ky'eibaare ry'obuguzi bwingi omu nsi. Ni-ninkunda ekintu kyona ekirungi. Nintekateeka, o-omukazi orikuguma omu omwanya gwe, kandi akagyezaho kuba omukazi w'ekitiinisa, n'e-n'ekishushani ky'ekitiinisa. Ekyo ninkiikiriza. Kandi nintekateeka, ogwo otari atyo, ni nka-nka Kristo na antikristo, ekintu nikyo kimwe.

141 Ni-ninkunda ekintu kyona ekiri omu buhangwa bwakyo. Nk'embaraasi nungi, nari ekintu kyona, neeyemerera omu kishushani kyayo ky'embaraasi nungi ehikire. Nari, ekintu kyona nk'ekyo, orushozi rurungi, abakazi barungi, abashija barungi, ekintu kyona kuguma nk'oku Ruhanga yaakihangire, burijjo nkaba nkirigira. Kandi aba bakaba bahikiriire. Kwonka n'obu bambumbatiire omu mikono yaabo oburikwingana ki, kandi bakaba bari abakazi, nimwetegyereza, kwonka kuriya hakaba hatarikubaasa kubayo kibi kyona. Enturugunu z'ekishaija n'enturugunu z'ekikazi, zombi, zikaba zitakirih. [Ow'eishe-emwe Branham yaateera omu ngaro ze rimwe - Omur.] Mukama asiimwe! Bakaba bari ab'eishe-emwekaza bagyenzi bangye, buzima.

Nkareeba. Kandi naatandika . . . Nka-nkareeba aha ngaro zangye; naareeba zoona ziri nto munonga. Kandi naareeba; naanye, nkaba ndi muto. Kandi nka . . . Kandi eishokye ryangye nirimpwaho, nk'omushaija muto; kuritaho asidi ya carbolic omutegi w'eishokye akakikora, kandi ryona yaarimaraho obu naabaire nkiri omwojo. Kandi kitwire burijjo kiri nk'e-ekintu ahariinye, ngu ntu-ntu-ntunga ekihinzi juba juba, ahabw'okuba ekihoorahoori kyangye kikyorobi, nimumanya. Kandi n'emizi y'eishokye ekirihi, kwonka ekookibwa na asidi ya carbolic, kandi eishokye tirirkubaasa kumera, mwareeba.

Kandi nkagyenda, omukazi wangye, obu na . . . emyaka mingi ehwiringe, kandi yandeetera wiigi y'okujwara, ekicweka kikye ky'eishokye, kukyetaho, kushweka omutwe gwangye. Kwonka nkaba burijjo nkawatwa enshoni kugijwara, ahabw'okuba ekaba neereebeka nk'ekintu ekitarikyo. Kandi nkaba ntarikwenda ekintu kyona ekitarikyo. N'ahabw'ekyo, nkateekateeka nti, "Niinyija kujwara enkofiira ya sitokisi nkye." Bwanyima, nkakikora,

kumara akaire. Nimumanya eki baakozire? Bakaba obwo, nibenda kunyeta “bishopu”, baagira ngu nkaba niinyenda kuba . . . Mwareeba? Nkafa kugira nti, “Reka endugyeho.” N’ahabw’ekyo nimbonabona n’ekihinzi munonga,

kandi nkireka . . . Kwonka, hati, mwaigura ago madirisa, nari ekintu kyona, ako kabeho kakye kakarabamu kaija batyo, mwojo ‘we, ninkitunga.

142 Kandi nkaza owa dokita naamubuuza, eki yaabaire naateekateeka. Yaagira ati, “Mbwenu, waareeba, obu-obuhengyere bw’omu ruhu rw’omubiri gwawe bwigwire. Nootuutuka, kuruga omu kubuurira. Ogwo muyaga nigwija. Gu-guta akakooko k’ekihinzi hanu omu bimiira, reero bishuma aha mumiro gwawe. Akasheeshe akaakuratiraho nooba ozindaire amaraka. Nikyo ekyo.”

N'a-n'ahabw'ekyo, oo, mugyenzi, imwe bantu 'mwe abaine eishokye, timurikumanya oku mushemereire kwesiima, ahaw'okurigira. Ekyo kihikire. Mwareeba? Mpaho, hati, nkakizoora, bwanyima, ngu ni-ninza ku . . . Kimwe omu biro ebi, ku ndaabe ntatungire amaino gangye, ninza kuteekwa kugagira, kandi, n'ahabw'ekyo, nari mbeho ntagaine.

N'ahabw'ekyo omuntu ku araabe-omuntu ku araabe . . . Mpaho, tinkaateekateeka ngu kikaaba kihikire omushaija, ku yaakuba naayenda kukikora, okujwara wiigi, nk’oku kyakuba aha mukazi kujwara wiigi emwe ahari za mushushu nari embeba, kyona eki barikuta omu ishokye ryabo batyo okurikora. Mwareeba? Kwonka-kwonka, tihariho kubangaanisa, ku oraakikore, nikirugiirira aha kirikutuma waakikora. Mwareeba? Nikirugiirira aha kirikutuma waakikora. N'ahabw'ekyo . . .

143 Kwonka, n’obu biri bityo, nyemereire okwo, nkeehuriram, kandi nkaba nyine eishokye ryangye, ogundi murundi. Mugyenzi! Nkaba ndi muto. Kandi aba, aba boona, bari bato! Kandi naateekateeka nti, “Mpaho, eki t’eky’okutangaaza! Mbaba hanu.” Kandi boona bakaba nibairuka . . . Kandi nkareeba, nihaija, kandi na-naareeba Hope naija. Akaba naashusha . . . Nimumanya, akafa aine emyaka makumi abiri na ibiri. Akaba akiri murungi nk’oku arabaire. Abaangi omuriimwe nimumwijuka; ago maisho mahango agarikwiragura. Akaba ari Omugirimaani. Eishokye rye erirkwiragura rigwire enyima aha mugongo gwe.

Nkateekateeka nti, “Hati, ku araahikye hanu, naaza kugamba-naaza kugira ati, ‘Bill.’ Nimmanya ngu naaza kukigamba. Nimmanya ngu naija kugira ati, ‘Bill,’ ku araahikye hanu.” Inkaba nindeeba. Kandi buri omwe aha bakazi aba naija kandi nangwa omu nda, naagira ati, “Oo, ow'eishe-emwe omukundwa, twashemererwa munonga okukureeba!”

144 Naateekateeka . . . Boona bajwaire okurikushushana, kwonka amashokye gaabo gakaba gatarikushushana, nimumanya, eishokye erirkutukura, n’eishokye erirkwiragura, n’eishokye ry’erangi y’ekinyaatsi kyomire. Kandi-kandi bakaba nibajaho, kandi boona bakaba bari bato. Kandi ku yampikireho, naateekateeka nti, “Naaza kureeba eki araagambe.” Reero yandeeba, kandi yaagira ati, “Oo, ow'eishe-emwe waitu omukundwa!” yambumbatira, kandi yaagumizamu yaagyenda. Ondijo mukazi yaija, yaambumbata, owaakurataho.

Kandi naahurira orwari. Reero naareeba orubaju oru, kandi hanu haija ekibiina ky’abashaija, abantu bato, boona bari nk’omu myaka makumi abiri. Bakaba baine eishokye erirkwiragura, kandi n’eishokye ry’erangi y’ekinyaatsi kyomire. Kandi boona bakaba bajwaire ebijwaro ebirikwera, kandi batajwaire enkaito. Kandi bairuka nibanyizira kandi baatandika kumbumbatira, nibateera akaari munonga bat, “Ow'eishe-emwe omukundwa!”

Nkateekateeka. Bwanyima naahinduka, kandi nkaba ndi aho, nabwo nkibyami aho. Kandi naateekateeka nti, “Mbwenu, hati, eki n’eky’omutaano.” Kandi omu bwire obwo Eiraka ryatandika kugamba naanye. Tinaarebire eiraka eryo. Rikagira riti: “Oteerainwe, o-oteerainwe n’abantu baawe.” Reero omuntu yanterura, yanshutamya ahaiguru, aha kintu kihango kiraingwa nk’eki.

Naagira nti, “Ahabw’enki okozire ekyo?”

Yaagira ati, “Omu nsi okaba ori omwebembezi.”

145 Kandi naagira nti, “Mbwenu, eki ti-tindikukyetegyereza.” Kandi Eiraka eryo ririyo niringambira. Tinabaasize kureeba Eiraka eryo. Hati, Rikaba riri ahaiguru yangye, nirigamba naanye. Naagira nti, “Mbwenu, ku ndaabe-ku ndaabe naaherize kwambuka, niinyenda kureeba Yesu.” Naagira nti, “Ni . . . Akaba ari . . . Akaba Ari amagara gangye goona. Niinyenda kumureeba.”

N’ahabw’ekyo Yaagira ati, “Torikubaasa kumureeba hati. Akiri ahaiguru munonga.” Mwareeba, hakaba hari ahansi y’etambiro, nabwo, mwareeba, omwanya gwa mukaaga, ei abantu baza, mwareeba; ti ogwa mushanju, ahu Ruhanga ari, eidaara rya mushanju. Erya mukaaga! Kandi bakaba bari-kandi boona bakaba bariyo, kandi bakaba nibahinguraho. Kandi naagira . . . Kikaba nikireebeka buzima ngu bakaba bari zaamirioni. Tinkabareebahoga . . . Kandi, ku naashutamiireyo, abakazi aba n’abashaija nibakiiruka nibarabaho kandi nibangwa omu nda, nibanyeta “ow'eishe-emwe.”

146 Kandi nkashutamayo. +Reero bwanyima Eiraka eryo ryagira riti, “Oteerainwe n’abantu baawe, nk’oku Yakobo yaateerainwe n’abantu be.”

Naagira nti, "Aba boona, n'abantu bangye? Aba boona n'aba Branham?"

Yaagira ati, "Ngaaha. N'abu waahindwire okabareeta ahari Kristo."

Nkareeba oku n'oku. Kandi hakaba hariho omukazi murungi buzima owairukire akanyizira. Akaba naareebeka nka bariya abandi. Akambumbatira n'emikono ye, kandi yaagira ati, "Oo, Ow'eishe-emwe mugyenzi wangye omukundwa!" Yandeeba.

Naateekateeka nti, "Mugyenzi! Omukazi ogu naareebeka nka Maraika!" Kandi yaarabaho. Reero Eiraka eryo ryagira riti, "Tiwamwijuwa?"

Naagira nti, "Ngaaha, tinamwijuwa."

Ryagira riti, "Okamureeta ahari Kristo ahingwize emyaka makumi mwenda." Ryagira riti, "Noomanya ahabw'enki naakuteekateekaho munonga?"

Naagira nti, "Ogwo mwishiki murungi akaba ahingwize emyaka makumi mwenda?"

"Yee." Riti, "Tarikubaasa kugaruka kuhinduka bundi hati." Riti, "Egyo niyo nshonga erikutuma yaagamba ati, 'ow'eishe-emwe omukundwa."

Naateekateeka nti, "Oo, mugyenzi! Haza eki nikyo naaba ntiinire? Ahabw'enki, abantu aba nibo bonyini." Bo, bakaba batarikuza ahandi hantu. Bakaba bataruhire, Kubayo. Kandi naagira nti, "Mpaho, ahabw'enki ntarikubaasa kureeba Yesu?"

Riti, "Mpaho, hati, Aryaija-Aryaija ekiro kimwe. Kandi Aryaija ahariiwe, okubanza, reero bwanyima oryacwerwa orubanja." Riti, "Abantu aba n'abu waahindwire okabareeta ahari Kristo abu waayebembeire."

Kandi naagira nti, "Noomanyaisa, ahabw'okuba omwebembezi, ngu ndya . . . ngu Aryancwera orubanja?"

Riti, "Eego."

Kandi naagira nti, "Buri mwebembezi naateekwa kucwerwa orubanja batyo?"

Riti, "Eego."

Naagira nti, "Kandi shi Paulo?"

Ryagira riti, "Aryacwerwa orubanja hamwe n'abe."

"Mbwenu," naagira nti, "ekibiina eki ky'abantu ku kiraazemu, n'ekyangye kiriyazamu, 'habw'okuba nkabuurira buzima Ekigambo nikyo kimwe." Nikyo ekkyo. Naagira nti, "Ahu yaabatiize omu Iziina rya Yesu, naanye, nikwo naakozire. Nkabuurira . . ."

Reero zaamirioni z'abantu zaagamba n'eraka rihango, omurundi gumwe, ziti, "Ekyo nikyo tuhuumuriireho!"

Kandi naateekateeka nti, "Mugyenzi! Eki kuri naakimanyire ntakaizire hanu, nkareeteire abantu kwija hanu. Eki Tibakaabaasa kukifeerwa. Ahabw'enki, mureebe hanu!" Kandi bwanyima . . .

Kandi Yaagira ati, "Hati, eizooba rimwe Aryaija, reero . . . Hati, kunu, titurya, titunywa, nari kubyama. Twena turi omwe."

147 Mbwenu, ti kuhikiirira, kirengire okuhikiirira. Ti harungi, harengire oburungi. Tihariho eiziina erirkubaasa . . . Torikubaasa kuteekateeka . . . Tihariho bigambo omu bigambo ebi abantu barikumanya eby'okubaasa kuhashoboorora. Nooba otaahire kusha, nikyo ekkyo. Reero naateekateeka nti, "Mbwenu, eki, eki kikaabaire kihikiriire. Bwanyima shi twaza kukora ki ekindi?"

Bati, "Bwanyima, Yesu ku araije, kandi turi . . . reero akucwere orubanja, nari ahabw'obuheereza bwawe, bwanyima tugarukye omu nsi kandi tujware emibiri yaitu." Mpaho, nka-nkaba ntakakiteekateekahoga obunaku obwo. Ekkyo buzima n'Ekyahandiikirwe. Bati, "Reero tugarukye omu nsi kandi tujware emibiri yaitu, bwanyima tubone kurya. Hanu titurya, n'obu kwakuba okubyama." Bati, "nituriira eifo okwo, kwonka nitugaruka omu nsi."

148 Naateekateeka nti, "Mugyenzi, eki t'eky'okutangaaza! Oo, mugyenzi! Kandi nkaba nkitiinire. Ahabw'enki naabaire nintiina kufa, okuhika ahari eki? Mbwenu, oku n'okuhikiirira, oyongyeireho okuhikiirira, oteireho okuhikiirira. Oo, eki n'eky'okutangaaza!" Mwareeba, tubaire turi ahansi y'eitambiro honyini.

Mwareeba? Kibaire ekkyo, mwareeba, ahansi y'eitambiro honyini, tutegyereize Okwija, mwareeba, We kuza kureeta abo abaabaire bagwejegyereire omu . . . e-emibiri egwejegyereire omu mucuucu, kugaruka kutuzoora; aijeho, atuzoore. Nk'oku Yesu yaarabire omuri paradiiso, haza akaihayo Abraham, Isaaka n'abo boona, nimumanya, abaabaire bategyereize okuzooka kw'okubaasa. Bakataaha omu rurembo kandi baareebwa baangi. N'eky'Ekyahandiikirwe buzima, okworekwa kukaba kuri ekkyo, nari eki kyabaire kiri kyona, kikaba buzima kiri ekky'Ekyahandiikirwe.

Kandi naagira nti, "Mbwenu, eki ti kirungi munonga!" Kandi bwanyima naateekateeka nti, "Ekyo tikiri- . . . ?" Naahurira ekintu nikiniagiira, nk'embaraasi. Kandi naareeba. Reero embaraasi yangye nkye eriho akatebe k'okushutamaho ei naabaire ntemba, Prince enkye, nkaba ngitaho omutima munonga. Ngigi ekaba eri hanu, eyemereire aho aha rubaju rwangye, kandi yaata omutwe gwayo aha ibega ryangye, okumbumbatira. Nk'obu naabaire nkira kugiba sukaari, nimumanya, reero yaata . . . Naagitaho omukono okugibumbatira. Naagira nti, "Prince, nkaba nimmanya ngu oryaba kunu."

149 Naahurira nk'ekintu nikindigatsa engaro. Ngigo aho embwa yangye erikwiragura ekuzire ei naabaire mpiigisa. Omw. Short, ahaifo hanu, ku yaagihaire obutwa, nkarahira ngu nkaba ninza kwita Omw. Short ahabwayo. Nkaba nyine nk'emyaka ikumi na mukaaga y'obukuru. Akagiha obutwa, yaagihira eipeesha ry'embwa. Kandi tata akankwata nyine embundu, ninshuumu kuza kumurasha, omu mwanya gwa poriisi honyini. Kandi naagira nti, "Ninza kumwita." Naagira nti, "Mbwenu . . ." Nkagyenda naaza aha kituuro ky'egyo mbwa. Kandi naagigambira nti, "Fritz, obaire ori nka mugyenzi wangye. Okanjweka kandi wanyohereza omu ishomero. Ku waakukuzire, nkaba ninza kukureeberera. Mbwenu bakwita." Naagira nti, "Ninkuraganisa, Fritz, ngu tarikwija kuguma ari ohuriire." Naagira nti, "Ninkuraganisa, tarikwija kuguma ari ohuriire. Niinyija kumubugana omu muhanda gw'omu tauni obwire bumwe, naatambura, bwanyima ndyamuribatisa emotoka, mwareeba." Kandi naagira nti, "Ndyakuhoorera enzigu."

Kwonka nimumanya ki? Nkareeta ogwo mushaija ahari Kristo, naamubatiza omu Iziina rya Yesu, kandi ku yaafire naamuzaika. Eego, sebo. Nkahindurwa haihi nk'emyaka ebiri ahanyima y'ekyo. Nkareeba ebintu okundi obwire obwo, mwareeba. Nkamukunda omu mwanya gw'okumwanga.

150 Mbwenu n'ahabw'ekyo, kwonka, n'obu kiraabe, ngigo Fritz ekaba eyemereire aho, erikundigatsa aha ngaro. Kandi nkaba . . . naareeba. Nkaba ntarikubaasa kurira. Tihariho n'omwe owaakubaire naabaasa kurira. Byona bikaba biri okwesiima. Okaba otarikubaasa kugira enaku, 'habw'okuba byona bikaba biri okushemererwa. Okaba otarikubaasa kufa, 'habw'okuba byona bikaba biri Amagara. Mwareeba? Mwareeba? Tokaabaasize kukura, 'habw'okuba byona bikaba biri okunyeeta. Kandi ekyo nikyo . . . N'okuhikiirira kusha. Naateekateeka nti, "Oo, eki tikirungi munonga!" Reero zaamirioni . . . Oo, mugyenzi! Nkaba ndi omuka honyini, mwareeba.

Kandi-kandi obwire obwo bwonyini naahurira Eiraka. Kandi ryagambira ahaiguru, riti, "Byona ebi orakunzire . . ." empeera ahabw'okuheereza kwangye. Tindikwetenga mpeera yoona. Yaagira ati, "Byona ebi orakunzire, na byona ebirakukunzire, Ruhanga abikuhaire."

Naagira nti, "Mukama ahimbisibwe!" Nkeehuriramu okutari kw'obutoosha. Naateekateeka nti, "N'enki? Ninyehuriramu okutari kw'obutoosha." Naahinduka kandi naareeba. Kandi aha kitanda, omubiri gwangye gukaba nigutenganya. Naagira nti, "Oo, tindikwenda kugarukayo, buzima. Otakikora, otareka nkagyenda." Kwonka Engiri ekaba neeteekwa kubuirirwa. Nk'omu sekenda, nkaba naagarukire aha kitanda, mwareeba, batyo.

151 Tikirengire nk'ameezi abiri agahingwire, ekyo . . . Mukakihurira nikishomwa omu-omu ihurile ry'aba Business men's Voice. Kijanjaire omu nsi yoona, mwareeba. Kandi Ow'eishe-emwe Norman, ori hanu, ningira ngu ari hanu ahantu nanka omwebazyo ogu. Akakihindura okuruga ahari ekyo, kandi yaakyohereza kiri omu butabo bukye. Kijanjaire hoona. Kandi abaheereza bakampandiikira, baangi omuribo, kandi baagira . . . Omwe hanu, ogu we naaza kumugamba. Habaireho amagana g'abo, hatariho kubangaanisa.

Ogu we akairuka, yaagira ati, "Oweishe-emwe Branham, okworekwa kwawe omu ihurile erya Business Men's Voice . . ." Kandi ninsiima Tommy Nickels, n'obu atakiri hamwe n'aba Business men, bundi. Tindikumanya ahabw'enki, kwonka takiri nabo. Kwonka akakitamu omwo kurungi, oku naakigambire. Aho honyini omu katako k'amahurire k'aba tiriniiti, akagira ati, "Ahu na . . . Ahu Paulo yaabatiize omu Iziina rya Yesu, kandi akaragiira abantu kukora batyo, naanye nkakora nk'oku yaakozire." Mwareeba, akakigamba nk'oku kyabaire kiri.

152 Mwareeba? Mbwenu n'ahabw'ekyo nka-nka-nkateekateeka nti, "Mugyenzi!" Omuheereza ogu akampandiikira, yaagira ati, "Ow'eshe-emwe Branham, okworekwa kwawe . . ." Eki, nikubaasa kuba kwabaire kuri okworekwa. Yaagira . . . Hati, tindikwenda kugamba nti, "okutwarwa." Paulo ku araabe . . . ku ndaabe naatwairwe nkahika omu iguru eri ery'okubanza haza nkareeba ekyo, kandi shi Paulo owaatwairwe akagyendera kimwe omu iguru rya kashatu? Ekyo kikaba kiri ki? Akagira ngu akaba atarikubaasa kukigambaho, mwareeba, ku araabe yaabaire atwairwe. Ku kiraabe kyabaire kiri okutwarwa, tindikumanya. Tindikubaasa kubagambira.

Kwonka omuheereza ogu akagira ati, "Ow'eishe-emwe Branham, okworekwa kubaire nikwikirizana n'Ebyahandiikirwe munonga kandi kurungi okuhitsya obu ogambire ngu embaraasi eriyo." Ati, "Embaraasi omu Iguru?" Yaagamba . . . Hati nimureeba omuntu omunyadiini ogwo, obwengye, ebiteekateeko? Mwareeba? Yaagira ati, "Eiguru rikakorerwa abantu, ti mbaraasi."

153 Mpaho, naashutama. Billy, mutabani wangye hanu, akata ebaruha egoy hanu honyini omu ofiisi y'ekanisa ya kare, nk'ameezi ashatu nari ana agahingwire. Nkagira nti, "Ow'eishe-emwe mugyenzi wangye omukundwa, naatangaarira obwengye bwawe, kwonka, kandi n'okumanya kwawe kw'Ebyahandiikirwe. Tindagambire ngu nkaba ndi omu Iguru. Nkagira ngu hakaba hari omu mwanya oguri nka paradiiso, ahabw'okuba Kristo akaba akiri ahaiguru, mwareeba. Kwonka," naagira nti, "ku kyakubaasa kukugwisa gye, biikuura oze omu kitabo ky'Okushuuruurwa 19. Kandi Yesu ku araarugye omu iguru ry'Eiguru, Aryaba atembire aha mbaraasi erikwera,

kandi n'abarikwera boona abari Nawe batembire embaraasi." Buzima. Kyarimwe. Eego, buzima kwo. Kandi okwo omu Mwanya ogwo nigwo gumwe, hakaba hariyo kimwe ekirikureebeka nk'empungu, kandi na kimwe ekirikureebeka nk'enimi, kandi na kimwe . . . Mpaho, mugyenzi, ezo mbaraasi ezaizire kutwara Eliya ziri nkahi? Nikyoreka buzima, nimureeba, ebiteekateeko by'omuntu nibyenda ekintu eky' okugambaho kubi. Ekyo kihikire.

154 Hati mwetegyereze. Kwonka naaba ninteekateeka, nk'oku ow'eishe-emwe omukundwa ogu, orikutiina Ruhanga, Yohaana . . . nteekateekire ngu gukaaba omwanya murungi okutaasyamu ekyo, ntakahendeire, mwareeba. Yohaana ku araabe yaarangize Kuriya, kandi abo bakaba bari beeneishe, mwareeba, beeneishe abaabaire nibateekwa kubonabonaho kakye; reero, mwareeba, Mukama Ruhanga akanyikiriza kureeba ab'eishe-emwe bagyenzi bangye n'abarikwera abaabaire bategyereize Okwija kwa Mukama.

Mwetegyereze, bakaba batari ahansi y'eitambiro ry'ekitambo; abangye bakaba batari ahansi y'eitambiro. Kwonka, aba bakaba bari ahansi y'eitambiro, bakaba bari abaafeereire okwikiriza. Mwareeba? Abangye bakaba batari ahansi y'eitambiro ry'abaafeereire okwikiriza. Hati niinyenda ngu muhurikize mufiireyo munonga. Kandi ninza kuhendera, buzima, nk'omu dakiika ikumi, ahari shaaha ina, ku ndaabe nshemereire kubwemereza haza nkabumaririza nyencakare. Mureebe. Bo, bakaba batari ba . . . abo abu Mukama yanyorekire, Omugore, Omugore akaba atari ahansi y'eitambiro ry'abaafeereire okwikiriza, ngaaha, eitambiro ry'ekitambo ry'abaafeereire okwikiriza; kureka bakaba baahairwe ebijwaro ebirkwera, ahabw'okwakiira embabazi ezirkusaasira z'Ekgambo ekihuriire. Kristo akaba abahaire ekijwaro ekirkwera.

155 Tindikuteekateeka, ahabw'okubambuurwa . . . Nari, ninteekateeka, nimmanyisa, ahabw'okubambuurwa kw'Akamanyiso ka Kataano aka, nk'oku ndikwikiriza, ngu katubamburiirwe. Nkikozire n'omutima ogutarikweshinja, hamwe n'okushuuuruurirwa okurikwetegyerezibwa omu maisho ga Ruhanga. Kutarikugyezaho kufa kukikora, okuteekateeka, ahabw'okuba burijo nkaba mpakanisa ekibiina ky'ediini, nkaba ntarikubaasa kuba nabo. Kwonka hati Kinshuuuruuriirwe⁴³⁶.

Kandi ninteekateeka ekindi kintu. Ahabw'okubambuurwa kw'Akamanyiso ka Kataano aka, omu biro ebi, nikigorora enyegyesa hanu honyini, ei ndikubaasa kugambaho y'o-y'omwoyo okugwejegyera. Hati, nimmanyia ngu hariho abantu abari omunda hanu abarikwikiriza ekyo, mwareeba, omu mwovo okugwejegyera. Ninteekateeka Eki nikihakanisa ekyo. Tibagwejegyeire. Bahuriire. Emibiri yaabo, egwejegyeire. Kwonka, omwoyo, tiguri omu kituuro, eri omu Kubaho kwa Ruhanga, mwareeba, ahansi y'eitambiro.

156 Hanu niho ndikutaana n'ow'eishe-emwe omukundwa, omwegyesa. Kandi, niinyetegyereza, nimmanyia nindeeba bamwe aha bantu be bashutami hanu. Ekyo, nimmanyia ngu n'omwegyesa mukuru. Ni dokita, kandi Dokita omu by'Ediini (Doctor of Divinity), na diguri ya Ph., LLD. Kandi n'o-n'omushaija murungi buzima, nabwo. Ninteekateeka yaaherize kuruga omu nsi egi, obwire obu. Kwonka akaba ari omushaija murungi, kandi omuhandiiki murungi. Kandi n'ow'eishe-emwe Uriah Smith, omuhandiiki w'ekitabo ekirikwetwa Daniel and Revelations.

157 Hati, ahariimwe abantu abarikukuratira okwegyesa kwe, mwareeba, hati tindi . . . tindikufa . . . tindikwenda kugamba eki n'amaryo, kureka ninfa . . . Mwareeba? Kwonka, Ow'eishe-emwe Smith, n'okugyezaho kushagika, mwareeba, n'okugyezaho kushagika omwoyo kugwejegyera, aho naagamba ngu, "omwoyo gugwejegyera. Kandi ngu tihariho eitambiro ry'ekitambo omu Iguru. Ngu, eitambiro ryonka erigambirweho ni," ngu nai-naikiriza eriri omu Iguru, "ni eitambiro ry'obubaane." Kwonka ahariimwe abantu abakundwa . . . Kandi kutari okutaikirizana n'ow'eishe-emwe mugyenzi wangye. Niinyija obundi- . . . nyine amatsiko kumubugana aha rubaju ruri, mwareeba. Kutari okutaikirizana n'omwegyesa mukuru ogwo. Kwonka okufa kubooreka oku Eki kirikuhananisa ekyo, mwareeba. Nikikihakanisa. Okubambuurwa kw'Akamanyiso aka, omu biro ebi eby'aha muheru, nikwihiroho kimwe eky'omwoyo kugwejegyera kiruga omu muhanda. Mwareeba? Bahuriire. Tibafire. Mwareeba?

158 Mwetegyereze. Mwetegyereze eki hati. Hati, ku haraabe hatariho eitambiro ry'ekitambo omu Iguru, ekitambo ahabw'ekibi kiri nkahi kyaba kiri kityo, Omwana gw'Entaama? Nihateekwa kubaho omwanya ahu ogwo Mwana gw'Entaama owaitsirwe, naajwererana eshagama ari, ahu egyo Shagama . . . yo.

Hati, obubaane bukaba buri emigaju, ebintu by'emigaju ebi baabaire bootsya, ebi Baiburi yaagizire ngu bikaba biri, "okushaba kw'abarikwera." Ku haraabe hatariho kitambo aha itambiro, obwo okushaba tikurikubaasa kwakiirwa. N'ahabw'Eshagama yonka, aha itambiro ry'ekitambo, erikutuma okushaba kwarabamu kukahika ahari Ruhanga.

Ow'eishe-emwe Smith akaba agwire, mwareeba. Ti kutaikirizana nawe; ninteekateeka naayeshoboorora gye nyowe nyenka, nyine rukundo y'obw'eishe-emwe n'ekitiinisa ahabw'omurimo gwe mukuru, mwareeba. Kwonka akaba agwire.

159 Akamanyiso ka Kataano kashuurwire ekyo, mwareeba, mwareeba; n'ebindi bintu bingi. Ku muraabe mubikwatsire. Mwareeba? Ntegyereize ebibuuzo byangye, mwareeba, kuri ni . . . Ni kirungi.

Hati, eshanduukye ekaba erahi; Omwana gw'Entaama orikujwa eshagama, owaitsirwe, akahutaazibwa, akajwa, Omwana gw'Entaama oijwireho eshagama ahabw'okurihiirira ekibi, ahabw'okushaba oku kw'ebi'emigaju? Mwetegyereze, Baiburi neegira eti, "Eihema ryaitu eri ery'orusiisira eriturikutuuramu omu nsi egi ku

erisheenywa, twine erindi eritutegyereize." Aho niho ndeebire abarikwera abo. Mwareeba?

160 Mureebe omwereere ku . . . Mugarukye munsaasire, ab'eishe-emwekazi, ahaw'okugamba butunu oku omu maisho g'abakazi bato. Kwonka, mureebe. Omukazi ku aheza kubaka enda, kandi ezo nyama nkye z'omubiri nizeemyora nizigurukaguruka, nimwetegyereza, n'omubiri gw'obutoosha. Kandi nk'oku eby'obuhangwa birikukora omubiri gw'obutoosha . . . Oreetegyereize omukazi waawe omwana yaaba atakazairwe? Burijo aba, obwire bwona, oburikuhereeruka, abeera kimwe murungi munonga, ow'emicwe mirungi. Ku araabe atakabaga atyo, amagara ge goona, naija kuba atyo obunaku obwo. Oreetegyereize oku arikuba ow'engyeso nungi, nari ow'embeera nungi,

nooyetegyereza omukazi omuzaire ogwo? Kandi nooreeba omusiisi aheeru okwo, naashungisa omukazi omuzaire omukazi o-oine e-enda. Nintekateeka ekyo n'eky'obushema. Ago n'amagara agarikwija omu nsi. Kwonka oretegryereize, aha mukazi ogwo nihareebeka kuba hariho embeera nungi? Ekyo niki? Ni omubiri gw'omwoyo mukye, amagara g'omwoyo, gategyereize kutaaha omu mubiri mukye ogwo ahonaaho gwaheza kuzaarwa. Hati guri omu nda; kwonka, ku guraazaarwe, niguzaarwa. Omubiri gw'omwoyo niguteerana n'omubiri gw'obutoosha.

161 Kandi, obwo, Baiburi eyegyesa ngu hati tuzairwe Ruhanga. Tuzairwe Omwoyo Orikwera, ngu, omuriitwe harimu Kristo, omwana wa Ruhanga arikuhangwa omuriitwe. Kandi omubiri ogu ogw'omu nsi ku guraasheenywe, omubiri gw'omwoyo ogu nigwija kuruga omu nda y'ensi, hariho omubiri ogundi oguteegyereize kugwakiira. "Orusiisira oru orw'omu nsi egi ku ruranagwe ahansi, hariho ogundi mubiri gw'okugwakiira." Omubiri ogu ogufa gujware obutafa. Ogu ogw'ensi nigujwara ogw'eiguru. Ogu, nimureeba eki ndikumanyisa?

Hariho omubiri gw'obutoosha ogukora ekibi; kwonka, omu kuhangwa kwagwo, nk'okushusha nagwo, n'ogundi mubiri oguturikuzamu. Kandi ninsiima Ruhanga munonga ngu nimbaasa kugamba, nk'omuriisa waanyu kandi ow'eishe-emwe, nkarieba abantu abo, nigo mazima, omu mubiri ogwo, kandi naabakwataho n'emikono yangye. Ekyo kihikire.

162 Mwetegyereze. Mwetegyereze. Mureebe Musa, Elisa. Musa ku yaaherize kufa, na Elisa yaatwairwe omu Iguru, akeemerera hanu aha Rushozi orw'Okuhindurirwaho aine Ebihurikizo bye by'omubiri by'okugambisa, okuhurira, okwetegyereza, kandi yaagamba na Yesu atakabambirwe. Hati, akaba aine omubiri gwa muringo ki?

Mureebe Samueli, ahanyima y'okumara emyaka nk'ebiri afiire. Akeetwa omu nya-nyanga ekiro ekyo, omurogikazi wa Endoori, kandi yaagamba na Saulo n'orurimi orurikugambwa; yaahurira Saulo, yaamugarukamu, kandi yaamanya ebintu bitakabaireho ebyabaire nibiza kubaho. Nabwo, omwoyo gwe gukaba gutakahindukire. Akaba ari nabi.

163 Omwoyo gwa Eliya ku guraije aha muntu, guryamwebembera nka Eliya. Aryaza omu ihamba. Aryakunda eihamba. Aryaba omwangi w'abakazi b'engyeso mbi. Aryahakanisa ebibiina by'amadiini. Tarizaanazaana n'omuntu weena. Kandi ekyo ni . . . Ogwo, ogwo nigwo guriba omwoyo gwe. Nikwo gwabaire guri, buri murundi obu gwaija, mwareeba. Musa aryaba omuntu ogwo niwe omwe.

Hati, kandi nitushanga, omu kitabo ky'Okushuururwa 22:8, ekintu nikyo kimwe. Hati, nari okukitereesa, ahaw'abo abari . . . Emoyo ego (hati mureebe eki) ahansi y'eitambiro, aha kubambura kw'Akamanyiso aka, abaabaire baitsirwe omu bunaku oburi rwagati y'okufa kwa Kristo n'okutwarwa kw'Ekanisa; ekibiina kya Eichmann, n'abo boona, Abayudaaya abo ab'amazima n'amaziina gaabo gari omu Kitabo. Ku oraareebe, ow'eishe-emwe mugyenzi wangye, okurugiirira omu Byahandiikirwe, bakaba nibabaasa kugaaniira, kugamba munonga, kugamba, kuhurira, kandi bakaba baine ebihurikizo byona bitaano. Batagwejegyereire omu kituuro, batarikumanya ekirho. Bakaba batagwejyeire na kakye, kandi bakaba nibabaasa kugaaniira, kugamba, kuhurira na kyona ekindi. Ekyo kihikire? [Abateeraine baagira bat, "Amiina." -Omur.] Oo, tuyambe!

164 Edakiika ibiri. Amiina. Munsaasire naabakyerereize ekicweka ky'eshaaha. Ngaaha, tindikubaasa, tinshemereire ekyo kukigamba, mwareeba. Mwareeba? Ekyo kihikire, mwareeba. Kwonka, mureebe, okurugiirira aha kumanya kwangye okurukukirayo, okurukukirayo. Kandi kurugiirira aha kushuururirwa oku mpairwe akasheeshe aka nibutaagurukana, kuruga ahari Mukama Yesu Kristo, nkako Akamanyiso ka Kataano kashuurwirwe, kugyenda hamwe n'obundi buna. Ahabw'embabazi Ze akampaire, embabazi Ze ahariiwe naanye. Nitukamusimira. Kandi, n'obuhwezi Bwe, nyine ekigyendererwa ky'okutuura haihi munonga . . . nk'oku ndikubaasa, ndikwegyesa abantu kukora ekintu nikyo kimwe, okuhitsya obu Ndimubugana, hamwe naimwe, omu Kitiinisa, obwo ebintu byona bihweire. Niimukunda ahabw'eki, kandi nikwo kwetegyereza kwangye okurukukirayo Ahariko. Kandi buzima niinyikiriza, n'omutima gwangye gwona, ngu okushuururirwa kw'amazima kw'okushuurura kw'Akamanyiso k'Okubanza, aka Kabiri, aka Kashatu, aka Kana, kandi n'aka Kataano, hati kutushuururiirwe.

Nimukunda, Nimukunda

Ahabw'okuba Akabanza kunkunda.

[Ow'eishe-emwe Branham yaagamba mpora hamwe n'omuntu -Omur.]

Aha musharaba Gologosa.

[Ow'eishe-emwe Branham yaatandika kweshongorera omu matama Nimukunda -Omur.]

165 Hati, mporampora, n'ekitiinisa ekirimu kutiina, omumaisho ga Ruhanga! Nk'oku tureebire Akamanyiso aka nikabambuurwa ahariitwe, Ruhanga kirikumwetaagisa kutwara abaana Be ahabwe kandi akahumya amaiso gaabo, kandi akababinga, ahabw'okuba oburingaaniza-oburingaaniza Bwe bwetaagisa okucwerwa orurbanja kw'ekibi. Mukiteekateekyeho. Oburingaaniza Bwe, kandi n'oburikwera Bwe nibwetaagisa oburingaaniza.

Ebiragiyo ebitaine kifubiro ti biragiro. Kandi ebiragiyo Bye, We wenka, tarikubaasa kubijeemera haza nabwo akaguma ari Ruhanga. Egyo niyo nshonga eyaatumire Ruhanga yaabaire naateekwa kuba omuntu. Akaba atarikubaasa kutwara ekirikuza omu mwanya gw'ekindi, omwana owaabaire . . . omwana w'obutoosha Ahariwe, nari ekintu nanka. Ruhanga akaba byombi, Yesu akaba byombi Omwana kandi Ruhanga, omuringo gwonka ogu Yaakubaasize kukikora omu buringaaniza. Ruhanga akaba naateekwa kwekorera ekifubiro, We wenka. Tikikaabaire eky'oburingaaniza, okukita aha muntu ondi, omuntu ondijo. N'ahabw'ekyo, Obuntu bwa Yesu bukaba buri Ruhanga, ayorekirwe omu mubiri, ogwabaire nigwetwa Emanueli. Kandi okukora ekyo, kandi n'okutunga Omugore, kandi n'okujuna ekibiina ky'Abanyamahanga abatamanya Ruhanga ababuzire, Akaba naateekwa kuhumya abaana Be. Kandi bwanyima akakibaheera ekifubiro, omu mubiri, ahabw'okumwanga. Kwonka embabazi Ze zikabaha ebijwaro. Kwonka, Amagara ago, mwareeba ekyabaireho. Kandi ku Araabe, yaabaire naateekwa kukora ekyo, kugira ngu tutungye omugisha (chance), nitubaasa tuta kwanga omugisha ogwo omuri rukundo?

166 Omu kyombeko eki ku haraabe harimu, ekiro eki, omuntu ogwo, omuto nari omukuru, okuhitsya obwire obu okyangire omugisha ogwo ogwatumire Ruhanga yaashashura omuhendo nk'ogwo, kandi okaayenzire kwakiira omugisha ogwo ahari Ruhanga, ekiro eki; ngu torikwetaagiisibwa kuba, nk'oku turikumanya, kuba orikufeera okwikiriza, n'obu waakuba we. Kwonka ekiwaro ekirikwera kikubiikiirwe. Kandi Ruhanga ku araakongoote aha mutima gwawe hati, ahabw'enki otarikukiikiriza! [Ow'eishe-emwe yaakongoote aha kituuti kashatu -Omur.]

Hati ka twinikye emitwe yaitu omurundi ogundi. Omuntu ogwo, nari abantu abo, ku baraabe bari omunda hanu, abarikwetenga ekyo, nari orikwenda kukyakiira aha musingye gw'okwikiriza kwawe kurabira omu Shagma eyaasheeshirwe ei Ruhanga yaabaire naateekwa kusheesha ahabwawe, yaabonabona okukira ondijo muntu ofa. Tihaakubaasize kubaho omuntu ofa owaakubonaboine atyo. Okuhitsya obu, obusaasi Bwe bwataaniise amaizi Ge kuruga omu Shagma Ye, omu mitsi Ye. Atakagiire aha musharaba Gologosa, amatondo g'Eshagama gakaba nigaruga omu mubiri Gwe, n'obusaasi nk'obwo n'omutima oguhendekire ahabw'eki Yaabaire naateekwa kukora. Kwonka, Akaabaasize kwanga, nawe. Kwonka, ayekundiire akakikora ahabwawe naanye.

167 Noobaasa kwanga rukundo nk'egyo etakainganwa? Kandi ekyo nimukireeba hati, ahabw'okubambuurwa kw'Obumanyiso obu; ekyo eki mwakozire, kandi n'eki Ruhanga yaabakoreire. Kandi mweteekateekire kuheerayo kimwe amagara gaanyu ahari Ruhanga, kandi ku Araiye kubajakura okuruga omu ngaro za antikristo ezimurimu hati? Nimubaasa kwakiira ekyo kitambo Kye, ahabw'okwimutysa emikono yaanyu Ahariwe, nimugira muti, "Ruhanga, ahabw'eki, ninkimanyisa. Niinyakiira ekyo kitambo ky'embabazi." "Kandi, Ow'eishe-emwe Branham, niinyetenga eshaara zaawe, ngu ndyaguma ndi omwesigwa."

Mwereeze emikono yaanyu, kandi reero nshabe. Ruhanga abahe omugisha. Ruhanga abahe omugisha. Kimanyise hati. Ota-otakikora shana ku oraabe nookimanyisa. Kandi aho honyini ahu oshutami, kyakiirire aho. Habw'okuba, mwijukye, timukaabaasize kwereezza emikono yaanyu kuri Ekintu kitakugambiire kugwereeza. Kandi tihariho ekintu kyona ekindi ekyakubaasize kukikora atari Ruhanga.

168 N'ahabw'ekyo, hati, ku murikureeba Ebyahandiikirwe nibishuuuruurirwa kimwe okuhikire! Nimureeba ekitwire nikikorwa, okushuuma kuraba omu busingye, emyaka mikye echingwire, makumi abiri nari makumi ashatu. Nimukirebera kimwe nikihamibwa. Nimureeba Ebyahandiikirwe nibigamba buzima ekyabaireho, kandi n'ekirkwetebekanisa kubaho. Bwanyima, aha musingye gw'okwikiriza omu murimo gwa Kristo, ahu oshutami honyini hati, kandi mwayereeza emikono yaanyu, muti, "Okuruga aha dakiika egi okugumizamu, kyahwa. Naatwara Kristo hati nk'Omujuni wangye. Kandi niinyija kumuheereza, ebiro by'amagara gangye byona. Kandi niinyetenga Ruhanga okuunyijuza Omwoyo Orikwera."

Kandi ku oraabe otakabatiziibwe omu Iziina rya Yesu Kristo, ekidiba nikiza kuba kikutegyereize. Ika tushabe.

169 Mukama Ruhanga, habaire hariho emikono mingi omu bantu, eyaayereebwa. Nimpamya ngu Niwe Mukama Yesu ogwo omwe wenyini owaarihiire ekibi ahabwaitu, emyaka mingi echingwire. Kandi ahabw'okureeba Obumanyiso obwo nibushuuuruurwa, kandi n'ebintu bikuru ebibaireho hanu honyini omu myaka mikye echingwire, niinyikiriza n'omutima gwangye gwona ngu orwigi rw'okusaasira nirutandiika kukingwa, kandi Oyeteekateekire kutandika orugyendo Rwawe hati kucungura abantu Baawe.

Obu ha kiriho omwanya, kandi n'orwigi rwigwire, nk'oku kyabaire kiri omu biro bya Noa, ninshaba ngu emyoyo egi ey'omuhendo erikutuura omu mubiri gw'orusiisira oru orurikuza kusheenywa ekiro kimwe, abo abaayereeza omukono ogwo ogufa, omunda yaabo; ahabw'okushinjwa orurbanja kwabo-kwabo kandi n'okwatura kwabo, ngu nibaikiriza kandi nibenda kwakiira eki Waabaheereza, eky'okujunwa, aha Kitabo ekikomirwe

n'akamanyiso ekibiikwire ekitushuururiirwe. Baheereze, omwebazyo ogu, Mukama, ekijwaro ky'okuhikiirira kwa Yesu Kristo, kandi ojwekye emyoyo yaabo omuri ekyo, kugira ngu babaase kwemerera omu maisho Gaawe aha Kiro ekyo ekiri haihi, bahikiriire, ahabw'Eshagama ya Kristo.

170 Mukama Ruhanga, ku baraabe batakabatiziibwe omu Iziina nya Yesu Kristo! Kandi kurugiirira aha kushuuuurirwa oku Ompaire okukikwatsireho; kandi n'okureeba ngu Paulo akaragiira abantu abaabaire nangwa babatiziibwe Yohaana Omubatizi, okugaruka kubatizibwa omurundi ogundi omu Iziina rya Yesu Kristo, okwenda ngu batungye Omwoyo Orikwera, omu kitabo ky'Ebyakozirwe 19. Ninshaba ngu Obaikiririse, Mukama, ebikwatsire aha Mazima, kandi ninshaba ngu Bakworobere.

Kandi bwanyima omu kworoba kw'okwikiriza kwabo, kandi n'okworobera okwatura kwabo, kandi n'aha maizi; ninkushaba, Iwe ka, omu kubagaruriza, obaijuze Omwoyo Orikwera, ahabw'amaani g'okuheereza, ebiro byona by'amagara gaabo. Nimbahayo hati Ahariiwe, omu Iziina ry'Omwana gw'Entaama wa Ruhanga owaahairweyo nk'ekitambo, Yesu Kristo. Amiina. Amiina.

Niimukunda, Niimukunda

Ahabw'okuba Akabanza kunkunda

Kandi yaagura okujunwa kwangye

Aha musharaba Gologosa.

171 Hati, ahariimwe abaaba beereerize emikono. Mworobere okuragiira kw'Omwoyo, abarikukuratira e- engyenderwaho y'Ekgambo, ahabw'omusiisi oyeteisize. Mukikuratire, omuri buri kikorwa. Kandi Ruhanga w'Eiguru abahe ebihembo ahabw'okwemerera Ahabwe kwanyu. Mukama abahe omugisha.

Nyencakare omu kiro, mureete ekaraamu zaanyu n'empapura, hati, nk'oku mutwire nimukora. Twine amatsiko kuba hanu omu bwire nibwo bumwe, shaaha emwe n'edakiika makumi ashatu, zonyini, Mukama yaakunda. Kandi ahabwa. . . munshabire, kugira ngu Ruhanga aije anshuuuurire Akamanyiso ka Mukaaga, nyencakare, kugira ngu mbaase Kukabareetera nk'oku Araakampe. Okuhitsya obunaku obwo, tugarukye tweshongore. Ti kurabira omu byeshongoro honka, kureka n'okurabira omu kuhimbisa Ogwo owaafiire omu mwanya gwaitu kandi akatucungura. Nimukunda. "Ni . . ."

Ngugu omuriisa wanyu hati.

. . . mukunda, Nimukunda

Ahabw'okuba Akabanza kunkunda.



Obutumwa obu bukabuuirirwa
William Marrion Branham
 "... omu biro by'eiraka ..." Kush 10:7